

17/2015 FORU DEKRETUA, ekainaren 16koa, Sozietateen gaineko Zergaren Erregelamendua onartzen duena.¹

AZALPEN OHARRA

Testu hau dibulgaziozkoa da soilik, eta ez du inolako izaera ofizialik. Eguneratutako foru dekretu osoa jasotzen da bertan.

Testuaren bukaeran zerrendatu egiten dira foru dekretuak onartutako erregelamenduaren jatorrizko zenbait artikulutan aldaketak sartu dituzten xedapenak.

ERREGALAMENDUAREN AURKIBIDEA

I. TITULUA ZERGADUNA.....	7
1. artikulua. Mikroenpresak eta enpresa txiki eta ertainak	7
2. artikulua. Ondare sozietateak	8
3. artikulua. Ondare sozietateen betebeharrak formalak.	8
II. TITULUA ZERGA OINARRIA	9
I. KAPITULUA. ZUZENKETAK GASTUEN ALORREAN	9
4. artikulua. Amortizazio planak	9
5. artikulua. Gutxieneko amortizazioa.	9
6. artikulua. Finantza errentamenduko kontratuak.	10
7. artikulua. Amortizazio askatasuna, amortizazio azkartua, eta baterako amortizazioa.	10
8. artikulua. Amortizazio askatasuna. Eskaera.	11
9. artikulua. Merkataritza funts finantzarioa.	11
9 bis artikulua. Finantza gastuen kengarritasunari muga handiagoa aplikatzeko proposamena.	12
10. artikulua. Ingurumen alorreko jarduketari dagozkien gastuen planak.	13
11. artikulua. Gastu ez-kengarriak.	13
II. KAPITULUA. ZUZENKETAK SARREREN ALORREAN	13
12. artikulua. Berrinbertsio plan bereziak.	13
13. artikulua. Aparteko mozkinen berrinbertsioa: betebeharrak formalak.	14
13 bis artikulua. (<i>indargabetua</i>).....	15
14. artikulua. Alderdi politikoen berezko ustiapen ekonomiko salbuetsiak.	15
III. KAPITULUA. ZUZENKETAK BALORAZIO ERREGELEN ALORREAN ETA ABUSUAREN AURKAKO NEURRIAK	16
<i>Lehen sekzioa. Zenbait eragiketa loturen merkatuko balio normala zehaztea</i>	16
15. artikulua. Bazkide profesionalen zerbitzu prestazioak	16
<i>Bigarren sekzioa. Pertsona edo entitate lotuen arteko eragiketarako dokumentatzeko betebeharrak</i>	17
16. artikulua. Pertsona edo entitate lotuen arteko eragiketarako dokumentatzeko betebeharrak: salbuespenak eta informazio betebeharrak.	17
17. artikulua. Zerbitzu prestazioak, haien ordainsariak lanaren edo jardura ekonomikoen etekintzat hartzen direnean.	17
18. artikulua. Finantzaketa eragiketarako.	18
19. artikulua. Ondasun higiezinak errentan edo azpierrean ematea eta haiek erabiltzeko edo gozatzeko eskubide errealak eratu edo lagatzea.	18
20. artikulua. Zergadunaren berariazko dokumentazioa kasu jakin batzuetan.	19
20 bis artikulua. Herrialdez herrialde informatzeko obligazioa.	20

¹ 2015eko ekainaren 22ko Gipuzkoako Aldizkari Ofiziala.

<i>Hirugarren sekzioa. Eragiketa lotuen merkatuko balio normala egiaztatzea.....</i>	<i>20</i>
21. artikulua. Eragiketa lotuen merkatuko balio normala egiaztatzea.	20
<i>Laugarren sekzioa. Pertsona edo entitate lotuen arteko eragiketen aurretiazko balorazio akordioak</i>	<i>22</i>
Lehenengo azpisekzioa. Eragiketa lotuen inguruko akordioak zergapekoek eskatuta lortzeko prozedura.	22
22. artikulua. Aurretiazko jarduketak.....	22
23. artikulua. Prozedura hastea.	22
24. artikulua. Aurkeztutako dokumentazioaren araubidea.	23
25. artikulua. Akordioa tramitatzea, amaitzea eta ondorioak izatea.	24
26. artikulua. Pertsona edo entitate lotuekin egindako eragiketak baloratzeko akordioa aplikatzeari buruzko informazioa.	25
27. artikulua. Aurretiazko balorazio akordioa aldatzea.	25
28. artikulua. Aurretiazko balorazio akordioa luzatzea.	27
Bigarren azpisekzioa. Beste administrazio batzuekin eragiketa lotuei buruzko akordioak lortzeko prozedura	27
29. artikulua. Arau aplikagarriak.	27
30. artikulua. Prozedura hastea.	27
31. artikulua. Tramitatzea eta ebaztea.	27
Hirugarren azpisekzioa. Azpikapitalizazio koefizienteari buruzko aurretiazko akordioen berezitasunak	28
32. artikulua. Beste azpikapitalizazio koefiziente bat zehazteko prozeduraren aplikazioa.	28
III. BIS KAPITULUA: EMAITZAREN APLIKAZIOAREN ARLOKO ZUZENKETAK.....	28
32. bis artikulua. Erreserba berezia ekintzailatza sustatzeko eta jarduera produktiboa sendotzeko: proiektu enpresarial garrantzitsuak ezartzen dituzten entitateetako partaidetzen eskurapena.	29
IV. KAPITULUA. SARRERAK ETA GASTUAK DENBORAN EGOZTEA. SORTZAPENAZ BESTEKO IRIZPIDEAK ONARTZEA	30
33. artikulua. Sortzapenaz besteko egozpen irizpideak onartzea.	30
III. TITULUA ZERGA ZORRA.....	31
34. artikulua. Ikerketa, garapen eta berrikuntza teknologikoko jardueren kenkariak aplikatzeko txosten arrazoitua.	31
35. artikulua. Txostenaren ondorioak eta Zerga Administrazioaren ahalmenak.	31
35 bis artikulua. Negozio prozesuak berrikuntza teknologikoaren esparrian.	32
35 ter artikulua. Sorrera berriko entitate berritzaileen ikerketa eta garapeneko edo berrikuntza teknologikoko proiektuen finantzaketan parte hartzen dutenek egin beharreko komunikazioa.	34
36. artikulua. Garapen iraunkorra, ingurumenaren zaintza eta hobekuntza zein energia iturrien aprobetxamendu eraginkorragoa lortzeko zuzentzen diren proiektuekin loturiko inbertsio eta gastuen kenkaria.	34
37. artikulua. Kenkaria enplegua sortzeagatik.	36
37 bis artikulua. Ikus-entzunezko lanak produzitzeko inbertsio eta gastuen kenkaria. Kultur ziurtagiria eta filmotekako gordailua.	38
37 ter artikulua. Ikus-entzunezko lanak ekoizteko inbertsio eta gastuen kenkaria. Kreditu tituluen eta material grafikoaren inguruko beharkizunak.	39
37 quater artikulua. Ikus-entzunezko lanak produzitzeko inbertsio eta gastuen kenkaria. Obra zailak.	39
37 quinquies artikulua. Arte eszeniko eta musikalen zuzeneko ikuskizunengatik aplikatu beharreko kenkaria. Kultur ziurtagiria eta ikuskizuna gauzatzeko.	40
37 sexies artikulua. Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Beharkizunak.....	41
37 septies artikulua. Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Mugak.	43
37 octies artikulua. Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Erregularizazioa.	43
37 nonies artikulua. Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Datuak zabaltzea.	43
37 decies artikulua. Kultura sustatzeko pizgarriak egiaztatzen dituzten zergadunen informazio betebeharrak.....	44
IV. TITULUA ZERGA ARAUBIDE BEREZIAK	44
I. KAPITULUA. ITSAS GARRAIOKO ENPRESEN ARAUBIDEA.	44
38. artikulua. Aplikazio eremua eta jakinarazpenaren edukia itsas garraioko enpresen araubidean.	44
39. artikulua. Komunikazioa egiteko epeak, aplikazioa luzatzea, aplikazioari uko egitea eta ukoak edo ez-betetzeak dakarren zehapena.....	45
39 bis artikulua. Itsas garraioko enpresen informazio betebeharrak.	45
II. KAPITULUA. BESTE ZERGA ARAUBIDE BEREZI BATZUK.	46
40. artikulua. Espainiako zein Europako ekonomia intereseko taldeen eta aldi baterako enpresa elkarrekin betebeharrak.....	46
40. bis artikulua. Muga jartzea ekonomia intereseko taldeetako bazkideei diru kopuruak egozteari.	48

40 ter artikulua. Errenta jakin batzuk lortzen dituzten arrisku-kapitaleko entitateek egin beharreko komunikazioak.....	48
41. artikulua. Zerga baterakuntzaren araubidearen aplikazioa eta araubide horretara bildutako entitateen informazio betebeharrak.....	49
42. artikulua. Aplikatzea bat-egiteak, zatiketak, aktiboen ekarpenak, balore trukeak, aktibo nahiz pasibo osoaren lagapenak eta europar sozietate baten edo europar sozietate kooperatibo baten helbide soziala Europar Batasuneko estatu batetik beste estatu batera aldatzea arautzen dituen araubide berezia.....	50
43. artikulua. Higiezin errentamenduko jardura kualifikatua duten entitateen araubide bereziaren aplikazioa aukeratzea.....	51
V. TITULUA ZERGAREN KUDEAKETA.....	52
I. KAPITULUA. ESKABIDEAK IZAPIDETU ETA ONESTEKO PROZEDURA OROKORRA.....	52
44. artikulua. Eskabideak izapidetu eta onesteko prozedura orokorra.....	52
II. KAPITULUA. ENTITATEEN INDIZEA.....	53
45. artikulua. Entitateen indizea.....	53
46. artikulua. Entitateen indizean alta berritzea eta bazterreko oharra deuseztatzea.....	53
47. artikulua. Lankidetzan jarduteko betebeharra.....	53
48. artikulua. Ofiziozko itzulketa.....	53
III. KAPITULUA. KONTURAKO ORDAINKETAK.....	53
49. artikulua. Atxikipenari eta konturako sarrerari lotutako errentak.....	53
50. artikulua. Atxikipenak eta konturako sarrerak egin beharraren salbuespenak.....	54
51. artikulua. Atxikipena eta konturako sarrera egitera behartuta dauden subjektuak.....	60
52. artikulua. Aktibo finantzarioen kalifikazioa eta horiek eskualdatu, itzuli eta amortizatzeko betekizun fiskalak.....	62
53. artikulua. Atxikipena eta konturako sarrera egiteko betebeharraren kalkulurako oinarria.....	64
54. artikulua. Atxikipena eta konturako sarrera egiteko betebeharra sortzea.....	65
55. artikulua. Atxikipenaren eta konturako sarreraren portzentajea.....	65
56. artikulua. Atxikipenaren eta konturako sarreraren zenbatekoa.....	65
57. artikulua. Atxikitzailearen eta konturako sarrera egin behar duenaren betebeharrak.....	65
58. artikulua. Ordainketa zatikatuak.....	67
Xedapen gehigarri lehena. Administrazioa aurretik lotesteko prozedurak.....	67
Bigarren xedapen gehigarria. Higiezinetak inbertsio kolektiboko erakundearen araubidea.....	69
Hirugarren xedapen gehigarria. Balore jakin batzuk dauzkaten entitateen araubidea aplikatzea.....	69
Laugarren xedapen gehigarria. Balore jakin batzuk dauzkaten entitateen araubidea errebokatzea.....	70
Bosgarrena xedapen gehigarria. Atxikipena eta konturako sarrera egiteko 2014 eta 2015erako portzentajea.....	71
Seigarren xedapen gehigarria. (<i>indarrik gabea</i>).....	71
Zazpigarren xedapen gehigarria. (<i>indarrik gabea</i>).....	71
Zortzigarren xedapen gehigarria. Izatezko bikoteak.....	72
Xedapen iragankor lehena. Dokumentazio betebeharratik salbuestea ondasun higiezin errentamenduan, azpierrentamenduan edo haiek erabili eta gozatzeko eskubide errealean eraketan edo lagapenean.....	72
Bigarren xedapen iragankorra. Balore jakin batzuk dauzkaten entitateen araubidea.....	72
Hirugarren xedapen iragankorra. Kultura sustatzeko pizgarriak 2023ko abenduaren 31n indarrean zegoen idazketaren arabera aplikatzeko aukeratzea.....	73

Urtarrilaren 17ko 2/2014 Foru Arauak, Gipuzkoako Lurralde Historikoko Sozietateen gaineko Zergarenak, nabarmen aldatu du Gipuzkoako Lurralde Historikoan indarrean dagoen araudia zergari lotuta dauden pertsona juridikoek eta gainerako entitateek jasotzen dituzten errenten tributazioari dagokionez, hala ikuspegi sistematikotik nola tributuarien erregulazio substantibotik begiratuta.

Foru arau horretako xedapen indargabetzaile bakarreko 4. apartatuan xedatzen denez, foru arau hori garatzen duen erregelamendua onartu arte indarrean jarraituko dute Sozietateen gaineko Zergari buruzko uztailaren 4ko 7/1996 Foru Araua garatzeko emandako erregelamenduzko xedapenek (funtsean, Sozietateen gaineko zergaren erregelamendua onartzen duen ekainaren 10eko 45/1997 Foru Dekretuak)-, betiere foru arau berrian xedatutakoarekin bat datozen neurrian.

Hainbat apartatutan, foru arauak dio zenbait alderdi erregelamendu bidez garatuko direla. Horrela gertatzen da, esate baterako, eskaeren inguruko prozedurekin, administrazioa aurrez lotzeko prozedurekin, edo erregulazioan jasota dauden hainbat kontzeptu zehaztu beharrekin.

Gainera, indargabetutako arauditik erregulazio berrirako trantsizioa egiteak berekin dakar zenbait kasutan zergadunek aukera jakin batzuk egin behar izatea edo eskaera batzuk tramitatzea, eta horrek ezinbesteko egiten du zergaren foru arau berria erregelamendu bidez garatzea.

Illo horretatik ere, nabarmendu behar da sozietateen gaineko zergaren erregulazioan oso alderdi berritzaileak jasotzen direla, eta horiek osorik aplikatzeko, ezinbestekoa gertatzen dela haien formulazioa areago zehaztea edo zergaren foru arauan aipatzen diren erregelamenduzko xedapenak garatzea.

Hortaz, foru dekretu honen xedea da erregelamendu bidez garatzea urtarilaren 17ko 2/2014 Foru Araua, Gipuzkoako Lurralde Historikoko Sozietateen gaineko Zergari buruzkoa. Horretarako, zergaren erregelamendua onartzen du, haren erregulazioa osatzeko eta araudi berria aplikagarria den lehen zergalditik aurrera zergadunei segurtasun juridikoa emateko.

Ohartarazi behar da Gipuzkoako Foru Aldundiko hainbat organok idatzitako derrigorrezko txostenen ondorioz ahalegin handia egin dela foru dekretu honen gaztelaniazko bertsioa Emakumeen eta gizonen berdintasunari buruzko martxoaren 9ko 2/2015 Foru Arauaren xedapenetara oraindik are gehiago egokitzeko asmoz, betiere genero hizkerari dagokionez. Alde horretatik, Euskal Autonomia Erkidegoarekiko Ekonomia-itunak 3.a) artikuluan xedatzen duenari jarraiki, ez dira aldatu Zergen Lege Orokorrean definituta datozen terminoak. Bai, ordea, egokitu dira gainerako terminoak.

Honenbestez, Ogasun eta Finantza Departamentuko foru diputatuak proposaturik, Lege Aholku Bartzordeari entzun eta gero, eta Diputatuen Kontseiluak gaurko bileran eztabaidatu eta onartu ondoren, hau

XEDATZEN DUT

Artikulu bakarra. Sozietateen gaineko zergaren erregelamendua onartzea.

Onarturik geratzen da sozietateen gaineko zergaren erregelamendua, foru dekretu honetan eranskin gisa datorrena, Gipuzkoako Lurralde Historikoko Sozietateen gaineko Zergari buruzko urtarilaren 17ko 2/2014 Foru Araua garatzeko.

Xedapen gehigarri bakarra. Araudiari buruzko aipamenak.

Sozietateen gaineko Zergaren Erregelamendua onartzen duen ekainaren 10eko 45/1997 Foru Dekretuari Gipuzkoako Lurralde Historikoko zerga araudian egiten zaizkion aipamen guztiak foru dekretu honetan onartzen den erregelamenduko xedapenei egindakoak direla joko da.

Xedapen indargabetzaile bakarra.

1. Foru dekretu hau indarrean jartzen denean, indarrrik gabe garatuko da ekainaren 10eko 45/1997 Foru Dekretua, Sozietateen gaineko Zergaren Erregelamendua onartzen duena, salbu eta haren lehen, zortzigarren, hamargarren eta hamahirugarren xedapen iragankorrak, aplikagarri diren egoeretan ondorioak izaten jarraituko baitute.

2. Halaber, indargabeturik geratuko dira foru dekretu honetan eta bere eranskineko erregelamenduan xedatutakoarekin bat ez datozen maila bereko edo beheragoko xedapen guztiak, hauek izan ezik: Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauak xedapen indargabetzaile bakarraren 3. apartatuan ezarritakoarengatik oraindik indarrean daudenak garatzeko onartutakoak.

AMAIERAKO XEDAPENAK.

Lehena. Abenduaren 5eko 49/2006 Foru Dekretua, zerga kontsulta idatzien eta aurretiazko tributazio proposamenen prozedurak garatu eta Zergen Aholku Batzordea sortzekoa, aldatzea.

Hurrengo aldaketak sartzen dira zerga kontsulta idatzien eta aurretiazko tributazio proposamenen prozedurak garatzen dituen eta Zergen Aholku Batzordea sortzen duen abenduaren 5eko 49/2006 Foru Dekretuan:

Bat. 2. artikulua 3. apartatua honela geratzen da idatzita:

«3. Zerga kontsultak egiteko legitimatuta daudenek eurek zuzenean edo ordezkari bidez aurkez ditzakete horiek. Ordezkari bidez aurkeztuz gero, kontsulta aurkeztean ordezkariak bere ordezkaritza frogatu behar du Gipuzkoako Lurralde Historikoko Zergei buruzko martxoaren 8ko 2/2005 Foru Arau Orokorrak 45., 46. eta 47. artikuluetan xedatutakoarekin bat etorritik eta irailaren 28ko 23/2010 Foru Dekretuak, Foru Administrazioaren eremuan bitarteko elektronikoen erabilera arautzen duenak, ezarritakoari jarraikiz.».

Bi. 3. artikulua 4. eta 5. apartatuak honela geratzen dira idatzita:

«4. Kontsulta ordezkari bidez aurkezten bada, ordezkaritza frogatzen duen agiria erantsi behar zaio idatzari irailaren 28ko 23/2010 Foru Dekretuak, Foru Administrazioaren eremuan bitarteko elektronikoen erabilera arautzen duenak, xedatutakoari jarraikiz.».

«5. Zilegi izango da kontsultak bitarteko elektronikoen, informatikoen edo telematikoen erabiliz aurkeztea, baldin eta artikulua honen 3. apartatuan aipatzen diren pertsona edo entitateen identifikazioa bermatuta geratzen bada irailaren 28ko 23/2010 Foru Dekretuak, Foru Administrazioaren eremuan bitarteko elektronikoen erabilera arautzen duenak, aurreikusten dituen prozeduretako bat dela medio.

Kasu horretan, Zerga Administrazioari iritzia osatzeko lagungarri gerta dakizkiokeen gainerako datu, elementu eta agiri guztiak paperean aurkeztu ahal izango dira.».

Hiru. 8. artikulua 3. apartatua honela geratzen da idatzita:

3. Aurretiazko tributazio proposamenak egiteko legitimatuta daudenek eurek zuzenean edo ordezkari bidez aurkez dezakete proposamena. Ordezkari bidez aurkeztuz gero, proposamena aurkeztean ordezkariak bere ordezkaritza frogatu behar du Gipuzkoako Lurralde Historikoko Zergei buruzko martxoaren 8ko 2/2005 Foru Arau Orokorrak 46.2 artikuluan xedatutakoarekin bat etorritik eta irailaren 28ko 23/2010 Foru Dekretuak, Foru Administrazioaren eremuan bitarteko elektronikoen erabilera arautzen duenak, ezarritakoari jarraikiz.

Lau. 9. artikulua 3. apartatua honela geratzen da idatzita:

«3. Aurreko apartatuan aipatu den idatzian honako datuok ere jaso beharko dira: zergapekoaren izen-abizenak, sozietate izena, zerga egoitza eta identifikazio fiskaleko zenbakia (proposamena ordezkariak aurkezten badu, berarenak ere

bai) eta, horrez gainera, lekua eta data. Proposamena nork bere izenean nahiz ordezkari modura aurkezten duen pertsona fisikoak sinatu behar du idatzia.

Era berean, proposamena ordezkari bidez aurkezten bada, ordezkaritza frogatzen duen agiria erantsi behar zaio proposamenari, irailaren 28ko 23/2010 Foru Dekretuak, Foru Administrazioaren eremuan bitarteko elektronikoen erabilera arautzen duenak, xedatutakoari jarraikiz».

Bost. Xedapen gehigarri bat gehitzen da. Hona hemen haren edukia:

«Xedapen gehigarri bakarra. Aurretiazko tributazio proposamen bereziak.

1. Sozietateen gaineko zergaren erregelamenduko lehen xedapen gehigarrian aipatzen diren kasuetan, Zerga Administrazioak aurretiazko tributazio proposamen berezia izapidetuko du xedapen gehigarri honetan ezarritako arauarekin bat etorritik.

2. Sozietateen gaineko zergaren erregelamenduko lehen xedapen gehigarriak 1. apartatuan aipatzen dituen eragiketak egiten dituzten zergadunek dute aurretiazko tributazio proposamen berezia aurkezteko legitimazioa.

Sozietateen gaineko zergaren baterakuntza fiskalaren araubide berezian tributatzeko duten zergadunen kasuan, aurretiazko tributazio proposamen berezia aurkezteko legitimazioa entitate nagusiari dagokio.

Apartatu honetan ezarritakoaren ondorioetarako, foru dekretu honen 8. artikuluko 3. apartatuan xedatutakoa aplikatuko da.

3. Aurretiazko tributazio proposamen bereziak aurkezteko epea, haiek ondorioak sortu behar dituzten zergaldia amaitu eta hurrengo hiru hilabeteak igarotakoan bukatuko da.

Nolanahi ere, zergaren foru arauak 53. artikuluko 5. apartatuan aipatzen duen kasuan, aurretiazko tributazio proposamen berezia aurkezteko epea luzeagoa izango da. Hain zuzen ere, ekintzailatza sustatzeko eta ekoizpen jarduerara sendotzeko erreserba berezia kontabilitate emaitza positiboaren kargura zuzkitu den ekitaldiko urteko kontuak onartzeko ezarritako epea amaitu arte luzatuko da epea.

4. Aurretiazko tributazio proposamen bereziaren idazkian sozietateen gaineko zergaren erregelamenduko lehen xedapen gehigarrian kasu bakoitzerako eskatzen diren datuak jaso behar dira, eta idazkiari xedapen berean ezarritako agiriak erantsi behar zaizkio. Orobat, foru dekretu honen 9. artikuluko 2. apartatuan aipatzen diren alderdiak ere zehaztu behar dira, esanguratsuak baldin badira.

5. Aurretiazko tributazio proposamen bereziek ez badituzte betetzen xedapen gehigarri honetako 3. apartatuan ezarritako betekizunak, besterik gabe artxibatuko dira.

Aurretiazko tributazio proposamen bereziak ez baditu betetzen 2. eta 4. apartatuetan aipatutako beharkizunak, interesdunari hamar eguneko epea emango zaio akatsa zuzendu dezan edo falta diren agiriak aurkeztu ditzan; era berean, adieraziko zaio hala egin ezean bere idatzia besterik gabe artxibatuko dela.

6. Aurretiazko tributazio proposamen bereziak izapidetzean foru dekretu honen 10. artikuluko 1. apartatuan ezarritako arauak aplikatuko dira. Ikuskaritzako Zuzendariordetza Nagusiak txosten bat prestatuko du Ogasuneko zuzendari nagusiarentzat, non aztertu behar baitu zer elementu garrantzitsu hartu behar diren kontuan –egitezkoak zein zuzenbidezkoak– aurretiazko tributazio proposamen berezia ebazteko; txostena ez da izango ebazpen proposamena.

7. Ogasuneko zuzendari nagusiak modu arrazoituan ebatzi behar du zergadunak aurkeztutako aurretiazko tributazio proposamen berezia onartzea edo errefusatzeta.

Aurretiazko tributazio proposamen bereziari Gipuzkoako Foru Aldundiaren erregistroan sarrera eman zaion egunetik aurrera eta sei hilabeteko epean ebazpen espresurik jakinarazi ez bada, proposamena ezetsitzat joko da.

8. Bere autolikidazioan bidezko manuak aplikatzeko zergadunak beharrezkoa badu haien aplikazioa baimenduta egotea eta, horretarako, aurretiazko tributazio proposamen berezi bat onartu beharra badago, zergadunak ezingo ditu horiek aplikatu proposamena onartu izanaren jakinarazpena jaso arte.

9. Urtarrilaren 17ko 2/2014 Foru Arauak, Gipuzkoako Lurralde Historikoko Sozietateen gaineko Zergari buruzkoak, 128. artikuluan xedatutakoa gorabehera, zergaren autolikidazioa aurkezteko epea amaitzen den egunean ebatzi gabe badago zergadunak foru arauaren 53.5 artikuluan ezarritako ondorioetarako aurkeztutako aurretiazko tributazio proposamen berezia, zergadunak hilabeteko epea izango du, Ogasuneko zuzendari nagusiak proposamenaren alde emandako ebazpena jakinarazten zaionetik aurrera, sozietateen gaineko zergaren autolikidazio osagarria aurkezteko, eta haren bidez emaitzaren aplikazioari dagokion zuzenketa hautatzeko, hain zuzen aipatutako foru arauak 53. artikuluan aurreikusitakoa. Esandako foru arauaren 128. artikuluan ezarritakoaren ondorioetarako, kasu horretan ulertuko da zergadunak zerga aitortzeko borondatezko epearen barruan egiten duela hautua».

Bigarrena. Indarrean jartzea.

Foru dekretu hau «Gipuzkoako Aldizkari Ofizialean» argitaratu ondorengo egunean jarriko da indarrean, eta 2014ko urtarrilaren 1etik aurrera hasitako zergaldietarako izango ditu ondorioak.

Hirugarrena. Arauak emateko ahalmena.

Ogasun eta Finantza Departamentuko foru diputatuak beharrezkoak diren xedapen guztiak eman ahal izango ditu foru dekretu hau eta haren eranskinean jasotako erregelamendua garatu eta aplikatzeko.

ERANSKINA: SOZIETATEEN GAINKO ZERGAREN ERREGELAMENDUA.

I. TITULUA ZERGADUNA

1. artikulua. Mikroenpresak eta enpresa txiki eta ertainak.

Urtarrilaren 17ko 2/2014 Foru Arauak, Sozietateen gaineko Zergari buruzkoak (aurrerantzean zergaren foru araua), 13. artikuluko 4. apartatuan aipatzen dituen kasuetan, higiezinak sustatzeko jardueran aintzat hartu behar den urteko batez besteko plantilla higiezinak sustatzen eta eraikitzen diren denboraldikoa izango da, eta batez besteko hori gero ez mantentzeak ez du ekarriko entitateak sustatutako aktibo korronteak besterentzeagatik lortutako errentak jarduera enpresarialetatik datozen errentatzat ez hartzea.

Aurreko paragrafoan aipatutako entitateak errentan emateko edo erabilera zein gozamen eskubideak edo ahalmenak eratu edo lagatzeko erabiltzen baditu, gero, berak sustatutako higiezinak, orduan bai beharrezkoa izango dela zergaren foru arauaren 13.3 artikuluan aipatzen den batez besteko plantilla mantentzea higiezinaren lagapen edo ustiapen horretatik ondorioztatutako errenta jarduera enpresarialetatik etorritako errentatzat hartzeko.

2. artikulua. Ondare sozietateak.

1. Zergaren foru arauak 14.1.b) artikuluan xedatutakoaren ondorioetarako, eta ez beste ezertarako, letra horretan aipatzen diren entitateak ez badaude Gipuzkoako Lurralde Historikoko araudiaren menpe, ondare sozietatetzat hartuko dira zergaren foru arauaren 14. artikuluan horretarako ezarritako betekizunak betetzen badituzte.

2. Banatu gabeko mozkinak, zergaren foru arauaren 14.2.b) artikuluan aipatuak, jarduera ekonomikoak egitetik datozen zehazteko, mozkin horiek sortu diren zergaldian indarrean zegoen araudia hartuko da kontuan.

3. Zergaren foru arauak 14.2.c) artikuluan aipatzen dituen kasuetan, foru arau horren hogeigarren xedapen iragankorrean xedatutakoa aplikagarria ez bada, higiezinak sustatzeko jardueran aintzat hartu behar den urteko batez besteko plantilla higiezinak sustatzen eta eraikitzen diren denboraldikoa izango da, eta batez besteko hori gero ez mantentzeak ez du ekarriko entitateak sustatutako aktibo korronteak besterentzeagatik lortutako errentak jarduera enpresarialetatik datozen errentatzat ez hartzea.

Aurreko paragrafoan aipatutako entitateak errentan emateko edo erabilera zein gozamen eskubideak edo ahalmenak eratu edo lagatzeko erabiltzen baditu, gero, berak sustatutako higiezinak, orduan bai beharrezkoa izango dela zergaren foru arauaren 14.2.c) artikuluan aipatzen den batez besteko plantilla mantentzea higiezinaren lagapen edo ustiapen horretatik ondorioztatutako errenta jarduera enpresarialetatik etorritako errentatzat hartzeko.

4. Entitate batek eta, zergaren foru arauaren 42. artikuluan adierazitako eran harekin lotutakoek, ondare sozietatetzat hartzeko baldintzak betetzen ote dituzten zehazteko, beharrezkoa gertatzen bada haien artean informazioa trukatzeko eta, beraz, ezin bada zehaztu haietakoren bat izaera horretakoa den edo ez, ondaretasuna aztertzen ari zaion entitateak 14.2.c) artikuluan aipatzen den 5 enplegatuko baldintza betetzen duen jakiteko, eta horretarako soil-soilik, balioduntzat hartuko dira ondaretasuna zehaztu ezin daitezkeen entitate lotuetako enplegatuak, betiere aipatutako letraren lehen paragrafoan jasotako baldintzak betetzen badituzte.

3. artikulua. Ondare sozietateen betebeharrak formalak.

1. Ondare sozietateek informazio hau jaso behar dute beren urteko kontuen memorian:

a) Ondare sozietate izan gabe tributatutako zergaldietan erreserbetarako aplikatutako mozkinak.

b) Sozietateen gaineko Zergari buruzko uztailaren 4ko 7/1996 Foru Arauak 66. artikuluan eta haren hurrengoetan ondare sozietateentzat aurreikusten duen araubide berezian tributatu zuten zergaldietan erreserbetarako aplikatutako mozkinak, edo, zergaren foru arauaren 14. artikuluan ezarritakoaren araberrako ondare sozietate izanik, aplikatutakoak.

c) Dibidenduak eta mozkin-partaidetzak erreserben kontura banatu badira, zein erreserba aplikatu den zehaztu behar dute, hau da, aurreko a) eta b) letretan aipatutako bietatik zein aplikatu den mozkin motaren arabera.

2. Urteko memorian aipatu beharrekoak 1.b) apartatuan jasotzen diren erreserbak dauden bitartean aipatu behar dira, nahiz eta entitatea ez izan ondare sozietatea hurrengo ekitaldi horietan.

3. Halaber, gastuak errenta iturrien artean banatzeko egindako kalkuluei buruzko informazio xehatua agertu behar da memorian.

4. Artikulu honetan ezarritako informazio betebeharrak 1.b) apartatuan aipatu diren erreserben titulartasuna hartzen duten ondorengo entitateei ere exijituko zaizkie.

II. TITULUA ZERGA OINARRIA

I. KAPITULUA. Zuzenketak gastuen alorrean

4. artikulua. Amortizazio planak.

1. Zergadunek amortizazio plan bat onartzeko eskatu ahal izango diote Zerga Administrazioari, erregelamendu honen 44. artikuluan ezarritako prozedura orokorrari jarraituz, eta artikulu honetan jasotako berezitasunekin.

2. Eskaerak datu hauek jaso beharko ditu:

a) Amortizazio plan bereziaren xede diren ondare elementuen deskribapena. Zer jarduerari dauden atxikita eta non dauden kokatuta adieraziko da.

b) Zer amortizazio metodo proposatzen den, eta metodo horren arabera amortizazioak denboran nola banatuko diren.

c) Proposatutako amortizazio metodoaren justifikazioa.

d) Ondare elementuen eskurapen prezioa edo produkzio kostua.

e) Ondare elementuak zein egunetan jarriko diren funtzionatzeko moduan.

Ondare elementuak oraindik eraikitzen ari badira, azaldu beharko da noizko aurreikusten den haiek funtzionatzeko moduan jartzea.

3. Elementuak eraikitzen ari diren bitartean edo horiek funtzionatzeko moduan jarri ondorengo hiru hilabeteen barruan aurkeztu behar da eskaera.

4. Onartutako amortizazio planak zergadunak eskatuta aldatu ahal izango dira, betiere aurreko apartatueta jasotako arauak errespetatuz. Aldaketak ondorioak sortu behar dituen zergaldiko lehenengo hiru hilabeteen barruan aurkeztu behar da eskaera hori.

5. artikulu honetan ezartzen den prozedura zergaren foru arauak 16.2.b), 16.9, 17.6 eta 20.3 artikuluetan aipatzen dituen kasuetan aplikatuko da, eta, kasu bakoitzean, zergadunak frogatu behar du artikulu horietako bakoitzean ezarrita dauden betekizunak betetzen direla.

5. artikulua. Gutxieneko amortizazioa.

Egindako zuzkidura benetako balio-galerarekin bat datorrela frogatzen den kasuetan izan ezik, ondare elementu bat zergaldiren batean amortizatu bada gutxieneko amortizazio koefizientea aplikatuz ateratzen den zenbatekotik

beherako kopuruan (gutxieneko amortizazio koefizientea kalkulatzen da 100 zati zergaren foru arauaren 17.6 artikuluan aipatzen den gehieneko amortizazio epea eginez), eta jarduketa horretatik ondorioztatzen den tributazioa txikiagoa bada gutxieneko amortizazioa aplikatuta ordaindu beharko zena baino, gutxieneko amortizazio hori hartuko da kontuan bidezko erregularizazioak egiteko.

6. artikulua. Finantza errentamenduko kontratuak.

1. Zergaren foru arauak 18.3 artikuluan ezarritakoa aukeratuz gero, horren berri eman behar zaio Zerga Administrazioari.
2. Aukera hori ondorioak sortu behar dituen zergaldia amaitu baino lehen jakinarazi behar da.
3. Komunikazioan datu hauek jaso behar dira gutxienez:
 - a) Zer aktibo den finantza errentamenduko kontratuaren xedea.
 - b) Aktiboaren eraikuntza zein egunetan hasi eta zein egunetan amaituko den.
 - c) Finantza errentamenduko kontratuaren kuotak zenbatekoak diren eta kuota horiek noiz ordainduko diren.
 - d) Adierazi behar da aktiboak, teknika eta diseinu aldetik, ezaugarri berezikoak direla, eta ez direla seriean produzitzekoak.

7. artikulua. Amortizazio askatasuna, amortizazio azkartua, eta baterako amortizazioa.

1. Zergadunak zergaldi batean ibilgetu materialeko, ibilgetu ukiezineko eta higiezinetakako inbertsioetako elementuak batera amortizatzea aukeratu badu, eta zergaldi horretan baterako amortizazioaren zenbateko kengarria ez bada izan amortizazio metodo hori aplikatzen zaien ondare elementuen eskurapen prezioaren edo produkzio kostuaren 100eko 10 baino handiagoa —elementuok aktiboan noiz sartu diren kontuan hartu gabe—, amortizatzeko geratzen den balio fiskal garbi osoa kendu ahal izango da zergaldi horretan.
2. Zergadunak mikroenpresa izateko baldintzak betetzeari uzten badio, eta baterako amortizazioa aplikagarri zuen ekitaldietan ondare elementuak batera amortizatu baditu, bestelako amortizazio arauak aplikatzen dituen zergaldietan zer kantitate dagoen amortizatu gabe kalkulatzeko, kopuru hauek kendu behar dira ondare elementuen eskurapen prezioetik edo produkzio kostutik:
 - Baterako amortizazioa aplikatu den urteetan amortizazio horretara bideratutako zuzkidurak.
 - Baterako amortizazioa aplikatu ez den urteetan kengarriak izandako kontabilitate zuzkidurak, halakorik izan bada.
 - Narriaduragatik izandako galera, halakorik izan bada, zerga oinarrian kendu denean.
3. Aurreko 2. apartatuan aipatu den amortizatu gabeko kantitatea kalkulatu ondoren, honela jokatu behar da:
 - a) Ondare elementuaren kontabilitate balioa handiagoa bada aurreko apartatuan xedatutakoaren arabera kalkulaturako zenbatekoa baino, diferentzia hori izaera positiboz integratuko da zerga oinarrian, elementuaren amortizazioaren arabera, elementua erabat amortizatu arte geratzen den balio bizitzan zehar.
 - b) Ondasunaren kontabilitate balioa txikiagoa bada aurreko apartatuan xedatutakoaren arabera kalkulaturako zenbatekoa baino, diferentzia izaera negatiboz integratuko da entitateak mikroenpresetarako erregelen arabera

tributatzen ez duen lehen zergaldiko zerga oinarrian. Diferentzia hori integratuko da nahiz eta galera-irabazien kontuan egotzita ez egon.

c) Apartatu honetan aipatzen diren integrazioak amortizazio kontzeptupean egingo dira.

4. Amortizazioa dela-eta sortutako itzulketa aplikatzearen ondorioetarako – zergaren foru arauaren 21. artikuluko 6. apartatuan jasota dago itzulketa hori–, baldin eta zergadun batek zergaren foru arauan aurreikusitako amortizazio askatasuna, amortizazio azkartua edo baterako amortizazioa aplikatu badizkie ondare elementuei, eta, geroago, ondare sozietateen erregelen arabera hasten bada tributatzeko, araubide hori aplikatzen den zergaldi bakoitzeko zerga oinarriari itzultzeko dauden kopuruak gehitu behar dizkio gutxienez. Kopuru horiek kalkulatzeko, elementuen eskurapen prezioari edo produkzio kostuari gutxieneko amortizazio koefizientea aplikatuko zaio, hain zuzen ere eragiketa honetatik ateratzen den koefizientea: 100 zati zergaren foru arauak 17.6 artikuluan aipatzen duen gehieneko amortizazio-aldia.

8. artikulua. Amortizazio askatasuna. Eskaera.

1. Zergaren foru arauak 21. artikuluan 1. apartatuko e) eta f) letretan aipatzen duen amortizazio askatasuna aplikatzea eskatzeko, erregelamendu honen 44. artikuluan ezarritako prozedura orokorrari jarraitu behar zaio, artikulua honetan jasotzen diren berezitasunekin.

2. Zergadunak eskaera bat aurkeztu behar dio Zerga Administrazioari, datu hauek adierazita:

a) Ondare elementuen deskribapena, zer jarduerari dauden atxikita eta non dauden kokatuta.

b) Elementuak lehenago aipatutako e) letrakoak badira, justifikatu behar da enpresaren jardueraren eragin kutsagarria murriztu eta zuzentzeko erabiltzen direla.

Ondorio horietarako, zergaren foru arauak 21.1 artikuluan azken-aurreko paragrafoan aipatzen duen txostena, Gipuzkoako Foru Aldundian arlo horretan eskumena duen Departamentuak egin ahal izango du, Zerga Administrazioak eskatuta.

c) Euskal Autonomia Erkidegoko erakunde ofizialek lurzoru kutsatuak garbitzeko proiektu bat onetsiz emandako ebazpena, eta aurreko f) letran jasotako elementuek proiektuarekin lotura zuzena dutelako justifikazioa.

d) Ondare elementuen eskurapen prezioa edo produkzio kostua.

e) Aipatutako e) eta f) letretan jasotzen diren jarduerari ondare elementuak zein egunetan atxiki diren.

3. Ondare elementuak eraikitzen ari diren bitartean edo horiek jarduerari atxiki ondorengo hiru hilabeteen barruan aurkeztuko da eskaera.

9. artikulua. Merkataritza funts finantzarioa.

Zergaren foru arauak 24. artikuluan xedatutakoaren ondorioetarako, artikulua horretan jasotakoa aplikatuz zerga oinarria murriztu duten ekitaldietako sozietateen gaineko zergaren autolikidazioekin batera, zergadunek ondoko datuak aurkeztu behar dituzte:

a) Zuzenean partaidetutako entitateari dagokionez:

1.^a Identifikazioa eta partaidetza portzentajea.

2.^a Jardueren deskripzioa.

3.^a Partaidetzen eskurapen balioa eta eskurapen data, eta kontabilitatean dagokien ondare garbiaren balioa, urteko kontu homogeneousatuetatik abiatuta zehaztua.

4.^a Diferentziarik badago partaidetzen eskurapen prezioaren eta partaidetza horiei haien eskurapen datan egozgarri zitzaien kontabilitateko ondare garbiaren artean, justifikatu behar da zein irizpide erabiliko diren, batetik, diferentzia hori balioari eta denborari dagokionez homogeneousatzeko, eta, bestetik, diferentzia hori entitate partaidetuen ondasun eta eskubideei egozteko.

b) Partaidetzak eskuratzen zaizkion entitateak, aldi berean, beste batean parte hartzen duenean, zergaren foru arauak 24. artikularen 2. apartatuan adierazitako zentzuan:

1.^a Zuzenean partaidetutako entitatearen identifikazioa, entitate horretan hartutako partaidetza portzentajea, eta haren jardueren deskripzioa.

2.^a Zeharka partaidetutako entitateen identifikazioa, zeharkako partaidetza portzentajea, eta haien jardueren deskripzioa.

3.^a Partaidetzen eskurapen balioa eta data, eta kontabilitatean dagokien ondare garbiaren balioa, behar bezala homogeneousatu egon behar duten urteko kontu bateratuetatik abiatuta zehaztua. Kontu horiek, bestalde, Merkataritza Kodean eta hura garatzeko arauetan jasotako irizpideak aplikatuz prestatuko dira.

4.^a Diferentziarik badago partaidetzen eskurapen prezioaren eta partaidetza horiei haien eskurapen datan egozgarri zitzaien kontabilitateko ondare garbiaren artean, justifikatu behar da zein irizpide erabiliko diren, batetik, diferentzia hori balioari eta denborari dagokionez homogeneousatzeko, eta, bestetik, diferentzia hori entitate partaidetuen ondasun eta eskubideei egozteko.

c) Lurralde espainiarrean egoiliar ez diren entitateen partaidetzak eskuratzeko egindako inbertsioaren zenbatekoa, Sozietateen gaineko Zergari buruzko uztailaren 4ko 7/1996 Foru Arauak hogeita seigarren xedapen iragankorrean arautzen duen kenkariaren oinarrian sartutakoa.

9 bis artikulua. Finantza gastuen kengarritasunari muga handiagoa aplikatzeko proposamena.²

1. Zergaren foru arauak 25 bis artikuluko 8. apartatuan aipatzen dituen kasuetan, finantza gastu garbiei artikuluko 1. apartatuan ezarritakoa baino kengarritasun muga handiagoa aplikatzea proposatu nahi bada, muga hori kalkulatzeko prozedura, zeina oinarrituko baita taldeak hirugarrenekin dituen finantza gastu garbiei sozietate taldearen mozkin operatiboan adierazten duten koefizientearen, Erregelamendu honetako 23. artikulutik 28. artikulura bitartean ezarritako arauak aplikatuz gauzatuko da, betiere artikuluko honetan ezarritako berezitasunak kontuan hartuta.

² Artikulu hau abenduaren 27ko 31/2018 FORU DEKRETUAREN 2. artikularen bat apartatuak gehitu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen eta ondare elementuen eskualdaketa lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarrilaren 1etik aurrera hasten diren zergaldietan ditu ondorioak.

2. Aipatutako 8. apartatuan aurreikusten den proposamenarekin batera, dokumentazio hau aurkeztu beharko dute zergapekoek:

- a) Entitatea kide den sozietate taldearen deskribapena.
- b) Entitatearen urteko kontuak eta entitate hori kide den sozietate taldearen urteko kontu bateratuak.
- c) Sozietate taldeak hirugarrenekin dituen finantza gastu garbien kalkulua eta xehetasuna.
- d) Sozietate taldearen mozkin operatiboaren kalkulua eta xehetasuna.
- e) Finantza gastu garbien kengarritasunerako proposatzen den muga handiagoa eta haren justifikazioa, hura aplikatzeko oinarritzotzat jo behar diren zirkunstantzia ekonomikoak adierazita.

10. artikulua. Ingurumen alorreko jarduketei dagozkien gastuen planak.

1. Zergadunek ingurumen alorreko jarduketei dagozkien gastuen plan bat onartzeko eskatu ahal izango diote Zerga Administrazioari, hain zuzen ere zergaren foru arauaren 26.2 artikuluan aipatutakoa, erregelamendu honen 44. artikuluan ezarritako prozedura orokorrari jarraituz, eta artikulua honetan jasotako berezitasunekin.

2. Eskaerak datu hauek jaso beharko ditu:

- a) Zergadunak ingurumenari kalterik ez eragiteko edo horiek konpontzeko bere gain hartutako betebeharren edo konpromisoen deskripzioa.
- b) Jarduketaren deskripzio teknikoa eta jarduketa egin beharraren justifikazioa.
- c) Ingurumen alorreko jarduketarengatik aurreikusitako gastuen zenbatekoa, eta zenbateko horren justifikazioa.
- d) Ingurumen alorreko jarduketarengatik aurreikusitako gastuen zenbatekoa denboran egozteko irizpidea, eta irizpide horren justifikazioa.
- e) Ingurumen alorreko jarduketa hasteko data.

3. Eskaera aurkeztu behar da ingurumen alorreko jarduketa egiteko betebeharra edo konpromisoa sortu ondorengo hiru hilabeteen barruan.

4. Ingurumen alorreko jarduketei dagozkien gastuetarako onartzen dien planak zergadunak eskatuta aldatu daitezke, betiere artikulua honetan ezarritako arauak betez gero. Aldaketak ondorioak sortu behar dituen zergaldiko lehenengo hiru hilabeteen barruan aurkeztu behar da eskaera hori.

11. artikulua. Gastu ez-kengarriak.

Zergaren foru arauak 31. artikuluan 1. apartatuko h) letran xedatutakoaren ondorioetarako, artikulua horretan aipatzen diren gastuen zati bat baino ez bada ordaindu eskudirutan, eskudirutan ordaindutako zatiari dagokion zenbatekoa izango da ez-kengarria.

II. KAPITULUA. Zuzenketak sarreren alorrean

12. artikulua. Berrinbertsio plan bereziak.

1. Inbertsioaren ezaugarri tekniko edo ekonomikoak direla-eta, frogatzen bada nahitaezkoa dela inbertsio hori egitea zergaren foru arauak 36.1 artikuluan aurreikusitakoa baino epe luzeagoan, zergadunek berrinbertsio plan bereziak onartzeko eskatu diezaioke Zerga Administrazioari.

Erregelamendu honen 44. artikuluan jasotako prozedura orokorraren arabera egin eta tramitatuko da eskaera, artikulua honetako hurrengo apartatueta zehaztutako berezitasunak kontuan hartuta.

2. Eskaerak datu hauek jaso beharko ditu:

- a) Eskualdatu diren edo eskualdatzeko dauden ondare elementuen deskripzioa.
- b) Eskualdaketa zenbatekoa, benetakoa edo aurreikusia.
- c) Berrinbertsioa jasoko duten ondare elementuen deskripzioa.
- d) Berrinbertsioa denboran gauzatzeko planaren deskripzioa.
- e) Berrinbertsio plan berezia justifikatzen duten berariazko zirkunstantzien deskripzioa.

3. Berrinbertsio plan berezia epe hauetan aurkeztuko da, kasuen arabera:

- a) Sei hilabeteko epean, aparteko mozkin eragin duen eskualdaketa egunetik aurrera.
- b) Eskualdaketa egiteko aurreikusi den egunaren aurreko sei hilabeteen barruan.
- c) Inbertsio aurreratua egiteko edo hasteko aurreikusi den egunaren aurreko sei hilabeteen barruan.

Aurreko b) letran jasotako kasuan, eskualdaketa egin behar da berrinbertsio plan berezia onartu ondorengo sei hilabeteko epean; aldiz, c) letran jasotako kasuan, eskaera aurkeztu ondorengo sei hilabeteen barruan egin edo hasi behar da inbertsioa.

4. Era berean, zergadunek berrinbertsio plan bereziak onartzeko eskatu dezakete, baldin eta gerora agertutako zirkunstantziak direla-eta, denak ere behar bezala arrazoituak, berrinbertsio prozesua ezin bada osatu zergaren foru arauak 36.1 artikuluan ezartzen duen epean.

Horrelakoetan, zergadunek eskaera bat aurkeztu behar dute aurreko 2. apartatuan aipatutako datuak bilduta, eta bertan zehaztu behar dute dagoeneko berrinbertsioaren zer zati egin duten eta zenbat denbora beharko duten hura osatzeko.

Apartatu honetan aipatzen diren kasuetan, zergaren foru arauak 36.1 artikuluan aipatutako epea amaitu aurretik eskatu behar da berrinbertsio plan berezia.

5. Berrinbertsio plana ez bada betetzen, dela osorik dela zati batean, zergadunak bere zerga egoera erregularizatu beharko du, zergaren foru arauak 36. artikuluan 5. apartatuan ezarritakoaren arabera.

Proposatutako inbertsioaren eta benetan egindakoaren arteko proportzioa kontuan hartuz egingo da erregularizazioa.

13. artikulua. Aparteko mozkinen berrinbertsioa: betebeharrak.

1. Zergadunek datu hauek jaso behar dituzte urteko kontuen memorian:

- a) Zergaren foru arauak 36. artikuluan jasotako araubidera bildutako errentaren zenbatekoa.
- b) Zerga oinarrian sartu ez diren errentak zein zergalditan sortu diren.
- c) Berrinbertsioa jaso duten ondare elementuen deskripzioa eta berrinbertsioaren zergaldiak.

2. Aipamen horiek egin behar dira zergaren foru arauak 36. artikuluan 4. apartatuan ezartzen duen epeak iraun bitartean.

13 bis artikulua. (indargabetua)³

14. artikulua. Alderdi politikoaren berezko ustiapen ekonomiko salbuetsiak.

1. Zergaren foru arauak 38. artikulua 2. apartatua aurreikusten duen salbuespenaz gozatzeko, alderdi politikoek eskaera aurkeztu behar diote Zerga Administrazioari, salbuespenak ondorioak sortu behar dituen zergaldia amaitu aurretik.

Eskaerarekin batera, salbuespena eskatzen duen alderdi politikoak honako hauek aurkeztu behar ditu: eraketa-eskrituraren eta estatutuen kopia soilak, Barne Ministerioa alderdi politikoaren erregistroan inskribatu izanaren ziurtagiria, eta, azkenik, salbuespen-eskaerarekin lotuta dauden ustiapen ekonomikoak berezko jarduerarekin bat datozeela azaltzen eta justifikatzen duen memoria.

Ondorio horietarako, ulertuko da ustiapen ekonomikoak alderdi politikoaren berezko jarduerarekin bat datozeela:

a) Zuzenean edo zeharka, alderdi politikoaren helburuak lortzen laguntzen dutenean.

b) Salbuespen honetaz gozatzeak jardura berean aritzen diren enpresekiko lehia distortsiorik eragiten ez duenean.

c)⁴ Pertsona talde generikoei berdintasun baldintzetan ematen zaienean. Baldintza hori ez dela betetzen ulertuko da sustatzaileak, afiliatuak, konpromisarioak eta zuzendaritza eta administrazio organoetako kideak, baita haien ezkontideak, izatezko bikote lagunak edo laugarren gradurainoko ahaideak, horiek barne, jardueraren hartzaile nagusiak direnean edo alderdiaren zerbitzuak erabiltzeko baldintza bereziak dituztenean.

2. Zerga Administrazioak modu arrazoituan ebatzi behar du eskatutako salbuespena. Salbuespena aplikatzeko, ezinbestekoa izango da une orotan betetzea zergaren foru arauaren 12.2 artikuluan, 38. artikuluan eta artikulua honetan bertan ezarritako baldintzak eta beharrezkoak.

Zerga Administrazioak ez badu jakinarazten ebazpena sei hilabeteko epean, salbuespena eman dela ulertuko da.

3. Aurreko apartatueta adierazitako salbuespena behin emanda, hurrengo zergaldietan aplikatzeko, ez da beharrezkoa izango eskaera berriro aurkeztea, salbu eta hura emateko kontuan hartutako inguruabarrak edo aplikatu beharreko araudia aldatzen badira.

Salbuespena aplikatzeko exijitutako baldintza edo beharrezkotasunetan aldaketa esanguratsuak gertatzen badira, alderdi politikoak haien berri eman behar dio Zerga Administrazioari. Alderdi politikoari 10 eguneko entzunaldia eman ondoren, salbuespena aplikatzen jarraitu behar den ala ez erabaki dezake Zerga Administrazioak. Era berean jokatu da Zerga Administrazioak edozein bide

³ Artikulu hau abenduaren 27ko 31/2018 FORU DEKRETUAREN 2. artikulua bi apartatuak indargabetu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen eta ondare elementuen eskualdaketan lortutako errentak bi zerga horietan kalkulatzeko 2019an aplikatutako diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarrilaren 1etik aurrera hasten diren zergaldietan ditu ondorioak..

⁴ Letra hau abenduaren 3ko 55/2024 Foru Dekretuaren 2. artikuluko bat apartatuak aldatu du. Aipatutako foru dekretuak 2024. urterako zenbait zerga aldaketa onesten dituen maiatzaren 10eko 1/2024 Foru Arauaren aldaketa batzuk eta zerga arloko beste arau batzuk erregelamendu bidez garatzen ditu. Foru dekretua Gipuzkoako Aldizkari Ofizialean argitaratzen den biharamunean sartzen da indarrean (2024/12/5eko GAO).

erabilita jakiten duenean salbuespena aplikatzeko baldintzak edo beharkizunak aldatu direla.

4. Salbuespen hau aplikatzeko ezarritako beharkizunak ez betetzeak hura aplikatzeko eskubidea galtzea ekarriko du, ez-betetzea gertatu den zergaldirik bertatik aurrera.

5. Atxikitzeko edo kontura sartzeko obligaziotik salbuetsita daudela frogatzeko – zergaren foru arauak 38. artikulua 2. apartatua jasotakoari jarraituz–, alderdi politikoek bidezko ziurtagiria aurkeztu behar dute, Zerga Administrazioak luzatua. Ziurtagiria eskatzen dutenean, Barne Ministerioko Alderdi Politikoen Erregistroan inskribatu izanaren ziurtagiriaren kopia erantsiko dute.

Ziurtagiriak jasota utzi behar du bere indarraldia ematen den egunean hasten dela eta eskatzailearen zergaldirarekin batera amaituko dela.

III. KAPITULUA. Zuzenketak balorazio erregelen alorrean eta abusuaren aurkako neurriak

Lehen sekzioa. Zenbait eragiketa loturen merkatuko balio normala zehaztea

15. artikulua. Bazkide profesionalen zerbitzu prestazioak.

Zergaren foru arauak 42. artikulua 4. apartatua xedatutakoaren ondorioetarako, bazkide profesional batek -pertsona fisiko batek- entitate lotu bati egindako zerbitzu prestazioen kasuan, zergapekoak ulertu ahal izango du hitzartutako balioa bat datorrela merkatuko balio normalarekin, baldintza hauek guztiak betetzen badira:

a) Entitatea zergaren foru arauaren 13. artikuluko 1. edo 2. apartatuetan aurreikusten diren entitateetako bat izatea; ekitaldian izandako sarreren 100eko 75 baino gehiago jardura profesionalak betetzetik etortzea; bitarteko material zein pertsonal egokiak edukitzea; eta, azkenik, ekitaldiko emaitza, euren zerbitzu prestazioengatik bazkide profesional guztiei dagozkien ordainsarien kenkaria aplikatu baino lehen, positiboa izatea.

b) Bazkide profesional guztiek entitateari egindako zerbitzuengatik jasotako ordainsarien zenbatekoak ezin du izan a) letran aipatzen den emaitzaren, hau da, kenkaria aplikatu aurreko emaitzaren 100eko 85 baino txikiagoa.

c) Bazkide profesional bakoitzari dagozkion ordainsarien zenbatekoak baldintza hauek bete behar ditu:

1.^a Bazkideek sozietateak ondo funtziona dezan egiten duten kontribuzioaren arabera zehaztu behar da zenbateko hori, eta, gainera, beharrezkoa da aplikagarri diren irizpide kualitatibo eta/edo kuantitatiboak idatziz jasota uztea.

2.^a Ordainsarien zenbatekoak ezin du izan sozietatean antzeko eginkizunak entitateko bazkide profesionalen pareko dedikazioarekin betetzen dituzten soldatapeko langileen batez besteko soldata baino txikiagoa. Soldatapeko langilerik ez badago, ordainsarien zenbatekoak ezingo du izan Gipuzkoako Pertsona Fisikoen Errentaren gaineko Zergaren Erregelamenduak, urriaren 14ko 33/2014 Foru Dekretuaren bidez onartuak, 17. artikulua 1. lehen paragrafoan lanaldi osoko bazkideentzat ezarritako zenbatekoa (edo lanaldia bestelakoa bada zenbateko proportzionala) bi halakoa baino txikiagoa.

2. zenbaki honetan ezartzen den baldintza bazkide profesionaletako batek ez betetzeak ez du eragotziko gainerako bazkide profesionalei apartatu honetan aurreikusitakoa aplikatu ahal izatea.

Artikulu honetan xedatutakoa aplikatzea zergapekoak aukeratzen duenean, orduan bakarrik izango dira aplikagarriak bertan jasotako irizpideak.

Bigarren sekzioa. Pertsona edo entitate lotuen arteko eragiketak dokumentatzeko betebeharrak

16. artikulua. Pertsona edo entitate lotuen arteko eragiketak dokumentatzeko betebeharrak: salbuespenak eta informazio betebeharrak.

1. Zergaren foru arauak 43. artikulua 7. apartatuan aipatzen duen salbuespena eskatzeko, nahitaez bete behar dira zergaren foru arauaren 43.6 artikuluan eta erregelamendu honetako ondoko artikuluetan ezarritako baldintza guztiak, eragiketa bakoitzerako finkatutako gutxieneko atalasea gainditzeari dagokiona izan ezik.

Apartatu honetan dokumentazio betebeharretatik salbuesteko aurreikusten den prozedura erregelamendu honen 44. artikuluan ezarritakoarekin bat etorritik izapidetuko da. Ogasuneko zuzendari nagusiak izango du ebazteko eskumena, baina ebazpena eman aurretik, Ikuskaritzako Zuzendariorde Nagusiaren txostena beharko da azaldutako betekizun guztiak betetzen direla ziurtatzeko.

2. Zergaren foru arauak 43. artikulua 5. apartatuko d) eta g) letretan, artikulua horretako 6. apartatuan, eta artikulua honetako aurreko apartatuan xedatutakoa ez zaie aplikatuko zerbitzu prestazioei haien ordainsariak lan etekintzat hartzen direnean edo pertsona fisikoa den bazkide profesional batek hari lotutako entitateekin egindako jarduera ekonomikoetatik datozenen. Jarduera ekonomiko horietatik etorritik gero, zerbitzu prestazioei aplikatuko zaie erregelamendu honetako 15. artikuluan xedatutakoa; alabaina, zergapekoak ez badu aukeratzen artikulua horretan jasotakoa edo bertan ezarritako betekizunak betetzen ez baditu, orduan dokumentazio betebeharrak orokorrak izango dira aplikagarriak.

3. Ogasun eta Finantza Departamentuko foru diputatuak foru agindu bidez ezartzen duen eran eman behar dute zergapekoek eragiketa lotuen inguruko informazioa.

17. artikulua. Zerbitzu prestazioak, haien ordainsariak lanaren edo jarduera ekonomikoen etekintzat hartzen direnean.

1. Dokumentazio betebeharrak zergaren foru arauaren 43.6 artikuluko a) letran aipatzen den kasuan betetzetik salbuesteko, baldintza hauek ere bete behar dira:

a) Beharrezkoa da dokumentatzea lotutako pertsona fisikoak ordainsaria ematen dion entitateari egindako funtzio edo jarduerak, motaren arabera bereizita (gerentziakoak edo zuzendaritzakoak, administratiboak, erosketak edo salmentak kudeatzekoak, eta bestelakoak).

Lotutako pertsona fisikoek ez badute lanaldi osoko dedikaziorik, egoera hori justifikatu behar da, zergaren foru arauak 43. artikulua 6. apartatuko a) letran aipatzen duen gutxieneko atalasea hainbanatzeko.

Lotutako pertsona fisikoak bazkideak badira eta haietako batzuek zerbitzuak ematen badizkiote entitateari, sozietate itunak aurkeztu beharko dira haien bitartez dokumentatzeko zer jarduera edo funtzio egiten dituen sozietatean

bazkide bakoitzak eta zer irizpide aplikatu diren bakoitzaren ordainsariak zehazteko.

b) Gerentzia edo zuzendaritza lanak egiten dituzten pertsona fisiko lotuen ordainsaria ezin da izan txikiagoa besteren konturako langile batek, izaera hori izan gabe eta zerbitzu prestazio horretan pareko dedikazioarekin, jaso dezakeen ordainsaririk handiena baino.

c) Ordainsariak banku transferentzia bidez ordaindu behar dira, hilean behin, urte osoan zehar, eta nahitaezkoa izango da zergaren foru arauaren 43. artikuluko 6. apartatuaren a) letran aipatzen den gutxieneko atalasea kopuru bereko hamabi hilekotan zatitzea.

2. Pertsona fisiko batek harekin lotutako hainbat entitateri egiten badizkie zerbitzuak, zergaren foru arauaren 43. artikuluko 6. apartatuaren a) letran ezarritako gutxieneko atalasea hainbanatu beharko da, haietako bakoitzean eskaini duen denboraren eta bete dituen funtzioen arabera.

Zergaren foru arauaren 43. artikuluko 6. apartatuaren a) letran eta artikuluko honetan ezarritako betekizunak betetzat jotzeko, aurreko paragrafoan ezarritakoaz gainera, ezinbestekoa da lotutako pertsona fisikoari haren zerbitzuak jaso dituzten entitateek guztira ordaindutako zenbatekoa izatea, behinik behin, zergaren foru arauak 43.6.a) artikuluan ezarritako gutxieneko atalasa adinakoa.

18. artikulua. Finantzaketa eragiketak.

1. Pertsona edo entitate lotuen arteko finantzaketa eragiketak zergaren foru arauaren 43. artikuluko 6. apartatuaren b) letran aipatzen denaren arabera daude dokumentazio betebeharretatik salbuetsita, eta eragiketa horien artean sartzen dira ez bakarrik berariazko mailegu-eragiketak eta emandako kredituen zenbatekoak, baita merkataritzaz kanpoko aurrerakinak eta ordaindu gabeko ordainsariak ere.

2. Zergaren foru arauak 43.6 artikuluko b) letran aipatzen duen salbuespena aplikatzeko, baldintza hauek ere bete behar dira:

a) Eragiketa bakoitzaren baldintzak dokumentatu behar dira, hala nola interes tasa, indarraldia, amortizazio kuoten eta interesen mugaegunak (kopuruok nola kalkulatu diren berariaz zehaztuta), mailegu hartzailearen esku jarritako kapitalen jatorria, eta itzulketak kargatzeko edo ordaintzeko eta interesak ordaintzeko erabilitako banku kontuak. Gauza bera egin beharko da bazkideekin eta administratzaileekin eduki diren kontu korronteei dagokienez.

b) Eragiketetatik ondorioztatzen diren ordainketak zergaldi bakoitzean egin behar dira, banku transferentziaren bidez, eta gutxienez transferentzia bat urtean.

19. artikulua. Ondasun higiezinak errentan edo azpierrean ematea eta haiek erabiltzeko edo gozatzeko eskubide errealak eratu edo lagatzea.

1. Dokumentazio betebeharrak zergaren foru arauak 43.6 artikuluko c) letran aipatzen duen kasuan betetzetik salbuesteko, baldintza hauek ere bete behar dira:

a) Eragiketa idatzizko kontratu baten bitartez formalizatu behar da, bertan datu hauek labur azalduta: higiezinaren ezaugarriak, eragiketan parte hartzen dutenen identifikazioa, eragiketaren iraupena, errentariak edo lagapen-hartzaileak urtean ordaindu beharreko errenta, eta errentamendu edo azpierrementuarengatik nahiz eskubide errealaren eraketa edo lagapenagatik ordaindu beharreko kuotak exijitzeko mementoa.

b) Eragiketetatik ondorioztatzen diren ordainketak zergaldi bakoitzean egin behar dira, banku transferentziaren bidez, eta gutxienez transferentzia bat urtean.

2. Higiezinak ez badu esleituta balio katastralik, zergaren foru arauak 43. artikuluen 6. apartatuko c) letran ezartzen duen 100eko 4ko portzentajea aplikatuko zaio eskurapen balioaren 100eko 80ari edo, eskurapen balioa baino handiagoa bada, Administrazioak azken eskualdaketa egiaztatutako balioaren 100eko 80ari. Egiaztatutako balioaren kasuan, ezinbestekoa da eskualdaketa artikulua honetan ezarritako arauak aplikatu aurreko lau urte naturalen barruan egin izatea.

Aurreko arau horiek aplikatu ezin badira, tasatzaile independente batek kontratua sinatu den eguna erreferentzia hartuta egindako tasazioaren 100eko 80ari aplikatuko zaio 100eko 4ko portzentajea.

3. Zergaren foru arauaren 43.6.c) artikuluan edo artikulua honetako aurreko apartatuan ezarritakoaren arabera zehaztutako balioa erreferentzia gisa erabiliko da kontratuaren iraunaldiko lehen urtean zehar (datatik datara kontatu behar da urte hori). Hurrengo lau urteetan urtero eguneratu beharko da balio hori, kontsumoko prezioen indizeak urteik urtera duen bilakaeraren arabera, eta urte horietako bakoitzean erreferentzia izango da Estatistika Institutu Nazionalak berrikuspen egunaren aurretik argitaratutako azken balioa.

Bost urtean behin, berriz kalkulatu beharko da higiezinaren balioa, artikulua honetan ezarritako metodoa aplikatuta.

20. artikulua. Zergadunaren berriazko dokumentazioa kasu jakin batzuetan.

1. Zergaren foru arauak 43. artikuluko 4. apartatuan ezartzen dituen dokumentazio betebeharrak bere osoan izango dira exijigarriak, salbu eta eragiketan esku hartu dutenetako bat zergaren foru arauaren 13. artikuluko 1. edo 2. apartatuetan aipatutako entitateetako bat denean, edo, bestela, pertsona fisiko bat denean, eta, gainera, eragiketa horiek paradisua fiskaltzat hartutako herrialde edo lurraldeetan dauden pertsona edo entitateekin egin direnean. Izan ere, horrelakoetan, berriazko dokumentazio betebeharrak hauek izango dituzte zergapekoak:

a) Zergaren foru arauak 43. artikuluen 4. apartatuko a), b), c) eta e) letretan jasotakoak, baldin eta eragiketak zergaren foru arauaren 43. artikuluko 5. apartatuko g) letraren 2. zenbakian aurreikusten dituenak badira.

b) Zergaren foru arauak 43. artikuluen 4. apartatuko a) eta e) letretan jasotakoak, baita balioa zehazteko erabilitako magnitudeak, portzentajeak, ratioak, fluxu deskontuei aplikatu beharreko interes tasak, aurreikuspenak eta gainerako baloreak ere, baldin eta eragiketa zergaren foru arauaren 43. artikuluko 5. apartatuko g) letraren 3. zenbakian aipatzen duen eragiketa bada.

c) Zergaren foru arauak 43. artikuluen 4. apartatuko a), c) eta e) letretan jasotakoak, zergaren foru arauaren 43. artikuluko 5. apartatuko g) letraren 4. zenbakian aurreikusten dituen kasuetan.

d) Zergaren foru arauak 43. artikuluen 4. apartatuko a) letran jasotako betebeharrak, bai eta erregelamendu honen 15. artikuluan jasotako baldintzak bete izanaren justifikazioa ere, aipatutako artikuluan ezarritakoa aplikagarri duten zerbitzu profesionalen prestazioak direnean.

e) Zergaren foru arauak 43. artikuluen 4. apartatuko a) eta e) letretan jasotako betebeharrak, bai eta erabilitako balorazio metodoaren identifikazioa eta horretatik eratorritako balio tarteak ere, gainerako kasuetan.

2. Zergaren foru arauak 46. artikulua 2. apartatuko a) letran xedatutakoaren ondorioetarako, artikulua honen aurreko apartatua ezarritakoa aplikatu behar den kasuetan, artikulua honen aurreko apartatuko b), d) eta e) letretan aipatzen diren informazioak datu multzo desberdinak izango dira.

20 bis artikulua. Herrialdez herrialde informatzeko obligazioa.⁵

1. Ogasun eta Finantza Departamentuko foru diputatuari dagokio onartzea Gipuzkoako Lurralde Historikoko Sozietateen gaineko Zergari buruzko urtarilaren 17ko 2/2014 Foru Arauak 43. artikulua 10. apartatua ezartzen duen informazio obligazioa betetzeko aurkeztu beharreko aitoren eredu eta beronen aurkezpen modua, baita obligazio hori bitarteko elektronikoen bidez betetzeko kasu eta baldintzak ere, hala behar denerako.

2. Artikulu honetan aurreikusitako informazioa aurkezteko epea hamabi hilabete igaro ondoren bukatuko da, zergaldia amaitzen denetik aurrera.

Hirugarren sekzioa. Eragiketa lotuen merkatuko balio normala egiaztatzea

21. artikulua. Eragiketa lotuen merkatuko balio normala egiaztatzea.

1. Ikuskarpen prozedura batean egin beharreko erregulazioaren xede bakarra balorazioa zuzentzea ez denean, zuzenketatik eratoritzen den likidazio proposamena ez da dokumentatuko zerga obligazioaren gainerako elementuengatik egin beharreko aktan, beste akta batean baizik. Akta horretan justifikatu behar da merkatuko balio normala zergaren foru arauak 42.4 artikuluan jasotako metodoetako bat erabilita kalkulatu izana, eta behar bezala adierazi behar da zer arrazoi izan diren zergadunak egindako balorazioa zuzentzeko. Akta horretatik eratorritako likidazioa behin-behinekoa izango da, martxoaren 8ko 2/2005 Foru Arauak, Gipuzkoako Zergen Foru Arau Orokorrek, 145. artikulua 3. apartatuko b) letran jasotakoaren arabera.

2. Zergapekoak errekurtsua edo erreklamazioa aurkeztu badu balorazioa zuzendu ondoren egindako behin-behineko likidazioaren aurka, eraginda dauden gainerako pertsona edo entitate lotuei likidazio horren eta berriakuzen prozeduraren berri emango zaie, prozeduran agertzeko aukera izan dezaten, martxoaren 8ko 2/2005 Foru Arauak, Gipuzkoako Zergen Foru Arau Orokorrek, 230.3 eta 238.3 artikuluetan xedatutakoari jarraituz.

Ezarritako epeak amaitu eta zergapekoak ez badu errekurtsua edo erreklamaziorik aurkeztu, behin-behineko likidazioa jakinaraziko zaie eraginda dauden gainerako pertsona edo entitate lotuei, nahi izanez gero elkarrekin berraztertze errekurtsua edo erreklamazio ekonomiko-administratiboa aurkezteko.

3. Zergaren foru arauak 42.4 artikuluan jasotako metodoak aplikatzeko beharrezkoa izan denean ondasun edo eskubideen balioa egiaztatzea martxoaren 8ko 2/2005 Foru Arauak, Gipuzkoako Zergen Foru Arau Orokorrek, 56.1 artikuluan jasotako bitarteetako bat erabilita, zergapekoak perituen tasazio kontrajarria sustatu dezake, ondasun edo eskubide horien balio egiaztatua zuzentzeko. Zergapekoak perituen tasazio kontrajarria sustatzen badu, organo

⁵ Artikulu hau, 2016ko abenduaren 20ko 28/2016 Foru Dekretuaren 2. artikulua 2. lehenengo ordinalak gehitu du. Aipatu Foru Dekretuak, Pertsona Fisikoen Errentaren gaineko Zergaren eta Sozietateen gaineko Zergaren erregelamenduak aldatzen ditu, eta ondare elementuen eskualdaketan lortutako errentak bi zerga horietan kalkulatzearren 2017an aplikatuko diren eguneratze koefizienteak onartzen ditu. Foru Dekretua Gipuzkoako Aldizkari Ofizialean argitaratu den egunean jarri da indarrean (2016-12-26eko GAO). Aldaketak, ordea, 2016ko urtarilaren 1etik aurrera hasitako zergaldietan ondorioak izango ditu.

eskudunak Administrazioako peritu batek egindako txostena jakinarazi behar die bai zergapekoari eta bai eraginda dauden gainerako pertsona edo entitate lotuei. Orobat, 15 eguneko epea emango die elkarrekin peritu bat izendatu dezaten, kontuan izanik peritu horrek baloratzekoak diren ondasun edo eskubideen izaerari ongi egokitzen zaion titulua eduki behar duela. Perituen tasazio kontrajarriaren prozedura martxoaren 8ko 2/2005 Foru Arauak, Gipuzkoako Zergen Foru Arau Orokorrak, 129. artikuluan jasotakoaren arabera tramitatuko da.

Behin amaituta perituen tasazio kontrajarriaren prozedura, aurreko 2. apartatuan adierazitakoari jarraituz jokatu da, tasazioaren baliotik eratorritako behin-behineko likidazioaren aurka aurkez daitezkeen errekurtso edo erreklamazioei dagokienez.

Apartatu honetan jasotakoaren arabera perituen tasazio kontrajarriaren prozedura sustatu daitekeenean eta bidezko epeak amaitu direnean zergapekoak tasazio hori sustatu gabe edo errekurtso edo erreklamaziorik aurkeztu gabe, behin-behineko likidazioa eraginda dauden gainerako pertsona edo entitate lotuei jakinaraziko zaie, hala nahi dutenek perituen tasazio kontrajarria elkarrekin sustatu edo errekurtso edo erreklamazioa elkarrekin aurkezteko. Alderdi edo entitate lotuen artean adostasunik ez egoteagatik, perituen tasazio kontrajarria eskatzearekin batera errekurtsoa eta erreklamazioa aurkezten bada, aurrenik perituen tasazioa izapidetuko da, zergaren foru arauak 42. artikuluko 2. apartatuko jasotako balioa zehaztearren. Perituen tasazio kontrajarriaren eskaera aurkezteak ondorio etengarriak izango ditu martxoaren 8ko 2/2005 Foru Arauak, Gipuzkoako Zergen Foru Arau Orokorrak, 129.1 artikuluan jasotakoaren arabera, eta berekin ekarriko du perituen tasazio kontrajarriarekin batera aurkezten diren errekurtso eta erreklamazioak ez onartzea.

Behin amaituta aurreko paragrafoan jasotako perituen tasazio kontrajarriaren prozedura, alderdi edo entitate lotuek elkarrekin aukeratu dezakete, aurreko 2. apartatuan jasotakoari jarraituz, berraztertze errekurtsoa edo erreklamazio ekonomiko-administratiboa aurkeztea tasazioaren baliotik eratorritako behin-behineko likidazioaren kontra.

4. Behin zergapekoari egindako likidazioa irmo bihurtuta, Zerga Administrazioak gainerako pertsona edo entitate lotuen zerga egoera erregularizatuko du, balio egiaztatua eta irmoa aintzat hartuta, eta behar den kasuetan, berandutze interesak onartuta. Erregularizazio hori gauzatzeko, likidazio bat egingo da, hain zuzen ere irmotasuna gertatzen den unean autolikidazio epea amaitua duen azken zergaldiari dagokiona. Zergaldirik gabeko zergak direnean, erregularizazio hori gauzatzeko egin beharreko likidazioa, zergapekoari egindako likidazioak irmotasuna hartzen duen uneari dagokiona izango da.

Likidazio horretan, kontuan hartuko da zer ondorio dituen egiaztatutako balio irmoak Zerga Administrazioaren balio zuzenketak eragindako zergaldietako bakoitzean, eta behar den kasuetan, likidazio horretan berandutze interesak ere sartuko dira. Erregularizazioak itzulketa bat ekartzen badu eragiketa lotuak ondorioak izan dituen zergaldietan, interes horiek kalkulatu dira autolikidazioa aurkezteko epea amaitzen denetik edo autolikidazioa epez kanpo aurkezten den egunetik eragiketa horren balio egiaztatua gainerako pertsona edo entitate lotuen aurrean eraginkorra gertatzen den arte —eraginkortasun hori zergaren foru arauak 45. artikuluen 6. apartatuko c) letran eta aurreko paragrafoan jasotakoaren arabera, beti—.

Era berean, eragiketa lotuak ondorioak sortzen baditu Administrazioaren erregularizazioak hartzen duen zergaldia amaitu ondorengo zergaldietan,

zergapekoek balio egiaztatua aplikatu beharko dute zergaldi horietako aitorpenetan.

Aurreko likidazioa egiteko, ikuskaritzako organoek martxoaren 8ko 2/2005 Foru Arauak, Gipuzkoako Zergen Foru Arau Orokorrak, 136. artikuluan aurreikusten dituen ahalmenak erabil ditzakete, bai eta informazioa lortzeko beharrezko irizten dituzten jarduketak egin ere.

Aurreko paragrafoan jasotakoa jasota ere, gainerako pertsona edo entitate lotuek, behin dakitenean zergapekoari egindako likidazioa irmoa dela eta, beraz, balio egiaztatutako irmotasuna baduela, beren zerga egoera erregularizatu dezakete, hala nahi badute, Administrazioak egitea itxaron gabe; horretarako, bidezko aitorpenak zuzenduko dituzte 4. apartatu honetan jasotakoaren arabera.

5. Artikulu honetan araututako prozedura ez zaie aplikatuko balorazio zuzenketak eraginda dauden pertsona edo entitateei, lurralde espainiarrean egoiliarak ez badira edo bertan establezimendu iraunkorrik ez badute, zergaren foru arauak 45. artikulua 6. apartatuko d) letran jasotakoari jarraituz.

Balorazio zuzenketak eragindako pertsona edo entitateek ez badute egoitza lurralde espainiarrean -non eta ez diren hartan kokatutako establezimendu iraunkorrak- eta barne ordenamenduan sartutako itun edo hitzarmen bati heldu ahal badiote, adiskidetasunezko prozedurara edo arbitraje prozedurara jo behar dute balorazio zuzenketak sortutako zergapetze bikoitza ezabatzeko, zergaren foru arauak 45. artikulua 6. apartatuko f) xedatutakoarekin bat etorritik.

6. Artikulu honetako aurreko apartatuetan xedatutakoa gorabehera, lotutako pertsonak edo entitateek aldebiko doikuntza egiteko eskatu ahal izango dute, are balorazioa irmoa izan baino lehen ere, baldin pertsona edo entitate lotu guztiak, Gipuzkoako Foru Ogasunak ikuska ditzakeenak, ados agertzen badira. Hala gertatuz gero, zerga ikuskaritzak batera erregularizatu ahal izango du denek zerga egoera.

Laugarren sekzioa. Pertsona edo entitate lotuen arteko eragiketen aurretiazko balorazio akordioak

Lehenengo azpisekzioa. Eragiketa lotuen inguruko akordioak zergapekoek eskatuta lortzeko prozedura.

22. artikulua. Aurretiazko jarduketak.

1. Pertsona edo entitate lotuek Zerga Administrazioari eskatu nahi badiote haien arteko eragiketen merkatuko balio normala zehaztu dezala, aurrenik eskaera bat aurkeztu behar diote bertan datu hauek agertuta:

- a) Eragiketak egingo dituzten pertsona edo entitateen identifikazioa.
- b) Eragiketen deskripzio laburra.
- c) Egin nahi den balorazio proposamenaren oinarritzko elementuak.

2. Zerga Administrazioak aurretiazko eskaera aztertuko du, eta interesdunei behar diren azalpenak eskatu diezazkieke; gainera, aurretiazko balorazio akordioa bideragarria den edo ez jakinaraziko die horiei.

23. artikulua. Prozedura hastea.

1. Lotutako pertsona edo entitateek erregelamendu honen 44. artikuluan ezarrita dagoen prozedurari jarraituz eta artikulu honetan jasotako berezitasunekin eskatu diezaiokete Zerga Administrazioari beraien arteko eragiketen merkatuko balioa

aldez aurretik zehaztu dezala. Eskaeran merkatuko balioan oinarritutako balorazio proposamen bat jaso beharko da –proposatutako metodoa azalduta–, eta proposamenari analisi bat erantsi behar zaio metodoaren aplikazioak lehia librearen printzipioa errespetatzen duela justifikatzeko.

Balioa zehazteko eskatzen duten pertsona edo entitate guztiek sinatu behar dute eskaera; horrez gainera, Zerga Administrazioari frogatu behar diote baloratzeko eskatzen diren eragiketak egingo dituzten gainerako pertsona edo entitateek balorazio eskaeraren berri badutela eta hura onartzen dutela.

⁶2. Eskaerari erantsi behar zaio zergaren foru arauaren 43. artikuluko 3. eta 4. apartatuetan aipatzen den dokumentazioa, balorazio proposamenari aplikagarri zaion heinean, eta kasuaren zirkunstantzietara egokituko da.

Elkarri laguntzeko tresnen indarrez, beharrezko gertatzen bada balorazio proposamenaren ebazpenari buruz informazio trukea egitea beste estatu batzuekin edo nazioarteko zein nazioz gaindiko entitateekin, zirkunstantzia hori berariaz adierazi beharko da proposamenean, nahiz eta horrek ez duen kentzen prozedura ebazteko eskumena duen zerga administrazioak ofizioz aintzat hartzea zirkunstantzia hori. Horrez gain, datu hauek adierazi beharko dira:

a) Entitate eskatzailearen merkataritza taldea edo talde fiskala, eta balorazioak eragindako entitate ez-egoiliar guztien identifikazio fiskaleko zenbakiak edo kode baliokideak.

b) Enpresa jardueraren deskribapena edo balorazio proposamenean jasotako transakzioena zein transakzio-segidena (egindakoena edo egingo direnena). Edozelan ere, deskripzio hori egiterakoan erabat errespetatu behar dira sekretu komertzial, industrial edo profesionalaren arauak eta interes publikoa.

c) Balorazio proposamenean aipatzen diren transakzio edo eragiketengatik ukituta gerta daitezkeen estatuak.

d) Balorazio proposamenaren ebazpenagatik ukituta gerta daitezkeen beste estatu batzuetako egoiliarak.

e) Elkarren laguntzari buruzko araudi aplikagarriaren arabera eskatu daitezkeen bestelako datuak.

3. Eskaera tramitera ez onartzea erabaki daiteke, modu arrazoituan beti, zirkunstantzia hauetako bat gertatzen denean:

a) Nabaria denean balorazio proposamenak ez daukala oinarririk merkatuko balio normala zehazteko.

b) Balorazio proposamena lehen ere onartu ez diren beste balorazio proposamen batzuen oso antzekoa denean.

c) Balorazio proposamenaren bitartez saihestuko litzatekeen zergapetze bikoitzaren arriskurik ez dagoela irizten zaionean.

d) Proposamenari ezezkua emateko arrazoi izan daitezkeen beste edozein zirkunstantzia gertatzen denean.

24. artikulua. Aurkeztutako dokumentazioaren araubidea.

⁶ Apartatu hau abenduaren 27ko 31/2018 FORU DEKRETUAREN 2. artikulua hiru apartatuak aldatu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen eta ondare elementuen eskualdaketa lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarrilaren 1etik aurrera hasten diren zergaldietan ditu ondorioak.

1. Kapitulu honetan araututako prozedurari dagokionez bakarrik izango ditu ondorioak aurkeztutako dokumentazioak, eta prozedura horretarako baino ezingo da erabili.
2. Aurreko artikuluetan xedatutakoak ez du esan nahi zergadunek ez dituztenik bete behar martxoaren 8ko 2/2005 Foru Arauak, Gipuzkoako Zergen Foru Arau Orokorrak, 29. artikuluan edo bestelako xedapen batean ezarritakoaren arabera dituzten betebeharrak, horiek betetzeak erregelamendu honen 26. artikuluan aipatutako dokumentazioari eragiten diotenean.
3. Proposamenean atzera egiten bada, edo hura iraungi edo ezesten bada, dokumentazioa interesdunari itzuliko zaio.

25. artikulua. Akordioa tramitatzea, amaitzea eta ondorioak izatea.

1. Zerga Administrazioak proposamena aztertuko du, aurkeztutako dokumentazioarekin batera.
2. Erregelamendu honen 44. artikuluko 3. apartatuan aipatzen den epean berariazko ebazpenik jakinarazten ez bada, ezetsizat jo ahal izango da proposamena.
3. Edozein zergapekok proposamenean atzera egiteak prozedura amaitzea ekarriko du berekin.
4. Prozedurari amaiera ematen dion ebazpenak hauetako bat egin dezake:
 - a) Zergapekoak aurkeztutako balorazio proposamena onartu.
 - b) Hasiera batean aurkeztutakoa ez bezalako balorazio proposamen bat onartu, zergapekoarekin adostasunarekin.
 - c) Zergapekoak egindako balorazio proposamena ezetsi.
5. Aurretiazko balorazio akordioa agiri batean formalizatuko da, eta agiri horretan datu hauek jasoko dira gutxienez:
 - a) Non eta noiz formalizatu den.
 - b) Proposamenean aipatzen diren zergapekoen izen-abizenak edo sozietate izena edo izendapen osoa, eta identifikazio fiskaleko zenbakia.
 - c) Zergapekoek akordioaren edukiari emandako adostasuna.
 - d) Proposamenean aipatzen diren eragiketen deskripzioa.
 - e) Balorazio metodoaren funtsezko elementuak eta, egonez gero, metodo horretatik eratorritako balio tarteak, bai eta hura aplikatzeko oinarritzat jo behar diren zirkunstantzia ekonomikoak ere, bereziki kasu kritikoak.
 - f) Akordioa zein zergaldi edo zein likidazio-alditan aplikatuko den, eta noiz jarriko den indarrean.
6. Balorazio proposamena ezesten bada, zergapekoak identifikatzeaz gainera, Zerga Administrazioak proposamena ezesteko izan dituen arrazoiak jasoko dira ebazpenean.
7. Onartutako proposamenetik eratortzen dena aplikatu behar dute Zerga Administrazioak eta zergapekoek.
8. Zerga Administrazioak egiaztatu dezake onartutako proposamenean jasotako gertakari eta eragiketak bat datozela benetan izandakoekin eta onartutako proposamena behar bezala aplikatu dela.

Egiaztapen horretatik ondorioztatzen bada onartutako proposamenean jasotako gertakari eta eragiketak ez datozela bat benetan izandakoarekin edo onartutako proposamena ez dela behar bezala aplikatu, Zerga Administrazioak zergapekoen zerga egoera erregularizatuko du.

9. Prozedurari amaiera ematen dion ebazpena edo proposamena ezesten duen presuntziazko egintza ezin dira errekurritu, baina horrek ez du eragozten eman daitezkeen likidazio egintzen aurka bidezko errekurtsoak edo erreklamazioak aurkeztu ahal izatea.

10. Gipuzkoako Foru Aldundiko Ogasun eta Finantza Departamentuko Ikuskaritzako Zuzendariordetza Nagusiak izango du eskumena prozedura hasi, bideratu eta ebazteko.

26. artikulua. Pertsona edo entitate lotuekin egindako eragiketak baloratzeko akordioa aplikatzeari buruzko informazioa.

Zerga honen, pertsona fisikoen errentaren gaineko zergaren edo ez-egoiliarren errentaren gaineko zergaren autolikidazioekin batera, zergapekoek idatzi bat aurkeztu behar dute onartutako aurretiazko balorazio akordioaren aplikazioari buruz, eta bertan honako informazio hau jaso, besteak beste:

a) Autolikidazioan jasotako zergaldian edo likidazio-aldian egin direnetatik, zein eragiketari aplikatu zaien aurretiazko akordioa.

b) Aurretiazko akordioa aplikatzearen ondorioz aurreko eragiketak egiteko ezarri diren prezio edo balioak.

c) Zer aldaketa garrantzitsu izan diren, izan badira, aurretiazko akordioan aipatutako balorazio metodoa aplikatzeko oinarritzotzat jo behar diren zirkunstantzia ekonomikoetan.

d) Zer eragiketak egin diren zergaldian edo likidazio-aldian, aurretiazko akordioan aipatutakoen antzekoak, zein preziotan egin diren, eta zer desberdintasun ageri diren horien eta aurretiazko akordioaren esparruan sartzen diren eragiketen artean.

Dena den, beste administrazio batzuekin sinatzen diren akordioetan, zergapekoak urtero aurkeztu beharreko dokumentazioa akordiotik beretik eratorritakoa izango da.

27. artikulua. Aurretiazko balorazio akordioa aldatzea.

1. Aurretiazko balorazio akordioa onartzean aintzat hartutako zirkunstantzia ekonomikoak nabarmen aldatzen badira, akordioa aldatu ahal izango da zirkunstantzia ekonomiko berrietara egokitzeko. Akordioa aldatzeko prozedura ofizioz zein zergapekoek eskatuta abiatu daiteke, betiere erregelamendu honen 44. artikuluan ezarritako prozedura orokorrari jarraituz, eta artikulua honetan jasotzen diren berezitasunekin.

2. Aldaketa eskatzen duten pertsona edo entitateek sinatu behar dute akordioa aldatzeko eskaera. Horiek, gainera, Zerga Administrazioari frogatu behar diote baloratzeko eskatzen diren eragiketak egingo dituzten gainerako pertsona edo entitateek badutela aldatzeko eskaeraren berri eta hura onartzen dutela. Eskaerak informazio hau jaso behar du:

a) Zirkunstantzia ekonomikoak nabarmen aldatu izanaren justifikazioa.

b) Zirkunstantzia horiek aldatzearen ondorioz egin beharreko aldaketa.

Eragindako edozein pertsona edo entitatek eskaeran atzera eginez gero, akordioa aldatzeko prozedura amaituko da.

3. Aurkeztutako dokumentazioa aztertu eta zergapekoei entzunaldia eman ondoren –hamabost eguneko epea izango dute horretarako–, Zerga Administrazioak ebazpen arrazoitua emango du, eta ebazpen horretan honako hau egin dezake:

- a) Zergapekoek eskatutako aldaketa onartu.
- b) Hasieran aurkeztutakoa ez bezalako balorazio proposamen bat onartu, zergapekoarekin adostasunarekin.
- c) Zergapekoek proposatutako aldaketa ezetsi, eta hasiera batean onartutako aurretiazko balorazio akordioa berretsi edo indargabetu.

4. Akordioa aldatzeko prozedura Zerga Administrazioak abiatzen duenean, proposamenaren edukiaren berri emango zaie zergapekoei, eta horiek hilabeteko epea izango dute, proposamena jakinarazi eta biharamunetik aurrera, ondoko hau egiteko:

- a) Aldaketa onartzeko.
- b) Beste aldaketa bat proposatzeko, behar bezala justifikatuta.
- c) Aldaketa errefusatzeko, zergatiak adierazita.

5. Aurkeztutako dokumentazioa aztertu ondoren, Zerga Administrazioak ebazpen arrazoitua emango du, eta ebazpen horretan honako hau egin dezake:

- a) Aldaketa onartu, zergapekoek ontzat eman badute.
- b) Zergapekoek proposatutako aldaketa onartu.
- c) Hasierako balorazio proposamena onartzeko erabakia indarrrik gabe utzi.
- d) Hasierako balorazio proposamena aplikatzen jarraituko dela adierazi.

6. Beste Zerga Administrazio batekin akordioen bat sinatu bada, aurretiazko balorazio akordioa aldatzeko lehendabizi beharrezkoa izango da administrazio horrekin hartutako akordioa aldatzea. Horretarako, erregelamendu honen 29. artikuluan eta haren hurrengoetan jasotako prozedurari jarraituko zaio.

7. Erregelamendu honen 44. artikuluko 3. apartatuan aipatzen den epean berriazko ebazpenik jakinarazten ez bada, aldatzeko proposamena ezetsizat jo ahal izango da.

8. Akordioa aldatzeko prozedurari amaiera ematen dion ebazpena edo proposamena ezesten duen presuntziozko egintza ezin dira errekurritu, baina horrek ez du eragozten eman litezkeen likidazio egintzen aurka bidezko errekurtsioak edo erreklamazioak aurkeztu ahal izatea.

9. Aldaketa onartzeak erregelamendu honen 25. artikuluan jasotako ondorioak izango ditu, aldaketa eskatu ondoren edo, hala badagokio, aldatzeko proposamena komunikatu ondoren egiten diren eragiketei dagokienez.

10. Hasierako aurretiazko balorazio akordioa indargabetzeak berekin ekarriko du erregelamendu honen 25. artikuluan jasotako ondorioak desagertzea aldaketa eskatu ondoren edo, hala badagokio, aldatzeko proposamena komunikatu ondoren egiten diren eragiketei dagokienez.

11. Zergapekoek eskatutako aldaketa ezesteak berekin ekarriko du:

- a) Erregelamendu honen 25. artikuluan aurreikusitako ondorioak berrestea, zirkunstantzia ekonomikoak nabarmen aldatu direla frogatzen ez denean.
- b) Erregelamendu honen 25. artikuluan aurreikusitako ondorioak desagertzea, aldaketa ezetsi ondoren egiten diren eragiketei dagokienez, gainerako kasuetan.

28. artikulua. Aurretiazko balorazio akordioa luzatzea.

1. Zergapekoek lehendik onartu den akordio baten balio-epea luzatzeko eska diezaiokete Zerga Administrazioari, erregelamendu honen 44. artikuluan ezartzen den prozedura orokorrari jarraituz, eta artikuluko honetan jasotzen diren berezitasunekin. Eskaera hori balio epea amaitu baino sei hilabete lehenago aurkeztu behar da, eta eskaerari bidezko frogagiriak erantsi behar zaizkio hasierako eskaeran azaldutako zirkunstantziak ez direla aldatu justifikatzeko.
2. Aurretiazko balorazio akordioa luzatzeko eskaera akordioa sinatu zuten pertsona edo entitateek sinatu behar dute. Horrez gainera, horiek Zerga Administrazioari frogatu behar diote eragiketak egingo dituzten gainerako pertsona edo entitate lotuek badutela luzapen eskaeraren berri eta hura onartzen dutela.
3. Erregelamendu honen 44. artikuluko 3. apartatuan aipatzen den epean ez bada jakinarazten aurretiazko balorazio akordioaren balio epea luzatu izana, eskaera ezetsizat jo ahal izango da.
4. Akordioaren luzapena erabakitzen duen ebazpena edo hura ezesten duen presuntziozko egintza ezin dira errekurritu, baina horrek ez du eragozten eman litezkeen likidazio egintzen aurka bidezko errekurtsioak edo erreklamazioak aurkeztu ahal izatea.

Bigarren azpisekzioa. Beste administrazio batzuekin eragiketa lotuei buruzko akordioak lortzeko prozedura

29. artikulua. Arau aplikagarriak.

1. Beste zerga administrazio batzuekin akordioak lortzeko prozeduran sekzio honetan ezarritako arauak aplikatuko dira, azpisekzio honetan jasotzen diren berezitasunekin.
2. Beste zerga administrazio batek Zerga Administrazioari eskatzen badio pertsona edo entitate lotuen arteko eragiketen balorazio akordio bat sinatzeko prozedura bat has dezala, sekzio honetan ezarritako arauak jarraitu zaie, aplikagarriak diren neurrian.

30. artikulua. Prozedura hastea.

1. Zergapekoek eskatzen badute aurkeztutako proposamena pertsona edo entitate lotuek egoitza duten herrialde edo lurraldeko beste zerga administrazio bati ere aurkezteko, Zerga Administrazioak baloratuko du egokia den prozedura hori hastea edo ez. Prozedura ez hastea erabakiz gero, arrazoiak eman beharko dira, eta ezingo da ezespenaren aurka egin.
2. Aurretiazko balorazio prozedura baten barruan, Zerga Administrazioak egoki irizten badu gaia eraginda gerta daitezkeen beste herri administrazio batzuei ere aurkeztea haiek azter dezaten, pertsona edo entitate lotuei emango die horren berri. Zergapekoa ados agertzea ezinbesteko baldintza izango da gaia beste zerga administrazioari jakinarazteko.
3. Prozedura hasteko eskaerarekin batera, erregelamendu honen 23. artikuluan aipatzen den dokumentazioa aurkeztu behar du zergapekoak.

31. artikulua. Tramitatzea eta ebaztea.

1. Beste zerga administrazioekiko harremanetan, pertsona edo entitate lotuek balorazio proposamenarekin zerikusia duten datu, txosten, aurrekari eta frogagiri guztiak aurkeztu behar dituzte.

Bi zerga administrazioen ordezkariak hala adostuz gero, zergapekoek parte hartu dezakete akordioa zehazteko jarduketetan.

2. Zerga administrazioen akordio proposamena interesdunei jakinarazi behar zaie, eta ezinbestekoa izango da interesdunek proposamena onartzea administrazioek akordioa sinatu dezaten.

Akordio proposamenaren aurka egiteak balorazio proposamena ezestea ekarriko du.

3. Akordio proposamena onartuz gero, organo eskudunak akordioa sinatuko du beste zerga administrazioekin, eta haren kopia helaraziko zaie interesdunei.

4. Gipuzkoako Foru Aldundiko Ogasun eta Finantza Departamentuko Ikuskaritzako Zuzendariordetza Nagusiari dagokio prozedura hasi, informatu eta bideratzea, artikulua honetan aipatzen diren administrazioekin bidezko harremanak ezartzea, eta ebazpen proposamena prestatzea.

Ogasuneko zuzendari nagusiak ebatziko du prozedura, eta berak izenpetuko du beste zerga administrazioarekiko akordioa.

Hirugarren azpisekzioa. Azpikapitalizazio koefizienteari buruzko aurretiatzko akordioaren berezitasunak

32. artikulua. Beste azpikapitalizazio koefiziente bat zehazteko prozeduraren aplikazioa.

1. Zergaren foru arauak 47. artikuluan 4. apartatuan aipatzen dituen kasuetan, beste azpikapitalizazio koefiziente bat zehazteko prozeduran aplikatuko dira erregelamendu honetako 22 - 28 bitarteko artikuluetan ezarritako arauak, artikulua honetan jasotzen diren berezitasunekin.

2. Zergapekoek Zerga Administrazioari proposa diezaiokete zergaren foru arauaren 47.1 artikuluan ezarrita dagoen koefizientearen ordezkari bat aplika dadila, artikulua bereko 4. apartatuan xedatutakoarekin bat etorritik. Proposamenarekin batera dokumentazio hau aurkeztu beharko da:

a) Entitatearen urteko kontuak.

b) Zergapekoaren ustez, zenbateko zorpetzea lortuko zuen, ondare garbiaren ikuspegi fiskaletik, lotu gabeko pertsona edo entitateetatik, merkatuko baldintza normaletan, eta horren justifikazioa.

c) Zein sozietate taldeetako kide den entitatea.

d) Entitateak zein entitate lotuekin hartu duen edo hartuko duen zorra.

e) Proposatzen den zorpetze koefizientea eta haren justifikazioa, haren aplikaziorako oinarritzat jo behar diren zirkunstantzia ekonomikoak adierazita.

III. BIS KAPITULUA: Emaizaren aplikazioaren arloko zuzenketak⁷

⁷ Kapitulu hau, ekainaren 27ko 14/2017 Foru Dekretuaren artikulua bakarraren bat apartatuak gehitu du. Aipatu foru dekretuak, Sozietateen gaineko Zergaren Erregelamendua eta, aurretiatzko tributazio proposamen bereziei dagokienez, 2006ko abenduaren 5eko 49/2006 Foru Dekretua aldatzen ditu. Foru Dekretua Gipuzkoako Aldizkari Ofizialean argitaratu eta biharamunean jarri da indarrean (2017-06-29ko GAO).. Aldaketa, ordea, 2017ko urtarrilaren 1etik aurrera hasitako zergaldietan aplikatuko da.

32. bis artikulua. Erreserba berezia ekintzailtza sustatzeko eta jarduera produktiboa sendotzeko: proiektu enpresarial garrantzitsuak ezartzen dituzten entitateetako partaidetzen eskurapena.⁸

1. Zergaren foru arauaren 53.2 artikulua c) letran jasotakoaren ondorioetarako, garrantzitsutzat hartzen dira baldintza hauetako edozein betetzen duten proiektu enpresarialak:

a) Jarduera, produktu edo merkatu berrien garapena ekartzea. Jarduera, produktu edo merkatu berritzat hartuko dira erreserba gauzatu aurreko hiru urteetan kenkaria aplikatzen duen entitateak edo horri edo entitate partaidetuari lotutako pertsona edo entitateek garatuak ez direnak, zergaren foru arauak 42. artikulua 3. apartatua jasotakoaren arabera. Horretarako, definizio hauek hartuko dira kontuan:

a') Jarduera ekonomiko berria: jarduera ekonomikoen gaineko zergaren tarifen barruan talde desberdin batean sailkatua.

b') Produktu berriak: entitate partaidetuak aurretik garatutako produktuetatik funtsean desberdinak diren ezaugarri edo aplikazioak dituztenak.

c') Merkatu berriak: entitate partaidetua kokatuta ez dagoen merkatua. Dena den, ez dira joko merkatu berritzat paradisua fiskaltzat hartutako herrialde edo lurralde batean sortzen diren merkatu berriak.

Jarduera, produktu edo merkatu berriak erreserba gauzatu ondoko bigarren zergaldia amaitu aurretik garatu behar dira.

b) Lehendik dauden jarduera, produktu edo merkatuak zabaldu edo finkatzea. Proiektu enpresarialek lehendik dauden jarduera, produktu edo merkatuak zabaldu edo finkatzen dituztela ulertuko da salmenten, diru sarreraren edo mozkinen hazkundera edo jardueratik eratorritako galaren murriztapena 100eko 10ekoa denean. Portzentaje hori zehazteko, konparatu egingo dira erreserba gauzatu aurreko ondoko bigarren zergaldian aldagai horiek izandako emaitza eta erreserba gauzatu aurreko ondoko hiru zergaldietan aldagai horiei dagokien emaitzaren batez bestekoa.

c) Enplegu egonkorra sortzea. Enplegu egonkorra sortzen dela joko da zergaren foru arauko 66. artikuluan jasotako kenkaria aplikatzeko eskubidea ematen duen plantillak gutxienez 100eko 5eko hazkundera duenean. Hazkunde horrek gertatu behar du erreserba gauzatu den zergaldia bukatu ondorengo bigarren zergaldia amaitu baino lehen.

2. Zergaren foru arauaren 53.2 artikulua c) letran jasotakoaren ondorioetarako, proiektu enpresarial garrantzitsuak entitate partaidetuaren ondare garbiaren funtsezko hazkundera dakarrela ulertuko da haren ondare garbiaren hazkundera, urteko kontu ikuskatuetan islatua, gutxienez 100eko 5ekoa denean eta erreserba gauzatu ondorengo bi zergaldietan mantentzen denean. Horretarako, erreserba gauzatetik eratorritako ondare garbiaren hazkundera hartuko da kontuan.

3. Zergaren foru arauaren 53.2 artikulua c) letran jasotakoaren ondorioetarako, ulertuko da entitate partaidetuak kapitala eskuratzeko zailtasuna duela:

⁸ Artikulu hau, ekainaren 27ko 14/2017 Foru Dekretuaren artikulua bakarraren bat apartatuak gehitu du. Aipatu foru dekretuak, Sozietateen gaineko Zergaren Erregelamendua eta, aurretiazko tributazio proposamen bereziei dagokienez, 2006ko abenduaren 5eko 49/2006 Foru Dekretua aldatzen ditu. Foru Dekretua Gipuzkoako Aldizkari Ofizialean argitaratu eta biharamunean jarri da indarrean (2017-06-29ko GAO).. Aldaketa, ordea, 2017ko urtarrilaren 1etik aurrera hasitako zergaldietan aplikatuko da.

a) Magnitudeari dagokionez, entitate partaidetua mikroenpresa, enpresa txikia edo ertaina denean erreserba gauzatzen den momentuan.

b)⁹ Berrikuntzari dagokionez, entitate partaidetua berria edo sortu berria denean. Beharkizun hau betetzen dela ulertuko da entitatea eratu denetik zazpi urte baino gutxiago igaro direnean.

c) Egitekoak diren inbertsioen arriskuari dagokionez, zergaren foru arauaren 62.etik 64.era bitarteko artikuluetan jasotako kenkarietarako eskubidea ematen duten ikerketa eta garapeneko edo berrikuntza teknologikoko jarduerak egiten dituenen. Beharkizun hau erreserba gauzatzen denean edo ondorengo bi zergaldietan bete ahal izango da.

IV. KAPITULUA. Sarrerak eta gastuak denboran egozteak. Sortzapenaz besteko irizpideak onartzea

33. artikulua. Sortzapenaz besteko egozpen irizpideak onartzea.

1. Entitateek kontabilitatean sarrerak eta gastuak denboraren arabera egozteko erabiltzen duten irizpidea ez bada sortzapen-irizpidea, beste bat baizik, irizpide horrek zerga eraginkortasuna izatea eskatu dezakete. Eskaera Zerga Administrazioari egingo zaio, eta haren aurrean izapidetuko da, erregelamendu honetako 44. artikuluan ezarritako prozedura orokorrari jarraituz, eta artikuluko honetako hurrengo apartatuetan jasotzen diren berezitasunekin.

2. Eskaerak datu hauek jaso behar ditu:

a) Zer sarrera eta gastu egozten diren denboraren araberako irizpideari jarraituta, haien izaera zein den, eta zergadunaren eragiketa multzoan nolako garrantzia duten.

b) Zein egozpen irizpidetarako eskatzen zerga eraginkortasuna. Denboraren araberako irizpidea nahitaez bete beharrekoa bada, betebeharra ezartzen duen kontabilitate araua zehaztu beharko da.

c) Justifikatu behar da denboraren arabera egozpena egiteko proposatutako irizpidea egokia dela urteko kontuen irudi fidela emateko, eta azaldu behar da nola eragiten duen zergadunaren ondarean, finantza egoeran eta emaitzetan.

3. Eskaera aurkeztu behar da ondorioak sortu behar dituen lehen zergaldia amaitu baino gutxienez sei hilabete lehenago.

4. Zergaren foru arauak 54. artikuluen 2. apartatuko bigarren paragrafoan jasotzen dituen kasuetan, 1. apartatuan aipatzen den eskaerak datu hauek jaso behar ditu:

a) Denboraren araberako egozpen irizpideak zer sarrerari eta zer gasturi eragiten dieten.

b) Memoria bat, non azaldu behar den zer berezitasun dituen eskaera egin duen entitateak, eskatutako irizpidearen aplikazioa justifikatzeko.

c) Justifikatu behar da eskatutako egozpen irizpidea ongi egokitzen dela aurreko letran aipatutako berezitasunetara.

⁹ Letra hau, irailaren 29ko 11/2021 Foru Dekretuaren 3. artikulua aldatu du. Aipatu foru dekretuak, ondare eskualdaketen eta egintza juridiko dokumentatuen gaineko zergaren, oinordetza eta dohaintzen gaineko zergaren eta sozietateen gaineko zergaren erregelamenduak aldatzen ditu. Foru dekretua Gipuzkoako Aldizkari Ofizialean argitaratu eta biharamunean jarri da indarrean (2021-10-04ko GAO).

d) Justifikatu behar da erabilitako irizpideak ez duela ezertan aldatuko entitatearen sarrera edo gastuen zerga kalifikazioa.

III. TITULUA ZERGA ZORRA

34. artikulua. Ikerketa, garapen eta berrikuntza teknologikoko jardueren kenkariak aplikatzeko txosten arrazoitua.

1.¹⁰ Gaian eskumena duen Eusko Jaurlaritzako edo Gipuzkoako Foru Aldundiko departamentua edo haiei atxikitako organismo edo entitatea izango dira zergaren foru arauaren 64.3 artikuluan aipatzen diren txosten arrazoituak egiteko organo eskudunak.

2. Arrazoitutako txostena –aurrerantzean «zerga ondorioetarako kalifikazio txostena»– egiteko eskaerak urtero aurkeztu behar dira, abenduaren 31 baino lehen beti, organo eskudunari zuzenduta. Eskatzailea nor den eta zertan diharduen adierazteaz gainera, eskaerari proiektuari buruzko memoria bat erantsi behar zaio.

Memorian eskatzaileak eta berak azpikontratatzan dituen pertsonak edo erakundeak egingo dituzten jarduerak zehaztu behar dira, bai eta proiektutik ondorioztatzen diren gastuen eta inbertsioen zenbatekoak ere, urteka banatuta.

3. Proiektuak beste entitate batzuekin lankidetzan egiten badira, proiektu bakoitzeko eskaera bakar bat aurkeztu behar da urtero, entitate guztiek sinatuta, eta partaideetako bat izendatu behar da solaskidea izateko, harremanetan aritzeko eta jakinarazpenak jasotzeko. Parte hartzen duen entitate bakoitzak zer jarduera egin dituen eta zenbateko aurrekontua izango duen zehaztu behar da proiektuaren memorian.

Proiektuan parte hartzen duten entitateei txosten bana emango zaie.

4.¹¹ Nolanahi ere, organo eskudunak egoki irizten duen dokumentazio eta informazioa eskatu diezaieke entitate eskatzaileei, aurkeztu duten eskaera egoki ulertu, izapidetu eta ebaluatzeko.

5.¹² Organo eskudunak ematen dituen txosten arrazoituetan behar bezala bereizita identifikatu behar dira zergaren foru arauak 62. eta 63. artikuluetan jasotako kontzeptuen arabera garatuko diren jarduerak, betiere horietako bakoitzari lotutako gastu eta inbertsioak egotzita.

35. artikulua. Txostenaren ondorioak eta Zerga Administrazioaren ahalmenak.

¹⁰ Apartatu hau, abenduaren 12ko 56/2023 Foru Dekretuaren 7. Artikuluen bat apartatuak aldatu du. Aipatu foru dekretuak, zenbait zerga erregelamendu aldatzen ditu. Foru dekretua Gipuzkoako Aldizkari Ofizialean argitaratu eta biharamunean jarri da indarrean (2023-12-18ko GAO).

¹¹ Apartatu honi zenbaki berria eman zaio, uztailaren 24ko 22/2018 Foru Dekretuaren 2. artikuluko bat apartatuaren bidez. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen ditu. Foru dekretua Gipuzkoako Aldizkarian Ofizialean argitaratu eta biharamunean jarri da indarrean (2018/07/27 GAO), eta aldaketak 2018ko urtarrilaren 1etik aurrerako ondorioak ditu.

¹² Apartatu honi zenbaki berria eman zaio, uztailaren 24ko 22/2018 Foru Dekretuaren 2. artikuluko bat apartatuaren bidez. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen ditu. Foru dekretua Gipuzkoako Aldizkarian Ofizialean argitaratu eta biharamunean jarri da indarrean (2018/07/27 GAO), eta aldaketak 2018ko urtarrilaren 1etik aurrerako ondorioak ditu.

1. Aurreko artikuluan aipatutako organo eskudunak egin dituen txosten arrazoituek Zerga Administrazioa lotuko dute, jardueraren izaerari dagokionez nahiz hura ikerketa, garapen edo berrikuntza teknologiko gisa kalifikatzeari dagokionez.

2. Zerga Administrazioak egiaztatu behar du inbertsioak eta gastuak benetan egin izana eta egindako jarduerak txostenean jasotakoei egokitu izana; horretarako, beharrezko deritzon justifikazioa eskatu dezake edonoiz.

3. Zerga Administrazioak eskatuta aurreko artikuluan aipatutako txosten arrazoitua aurkezten duen zergadunak aplikatu behar ditu zergaren foru arauak 62. eta 63. artikuluetan jasotako kenkariak.

Era berean, Zerga Administrazioak erregelamendu honek 34. artikulua 1. apartatuan aipatutako organoari eskatu diezaioke txosten osagarri bat egin dezala, zergadunek ikerketaren, garapenaren edo berrikuntza teknologikoaren alorrean egiten dituzten jardueren izaerari eta kalifikazioari buruzko informazioa gehitzeko.

4. Hala badagokio, Zerga Administrazioak txosten bat eskatu ahal izango dio, alorrean eskumena duen Gipuzkoako Foru Aldundiko departamenduari, kenkarirako eskubidea akreditatzen duten jardueren izaerari eta kalifikazioari buruz.

35 bis artikulua. Negozio prozesuak berrikuntza teknologikoaren esparruan.¹³

Zergaren foru arauaren 63. artikuluko 2. apartatuan xedatutakoaren ondorioetarako, negozio prozesutzat hartuko dira honako jarduera hauek:

a) Ondasunen eta zerbitzuen ekoizpena: baliabideak edo lehengaiak azken produktu bihurtzea helburu duten jarduerak dira, izan ondasunak izan zerbitzuak. Jarduera bat ondasunen eta zerbitzuen ekoizpentzat jotzeko, jarduera horrek lotura bat izan behar du enpresaren negozio nagusiarekin.

Letra honetan sartuko dira jarduera hauek:

- Ingeniaritza jarduerak.
- Produktuen muntaketa.
- Ekoizpenaren kudeaketa.
- Zerbitzu prestazioaren kudeaketa.
- Kalitate kontrolen ezarpena.
- Ekoizpenean laguntzen duten proba teknikoak, analisiak eta ziurtagiriak.
- Osagaien fabrikazioa.

b) Administrazioa eta kudeaketa: beharrezko jarduera operatiboak dira, azken produktuarekin edo zerbitzuarekin zuzenean lotuta ez daudenak, baina enpresaren jarduera nagusiari laguntzen diotenak baliabide eta prozesu finantzario eta administratiboak kudeatuz, kontrolatuz eta optimizatuz.

Letra honetan sartuko dira jarduera hauek:

- Enpresaren eta estrategiaren kudeaketa eta antolaketa.

¹³ Artikulu hau, abenduaren 12ko 56/2023 Foru Dekretuaren 7. Artikulua 1. bi apartatuak gehitu du. Aipatu foru dekretuak, zenbait zerga erregelamendu aldatzen ditu. Foru dekretua Gipuzkoako Aldizkari Ofizialean argitaratu eta biharamunean jarri da indarrean (2023-12-18ko GAO).

- Gobernantza korporatiboa (legeria, plangintza eta harreman publikoak).
 - Kontabilitatea, liburuak, auditoretza, ordainketak, eta finantzen edo aseguruaren inguruko beste jarduerak batzuk.
 - Pertsonen kudeaketa (prestakuntza eta heziketa, langileen kontratazioa, lantokiaren antolaketa, aldi baterako langileen hornidura, nominen kudeaketa, osasun laguntza eta arreta medikoa).
 - Ondasunen eta laguntza zerbitzuen erosketen kudeaketa.
 - Kanpo harremanen kudeaketa: hornitzaileak edo aliantzak bereziki.
- c) Banaketa eta logistika: hornigaiak eta produktuak erosi eta biltegiaratzeko, eta produktu bukatuak bezeroenganaino garraiatzea xede duten jarduerak dira.

Letra honetan sartuko dira jarduerak hauek:

- Eskariaren inbentarioa eta plangintza.
- Lehengaien eta produktuen erosketen kudeaketa.
- Biltegiaren kudeaketa.
- Eskarien prozesaketa.
- Produktuen enbalajea.
- Artikuluen garraioa eta entrega.

d) Marketina eta salmentak: kontsumitzailearen beharrak eta jokabideak aztertzea eta merkatuaren eskaria asetuko duen produktua edo zerbitzua sustatu, ezagutarazi eta saltzea xede duten jarduerak dira.

Letra honetan sartuko dira jarduerak hauek:

- Merkatuaren ikerketa.
- Publizitatea eta komunikazioa.
- Merkatu berriak garatzeko jarduerak.
- Prezioak finkatzeko estrategiak eta metodoak.
- Salmenta kanalen estrategia eta kudeaketa.
- Salmentako eta salmenta ondoko jarduerak, bezeroaren arretarako zerbitzuak barne.

e) Informazio eta komunikazio sistemak: enpresaren gainerako negozio prozesuen kudeaketa operatiboari laguntzeko beharrezkoa den hardwarea eta softwarea kudeatzea, garatzea eta mantentzea xede duten jarduerak dira.

Letra honetan sartuko dira jarduerak hauek:

- Beharren eta zehaztapen funtzionalen identifikazioa.
- Hornikuntza (CPUak, RAM, txartel grafikoa, lizentziak edo antzekoak).
- Diseinua, garapena, mantenimendua eta eguneratzea.

f) Produktuaren eta negozio prozesuen garapena: ondasun edo zerbitzu bat edo enpresaren negozio prozesuetako bat (ondasunen eta zerbitzuen ekoizpena, administrazioa eta kudeaketa, banaketa eta logistika, marketina eta salmentak, eta informazio eta komunikazio sistemak) diseinatzearekin eta birdiseinatzearekin zer ikusia duten jarduerak dira.

Letra honetan sartuko dira jarduerak hauek:

- Produktuaren edo zerbitzuaren kontzeptua eta ideia sortzea.

- Bideragarritasun teknikoari eta ekonomikoari buruzko azterketak (negozio planak egitea).
- I+G jardueren kudeaketa.
- Diseinua eta garapena.
- Prototipoa sortzea, testatzea eta baliozkotzea.
- Negozio prozesuaren ezarpena.
- Produktua merkaturatzea (ondasunen industrializazioa barne).

35 ter artikulua. Sorrera berriko entitate berritzaileen ikerketa eta garapeneko edo berrikuntza teknologikoko proiektuen finantzaketan parte hartzen dutenek egin beharreko komunikazioa.¹⁴

Zergaren foru arauaren 64 bis artikuluko 8. apartatuaren arabera Zerga Administrazioari egin behar zaion komunikazioa proiektuaren finantzaketan parte hartzen duen zergadunak aurkeztuko du, finantzaketa kontratua formalizatzen den zergaldia amaitu baino lehen. Aurkezpena Gipuzkoako Foru Aldundiaren egoitza elektronikoaren bidez egingo da, eta, gutxienez, 8. apartatu horretan ezarritako dokumentazioa erantsiko zaio komunikazioari.

36. artikulua. Garapen iraunkorra, ingurumenaren zaintza eta hobekuntza zein energia iturrien aprobetxamendu eraginkorragoa lortzera zuzentzen diren proiektuekin loturiko inbertsio eta gastuen kenkaria.

1. Zergaren foru arauak 65. artikuluko 2. apartatuko b) letran ezartzen dena betetzearren, honako gai hauek xede dituzten proiektuak garapen iraunkorraren eta ingurumenaren zaintza eta hobekuntzaren alorreko proiektutzat hartuko dira:

a) Hondakinak minimizatzea, berrerabiltzea eta balorizatzea: talde honetan sartuko dira Hondakinei eta lurzoru kutsatuei buruzko uztailaren 28ko 22/2011 Legeak eta lege hori garatzeko araudian jasotzen diren definizioen arabera norberaren edo hirugarrenen hondakinak gutxitzea bilatzen duten proiektuak. Ondorio horietarako, balorizazioa izango da bai birziklapena (konpostajea eta biometanizazioa barne) bai balorizazio energetikoa.

b) Mugikortasuna eta garraio iraunkorra: talde honetan sartuko dira emisio kutsatzaileak (emisioek legeaz duten definizioaren arabera) gutxitzea lortzen duten proiektuak, eta erregai fosilen kontsumoa gutxitzea eragiten dutenak ere bai.

c) Naturaguneetako ingurumena leheneratzea, konpentsazio neurriak edo bestelako borondatezko ekintzak gauzatzearen ondorioz: talde honetan sartuko dira ekosistemen egitura eta funtzionamendua berrezarritik natura-inguruneak ingurumenaren aldetik duen kalitatea hobetzen laguntzen dutenak.

Bizisorkuntza jardueretan egindako ordainketak kenkariaren oinarrian sartuta daudela joko da, baldin eta inbertsiogilearen aktibo ibilgetuaren parte izango badira. Jarduera horiek egin daitezke edo administrazio ebazpen batean jaso diren konpentsazio neurri ez- derrigorrezkoak betetzearen ondorioz, edo natura ingurunean eragina duten bestelako borondatezko jarduketak batzuen ondorioz.

¹⁴ Artikulu hau abenduaren 3ko 55/2024 Foru Dekretuaren 2. artikuluko bi apartatuak gehitu du. Aipatutako foru dekretuak 2024. urterako zenbait zerga aldaketa onesten dituen maiatzaren 10eko 1/2024 Foru Arauaren aldaketa batzuk eta zerga arloko beste arau batzuk erregelamendu bidez garatzen ditu. Foru dekretua Gipuzkoako Aldizkari Ofizialean argitaratzen den biharamunean sartzen da indarrean (2024/12/5eko GAO).

d) Ur kontsumoa minimizatzea eta ura araztea: talde honetan sartuko dira hobekuntza dakarten proiektuak; eta hobekuntza izan daiteke edo zergadunek legez dituzten arazketa betebeharren ingurukoa, edo inbertsioa egin aurreko ur kontsumoen ingurukoa.

Ur kontsumoan izandako aurrezkia edo arazketa da instalazioetan berrikuntza teknologikoak ezartzeko egin den inbertsioaren ondorioz lortutako emaitza.

e) Energia berriztagarrien erabilera: talde honetan iturri berriztagarriak aprobetxatzeko proiektuak sartuko dira, baldin eta haiek sortzen duten energia zuzeneko kontsumorako erabiltzen bada inbertsiogilearen instalazioetan bertan, edo, bestela, banaketa sareetan sartzeko erabiltzen bada.

Sortzen den energia berriztagarria banaketa sareetan sartzeko bada, inbertsioak zergadunak jarduera ekonomikoa egiten duen instalazioetan egin behar da, eta jarduera ekonomiko hori energia berriztagarria sortu eta merkaturatzea ez den beste jarduera bat izan behar da nahitaez.

f) Eraginkortasun energetikoa; talde honetan inbertsiogilearen intentsitate energetikoa murriztea dakarten proiektuak sartuko dira.

Horri dagokionez, intentsitate energetikoa da produktu unitate bakoitzeko kontsumitzen den energia kopurua (kontsumo energetiko espezifiko), edo, zerbitzuen sektoreko enpresetan, negozioen kopuru garbiaren arabera kontsumitzen den energia kopurua (aurrezki energetikoa).

2. Aurreko 1. apartatuan zehazten diren murrizketak edo hobekuntzak kalkulatzeko, proiektua gauzatzen hasten den lehenengo zergaldiaren aurreko zergaldia hartuko da kontuan.

Enpresa ezarri berriak badira, murrizketak edo hobekuntzak kalkulatu ahal izateko, funtzionamendurako eredu estandarrak hartuko dira aintzat; ereduok alorrean eskumena den departamentuko diputatuaren foru agindu bidez zehaztuko dira.

3. Sozietateek proiektu bakoitzeko jakinarazi behar dute kenkaria ezarriko dutela, eta, horretarako, idazki bat bidali behar diote Gipuzkoako Foru Aldundian alorrean eskumena duen departamentuari, zergadunak kenkaria aplikatzen duen lehenengo zergaldia amaitu aurretik.

Jakinarazpen horren bidez, zergadunak zergaren foru arauaren 65. artikuluko hirugarren apartatuan aipatutako ziurtagiria egiteko eskatu ahal izango du.

Jakinarazpenak honako informazio hau jaso behar du, gutxienez:

a) Proiektuaren deskribapen zehatza; haren xedea identifikatu behar da eta artikuluko honen 1. apartatuko zein kasutan sartzen den adierazi.

b) Egin beharreko inbertsio planaren kuantifikazioa eta inbertsiook egiteko egutegia.

c) Erabiliko den teknologia, haren jatorria eta aurretik dauden erreferentziak.

d) Sektoreko Administrazioak edo entitate homologatuek eman beharreko baimena, adostasun txostena edota ziurtagiria.

Eskabidea aurkezten duenean zergadunak ez badu aurreko agirietako bat ere ez, eskatutakoa onartzen zaionean aurkeztu behar ditu nahitaez.

4. Zergaren foru arauak 65. artikuluan 3. apartatuan xedatzen duenaren arabera, Zerga Administrazioak Gipuzkoako Foru Aldundian alorreko eskumena duen departamentuak emandako ziurtagiria aurkeztea eskatzen badio zergadunari, horrek sei hilabeteko epea edukiko du ziurtagiri hori aurkezteko.

Ziurtagiri horretan, inbertsio horiek kenkaria ezarri ahal izateko egokiak direla jaso behar da.

Zergadunak, berari bakarrik egozgarriak diren arrazoiak direla eta, ziurtagiri hori arestian aipatutako epean aurkeztzen ez badu, kenkaria aplikatzeko eskubidea galduko du.

Orobat, zergadunak, bere borondatez, sozietateen gaineko zergaren autolikidazioarekin batera aurkez dezake ziurtagiri hori, kenkari hau ezarri duela justifikatze aldera.

37. artikulua. Kenkaria enplegua sortzeagatik.

1.¹⁵ Zergaren foru arauak 66. artikuluen 1. apartatuko hirugarren paragrafoan ezartzen duen kenkari gehitua aplikatu ahal izan dadin, baldintza hauek bete beharko dira:

a) Kontratazioa egiten den zergaldiaren amaieran lan merkatuan sartzeko zailtasun bereziak dituzten taldeetakoak diren eta lan kontratu mugagabea duten langileen kopurua ez murriztea hurrengo hiru urteetan amaitzen diren zergaldietan, eta lan merkatuan sartzeko zailtasun bereziak dituzten taldeetako langile kopuru hori kenkarirako eskubidea sortu den zergaldiaren hasierakoa baino handiagoa izatea, gutxienez, kenkari gehitua aplikatzeko eskubidea eman duten kontratuen kopuru berean.

b) Zergaren foru arauak 66. artikuluen 2. apartatuko bigarren paragrafoan aipatzen duen langile kopurua (lan merkatuan sartzeko zailtasun bereziak dituzten taldeetan lan kontratu mugagabea duten langileena) kontratazioak egin aurreko zergaldikoa baino handiagoa izatea, gutxienez, kenkari gehitua aplikatzeko eskubidea eman duten kontratuen kopuru berean. Ondorio horietarako, artikulua honetako 2. apartatuan ezarritako erregela aplikatuko da.

Apartatu honetan ezarritako betekizunak betetzen ez badira, zergadunak ez-betetzea gertatzen den zergaldiko autolikidazioa egitean sartu beharko ditu kenkaria gehitzeagatik ondorioztatzen den kuota gehi dagozkion berandutze interesak.

2.¹⁶ Zergaren foru arauak 66. artikuluen 1. apartatuko hirugarren paragrafoan xedatutakoaren ondorioetarako, ulertuko da kontratatutako pertsona lan merkatuan sartzeko zailtasun bereziak dituzten kolektiboetako delat baldin eta, kontratazioaren unean, talde hauetako baten barruan sartuta badago:

a) Kontratazioaren unean 30 urte baino gutxiago edo 45 urte baino gehiago dituzten langileak.

b) 100eko 33ko edo hortik gorako desgaitasun maila aitortua duten pertsonak.

¹⁵ Apartatu hau abenduaren 27ko 31/2018 FORU DEKRETUAREN 2. artikuluen lau apartatuak aldatu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen eta ondare elementuen eskualdaketan lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarrilaren 1etik aurrera hasten diren zergaldietan ditu ondorioak.

¹⁶ Apartatu hau azaroaren 22ko 18/2022 Foru Dekretuaren 2. artikulua gehitu du. Aipatutako foru dekretuak pertsona fisikoen errentaren gaineko zergaren erregelamendua, sozietateen gaineko zergaren erregelamendua eta zerga berrikuspenaren erregelamendua aldatzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2022-11-28ko GAO) eta aldaketak 2023ko urtarrilaren 1etik aurrera hasten diren zergaldietan ditu ondorioak.

c) Iraupen luzeko langabeak. Ondorio horietarako, iraupen luzeko langabeak izango dira Lanbide-Euskal Enplegu Zerbitzuan edo beste enplegu zerbitzu publiko batzuetan enplegu eskatzaile gisa izena emanda daudenak, baldin eta kontratazioa egin aurreko azken 540 egunetatik gutxienez 360 egunetan langabetuta egon badira. Langabetasuna frogatzeko, lan bizitzaren agiria aurkeztu beharko da.

d) Guraso bakarreko familietako aita edo ama, baldin eta kontratatutako pertsona, kontratazioaren aurreko hiru hilabeteetan gutxienez, langabezian egon bada eta Lanbide-Euskal Enplegu Zerbitzuan edo beste enplegu zerbitzu publiko batzuetan enplegu eskatzaile gisa inskribatuta agertu bada. Ondorio horietarako, egoera horretan egongo da ordainpeko jarduerarik egiten ez duen ondorengo ahaide bat edo gehiago bere kargura dituen pertsona. Langabetasuna frogatzeko, lan bizitzaren agiria aurkeztu beharko da.

e) Genero indarkeriaren biktima izan diren emakumeak. Egoera horretan egongo dira ezkontidearengatik edo antzeko afektibitate harreman baten bitartez haiekin lotura egonkorra duen edo izan duen pertsonarengandik indarkeria fisiko edo psikikoa jasan duten emakumeak edo haien seme-alabak, beharrezkoa izanik, horrelakoetan, egoera hori frogatzea Genero Indarkeriaren aurka oso-osoko babesa emateko neurriei buruzko abenduaren 28ko 1/2004 Lege Organikoan xedatutako eran edo, bestela, Gipuzkoako Foru Aldundiak genero indarkeriaren biktima diren emakumeak gizarteratu eta haiei laguntzeko duen Zerbitzuak esku hartu duela frogatzen duen dokumentua aurkeztuta.

f) Azaroaren 11ko 182/2008 Dekretuan arautzen diren laneratze enpresetan gizarteratzeko eta laneratze prozesua amaitu duten pertsonak, betiere kontratazioa prozesu hori amaitu eta hurrengo hamabi hilabeteetan egiten bada.

g) Laguntza hauen onuradunak: Gizarteratzeko eta Diru-sarrerak Bermatzeko abenduaren 23ko 18/2008 Legean ezarritakoak, Gizarte Larrialdietarako Laguntzak arautzen dituen urtarrilaren 18ko 4/2011 Dekretuak Gizarte Bazterkeriaren aurkako maiatzaren 22ko 12/1998 Legea garatuz aurreikusten dituenak, Bizitzeko gutxieneko diru-sarrera ezartzen duen abenduaren 20ko 19/2021 Legean jasotakoak, eta lurralde administrazio publikoek antzeko helburu batekin ematen dituzten bestelako laguntza publikoak.

h) Toxikomano izandakoak. Ondorio horietarako, halakotzat joko dira talde terapeutikoaren iritziz desintoxikazio eta desohitze faseak behin gaindituta eta etengabeko tratamenduan 6 hilabete baino gehiago emandakoan, lanaren bidez gizarteratzeko programa batean sartzeko moduan dauden pertsonak.

i) Espetxeetan dauden pertsonak, lan kontraturik ez dutenean eta espetxe erregimenak lanpostu bat lortzeko aukera ematen dienean, bai eta preso ohiak ere, betiere kontratazioa espetxetik atera ondorengo 12 hilabeteetan egiten bada.

j) Atzerrian bizi diren langileak (lanean ari direnak zein langabeak), lan egiteko Euskadira itzultzeko asmoa eduki eta Lanbide-Euskal Enplegu Zerbitzuan itzultzeko borondatea duten emigrante gisa izena emanda daudenean.

3.¹⁷ Zergaren foru arauaren 66. artikulua 2. apartatuko bigarren paragrafoan jasotakoaren ondorioetarako, kontuan hartuko da kontratazioak egin aurreko zergaldiko egun guztietan dauden langileen kopurua.

¹⁷ Apartatu honen numerazioa azaroaren 22ko 18/2022 Foru Dekretuaren 2. artikulua aldatu du, 2. apartatua 3. apartatua bihurtzen da. Aipatutako foru dekretuak pertsona fisikoaren errentaren gaineko zergaren erregelamendua, sozietateen gaineko zergaren erregelamendua eta zerga berrikuspenaren erregelamendua aldatzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2022-11-28ko GAO) eta aldaketak 2023ko urtarrilaren 1etik aurrera hasten diren zergaldietan ditu ondorioak.

4.¹⁸ Zergaren foru arauak 66. artikuluan 2. apartatuko azken paragrafoan ezarritako baldintza ez da betegabetzat joko, baldin eta soldata murrizketa gertatzen bada langileak lanaldia murrizteko eskubidea baliatu duelako, soldata proportzionalki murriztuta, Langileen Estatutuaren Legearen testu bateginak, urriaren 23ko 2/2015 Legegintzako Errege Dekretuaren bidez onartuak, 37. artikuluko 4tik 8ra bitarteko apartatueta aitortzen dion moduan.

37 bis artikulua.¹⁹ Ikus-entzunezko lanak produzitzeko inbertsio eta gastuen kenkaria. Kultur ziurtagiria eta filmotekako gordailua.

1. Ikus-entzunezko lanaren kultur izaeraren frogagiria Gipuzkoako Foru Aldundian edo Eusko Jaurlaritzan kultura arloko eskumena duen departamentuari eskatu ahal izango zaio bereziki, baina baita horiei atxikitako erakunde edo entitateen bati ere.

Kultur ziurtagiria lortzeko, zergadunak justifikatu behar du eskaeraren xede den lanak kultura sustatzen eta Europako ondarea kontserbatzen laguntzen duela. Ziurtagiria emateko, aintzat hartu ahal izango dira, besteak beste, obraren hizkuntza edo hura girotzeko tokia, haren garrantzi historiko edo kulturala, eta aniztasun kulturalari, sozialari, erlijiosoari, etnikoari, filosofikoari edo antropologikoari egiten dion ekarpena.

Kultur ziurtagiria ikus-entzunezko lanaren ekoizpena amaitu ondoren edo ekoizpenaren edozein fasetan eskatu ahal izango da; hala ere, azken kasu horretan, zergaren foru arauaren 66 ter artikuluan aipatzen diren zergadunek ikus-entzunezko obren finantzaketan parte hartzeagatik arautzen den kenkaria aplikatu ahal izatea izan behar du xede eskaerak.

Nolanahi dela ere, ziurtagiri hori ikus-entzunezko lanaren ekoizpena amaitzen den zergaldiari dagokion autolikidazioarekin batera aurkeztu beharko zaio Zerga Administrazioari.

Apartatu honetan aipatutako ziurtagiria loteslea izango da Zerga Administrazioarentzat ikus-entzunezko lanaren kultur izaerari dagokionez. Dena den, Zerga Administrazioari dagokio egiaztatzea inbertsioak eta gastuak benetan egin direla eta gauzatutako jarduerak ongi egokitzen direla emandako ziurtagirian jasotakoetara.

2. Ikus-entzunezko lanak bildu, katalogatu, kontserbatu, zaharberritu edo jendearen eskura jartzeko eskumena duten erakunde edo organismoetan edo

¹⁸ Apartatu hau abenduaren 27ko 31/2018 FORU DEKRETUAREN 2. artikuluan lau apartatuak gehitu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen eta ondare elementuen eskualdaketan lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarrilaren 1etik aurrera hasten diren zergaldietan ditu ondorioak.

Apartatu honen numerazioa azaroaren 22ko 18/2022 Foru Dekretuaren 2. artikulua aldatu du, 3. apartatua 4. apartatua bihurtzen da. Aipatutako foru dekretuak pertsona fisikoen errentaren gaineko zergaren erregelamendua, sozietateen gaineko zergaren erregelamendua eta zerga berrikuspenaren erregelamendua aldatzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2022-11-28ko GAO) eta aldaketak 2023ko urtarrilaren 1etik aurrera hasten diren zergaldietan ditu ondorioak.

¹⁹ Artikulu hau abenduaren 3ko 56/2024 Foru Dekretuaren artikulua bakarreko bat apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

Euskadiko Filmategian kopia berri bat gordailutu izanaren justifikazioa ikus-entzunezko lanaren ekoizpena amaitzen den zergaldiari dagokion autolikidazioarekin batera aurkeztu beharko zaio Zerga Administrazioari, betekizun hori aplikagarria den kasuetan.

37 ter artikulua.²⁰ Ikus-entzunezko lanak ekoizteko inbertsio eta gastuen kenkaria. Kreditu tituluen eta material grafikoaren inguruko beharkizunak.

Ikus-entzunezko lanen produkzioetan egindako inbertsio eta gastuen kenkaria aplikatzeko, baldintza hauek bete beharko dira:

a) Eskubideen titularrek baimena ematea Gipuzkoako Foru Aldundiari obraren titulua erabiltzeko eta, estreinaldi komertzialetik bi hilabete igaro ondoren, filmaketaren edo Euskal Autonomia Erkidegoko lurralde historikoetan egindako beste edozein ekoizpen prozesuren material grafiko eta ikus-entzunezkoa eskuratzeko, kultura, turismo edo ekonomia gaietan eskumenak dituzten sektore publikoko entitateek lurraldea sustatzeko jarduerak egin eta materialak presta ditzaten soil-soilik.

b) Ikus-entzunezko obran hau agertzea:

—Hasierako kreditu tituluetan, Gipuzkoako Foru Aldundiaren logotipoa.

—Amaierako kreditu tituluetan, aipamen hau: «La producción se ha acogido a los incentivos fiscales previstos en la Norma Foral del Impuesto sobre Sociedades del Territorio Histórico de Gipuzkoa / Ekoizpen hau Gipuzkoako Lurralde Historikoko Sozietateen gaineko Zergaren Foru Arauan aurreikusten diren zerga-pizgarrien babesarekin egin da / This production has benefited from the tax incentives included in the Corporate Tax Law of Gipuzkoa.

37 quater artikulua.²¹ Ikus-entzunezko lanak produzitzeko inbertsio eta gastuen kenkaria. Obra zailak.

Obra zailaren kalifikazioa zergaren foru arauaren 66 bis.Bat artikuluko 5. zenbakiaren i) letran ezarritakoaren arabera lortzeko, eskaera bat aurkeztu beharko zaio Zerga Administrazioari, Gipuzkoako Foru Aldundiaren egoitza elektronikoaren bidez. Aurkezpen hori zergadunak kenkarirako eskubidea frogatzen duen lehen zergaldia amaitu aurretik egin beharko da.

Eskaera izapidetzeko, erregelamendu honen 44. artikuluan ezarritako prozedura orokorrari jarraituko zaio, kasuan kasu aplikagarri zaizkion berezitasunak kontuan hartuta.

Hala ere, eskaera aurkeztea ez da beharrezkoa izango baldin eta Zerga Administrazioak, interpretazio irizpideen bidez edo zerga kontsulta idatziak direla medio, berariazko jarraibideak argitaratu baditu haiekin zehazteko zergaren foru

²⁰ Artikulu hau abenduaren 3ko 56/2024 Foru Dekretuaren artikuluko bakarreko bi apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

²¹ Artikulu hau abenduaren 3ko 56/2024 Foru Dekretuaren artikuluko bakarreko hiru apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

arauaren 66 bis. Bat artikuluko kenkaria aplikatu behar zaion obrak obra zailaren kalifikazioa duela.

37 quinquies artikulua.²² Arte eszeniko eta musikalen zuzeneko ikuskitzenengatik aplikatu beharreko kenkaria. Kultur ziurtagiria eta ikuskitzuna gauzatzekoa.

1. Zergaren foru arauaren 66 bis. Bi artikuluko 2. zenbakian arte eszeniko eta musikalen zuzeneko ikuskitzenengatik arautzen den kenkaria aplikatzeko behar den ziurtagiriak zirkunstantzia hauek frogatu beharko ditu:

- a) Ekoizpenak kultur izaera duela.
 - b) Arte eszeniko eta musikalen zuzeneko ikuskitzuna benetan gauzatu dela.
2. Aurreko apartatuan aipatutako ziurtagiria Gipuzkoako Foru Aldundian edo Eusko Jaurlaritzan kultura arloko eskumena duen departamentuari eskatu ahal izango zaio bereziki, baina baita horiei atxikitako erakunde edo entitatearen bati ere.
3. Ziurtagiriaren eskaerak datu hauek jaso beharko ditu gutxienez:
- a) Ekoizpenaren, jaialdiaren edo espazio eszenikoaren izenburua.
 - b) Egindako funtzio kopurua, guztira.
 - c) Lehen eta azken emanaldiaren datak.
 - d) Erlazionatutako ikuskitzun, jaialdi edo espazio eszenikoko programazio bakoitzerako, jarraian aipatzen den dokumentazioa erantsiko da (ziurtagiria eskatzen duen zergadunak ekitaldiaren antolatzaile gisa agertu behar du esplizituki bertan):

—Emanaldirako formalizatu den legezko titulua, esate baterako, hitzarmenak, kontratuak edo egile eskubideak ordaindu izanaren frogagiria.

—Promoziorako dokumentuak, hala nola iragarkiak, prentsako iragarkiak, eskuko programak, kartelak eta buletinak, besteak beste.

e) Kenkaria aplikatu nahi zaion ikuskitzunak kultura sustatzen eta Europako ondarea kontserbatzen laguntzeari buruzko justifikazioa. Ondorio horietarako, kontuan hartu ahal izango dira, besteak beste, ikuskitzunaren hizkuntza edo hura girotzeko tokia, haren garrantzi historiko edo kulturala, eta aniztasun kulturalari, sozialari, erlijiosoari, etnikoari, filosofikoari edo antropologikoari egiten dion ekarpena.

4. Ziurtagiria eskatu ahal izango da zuzeneko ikuskitzunaren ekoizpena eta erakustaldia amaitu ondoren, edo erakustaldia amaitu aurretik, baina, kasu horretan, ikuskitzunaren izaera kulturala baino ez da ziurtatuko bertan, eta zergaren foru arauaren 66 ter artikuluan aipatzen diren zergadunek arte eszeniko eta musikalen zuzeneko ikuskitzunen finantzaketan parte hartzeagatik araututako kenkaria aplikatu ahal izateko baino ez da emango. Ondorio horietarako, ziurtagiriaren eskaeran bakar-bakarrik justifikatu beharko da ikuskitzunak kultura sustatzen eta Europako ondarea kontserbatzen laguntzen duela.

²² Artikulu hau abenduaren 3ko 56/2024 Foru Dekretuaren artikuluko bakarreko lau apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

Zuzeneko ikuskizunaren erakustaldia amaitu ondoren, zergadunak beste eskaera bat aurkeztu beharko du, kasu kasu, aurreko 1. apartatuan xedatutako betekizunekin amaitzeko. Ziurtagiriaren eskaerak aurreko 3. apartatuan aipatu diren gainerako datu eta agiriak jaso beharko ditu ikuskizuna benetan gauzatu dela frogatzeko.

5. Aurreko 4. apartatuan xedatutakoa eragotzi gabe, ziurtagiria eskatu ahal izango da zergaldian gertatutakoari soilik erreparatuta, eta zergaldi bakoitzaren barruan –banaka hartuta– gauzatutako ikuskizunaren lehen eta azken saioak hartuko dira erreferentziatzat, zergaldi horietan ikuskizuna luzatzen bada.

6. Aurreko 1. apartatuan aipatzen den ziurtagiria zuzeneko ikuskizunaren erakustaldia amaitzen den zergaldiari dagokion autolikidazioarekin batera aurkeztu beharko zaio Zerga Administrazioari.

Aurrekoa gorabehera, zuzeneko ikuskizunaren erakustaldiak irauten duen bitartean, aurreko 5. apartatuan aipatzen den ziurtagiria bertan ziurtatzen den zergaldiari dagokion autolikidazioarekin batera aurkeztu beharko zaio Zerga Administrazioari.

7. Estatuko edo autonomia erkidegoetako organismo eskudunek edo Europar Batasuneko edo Europako Esparru Ekonomikoko estatu kide batean kokatutako organismo baliokideek emandako ziurtagiriak ere baliadunak izango dira kenkaria aplikatzeko, betiere aurreko 1. apartatuan aipatutako inguruabarrak frogatzen badituzte.

Ziurtagirian ikuskizuna benetan egin izana bakarrik jasotzen bada edo hura kultur arlokoa dela besterik ez badu esaten, kasu bakoitzean beharrezkoa den ziurtagiria ere eskatu beharko da, bi alderdiak frogatuta gera daitezten.

8. Ziurtagiria loteslea izango da Zerga Administrazioarentzat, ikuskizunaren izaera kulturalari eta hura benetan gauzatu izanari dagokienez. Dena den, Zerga Administrazioari dagokio egiaztatzea inbertsioak eta gastuak benetan egin direla eta gauzatutako jarduerak ongi egokitzen direla emandako ziurtagirian jasotakoetara.

37 sexies artikulua.²³ Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Beharkizunak.

1. Zergaren foru arauaren 66 ter artikulua bigarren paragrafoan aipatzen diren itzuli beharrik gabeko ekarpenek honako baldintza hauek bete beharko dituzte:

a) Ikus-entzunezko lanen produkzio kostua eta zuzeneko ikuskizunen ekoizpen eta erakusketa kostu zuzenak finantzatzeko zenbatekoak gastuak eta inbertsioak egin aurretik edo ondoren eman ahal izango dira, baina inoiz ez produkzio-etxeak ikus-entzunezko obraren ekoizpena edo zuzeneko ikuskizunaren ekoizpena eta erakustaldia amaitzen duen zergaldia amaitu ondoren.

²³ Artikulu hau abenduaren 3ko 56/2024 Foru Dekretuaren artikulua bakarreko bost apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

Emandako zenbatekoak produkzio-etxeak ekarpena jasotzen duen zergaldian edo, hala badagokio, aurreko lehen zergaldian egindako gastuak ordaintzeko erabili beharko dira.

b) Ikus-entzunezko lanen kasuan, kopiak, publizitatea eta sustapena lortzeko gastuak finantzatzeko zenbatekoak produkzio-etxeak gastu horiek egin aurretik edo ondoren eman ahal izango dira, baina inoiz ez produkzio-etxeak gastu horiek egiten dituen zergaldia amaitu ondoren.

2. Ekarpen horiek finantzaketa kontratu batean jaso beharko dira, eta kontratu horretan datu hauek adierazi beharko dira:

a) Ikus-entzunezko lanaren edo arte eszeniko eta musikalen zuzeneko ikuskizunaren produkzioan eta finantzaketan parte hartzen duten zergadunen identitatea.

b) Ikus-entzunezko lanaren edo arte eszeniko eta musikalen zuzeneko ikuskizunaren deskribapena.

c) Ikus-entzunezko lana edo arte eszeniko eta musikalen zuzeneko ikuskizuna ekoizteko aurrekontua, gastuak zehatz deskribatuz, eta, ikus-entzunezko lanen kasuan, Euskal Autonomia Erkidegoko lurralde historikoetan egingo diren gastuak, denbora egozpena ere adieraziz.

Honako hauek ere sartuko dira:

a') Ikus-entzunezko lanen kasuan, produktorearen konturako kopiak lortzeko eta publizitatea eta sustapena egiteko gastuen aurrekontua eta denbora egozpena, Euskal Autonomia Erkidegoko lurralde historikoetan egingo direnen deskribapen xehatuarekin.

b') Zuzeneko ikuskizunen kasuan, emanaldi gastuen aurrekontua eta denbora egozpena.

d) Finantzatzeko modua, honako hauek bereizita: zer kantitate jartzen dituen ikus-entzunezko obra edo arte eszeniko eta musikalen zuzeneko ikuskizuna produzitzen duen zergadunak, zer kantitate jartzen dituen finantzaketan parte hartzen duen zergadunak, eta zein zenbateko dagozkien finantza entitateen kredituei, dirulaguntzei eta bestelako laguntza neurriei.

e) Finantzaketan parte hartzen duen zergadunak egiazta dezakeen kenkariaren kuantifikazioa, betiere ordaindutako gastuak eta haiek egiteko zergaldia zehaztuta. Zenbateko horrek beti errespetatu beharko du zergaren foru arauaren 66 ter artikulua 5. apartatuko bigarren paragrafoan ezarritako 1,20ko muga.

Finantzaketa kontratuak ekoizpen bat baino gehiago hartzen baditu, aurreko letren edukia ekoizpen bakoitzerako bereizita emango da.

3. Zergaren foru arauaren 66 ter artikuluko 8. apartatuan aipatzen den komunikazioa finantzaketan parte hartzen duen zergadunak aurkeztu beharko du Gipuzkoako Foru Aldundiaren egoitza elektronikoaren bidez, eta, horretarako, baita finantzaketa kontratua erantsi ere.

Era berean, ikus-entzunezko lanaren edo zuzeneko ikuskizunaren kultur izaera frogatzen duen ziurtagiriaren kopia aurkeztu beharko du, hain zuzen ere erregelamendu honen 37 bis eta 37 quinquies artikuluetako 1. apartatuetan aipatutakoarena hurrenez hurren, eta, oraindik eman ez bada, hura eskatu izanaren dokumentazioa.

37 septies artikulua.²⁴ Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Mugak.

1. Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzen duten zergadunek ezingo dute egiaztatu 66 bis artikuluko bat eta bi apartatueta aipatutako zergadunek egiaztatuko zutena baino kenkari handiagorik.

2. Zergaren foru arauaren 66 ter artikuluko 5. apartatuko bigarren paragrafoan ezarritako 1,20ko muga zergaldi bakoitzean aplikatuko da, baina, baita ere, modu globalean, ikus-entzunezko lana produzitzen den edo arte eszeniko eta musikalen zuzeneko ikuskizunen produkzioak eta erakustaldiak irauten duten zergaldi guztietarako.

66 bis artikuluko bat eta bi apartatueta zergadunek ez badute aplikatzen aurreko mugatik ondorioztatzen den soberakina, 66 ter artikuluko zergadunek aplikatu ahal izango dute, hurrengo zergaldian, soberakin hori, betiere behar besteko diru ekarpena egiten badute.

37 octies artikulua.²⁵ Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Erregularizazioa.

Finantzaketa kontratuaren bi alderdiek zergaren foru arauaren 66 bis artikuluko bat eta bi apartatueta eta 66 ter artikuluan xedatutako kenkariak aplikatu badituzte, kasu kasu, zergaren foru arauaren 66 bis. Bat artikuluko 2. zenbakiaren azken paragrafoan ezarritakoagatik edo bestelako arrazoiengatik egitekoa litzatekeen erregularizazioa 66 bis artikuluko bat eta bi apartatueta zergadunek aplikatutako kenkarien gainean egingo da lehen-lehenik, eta kenkari horiek ez badira nahikoa bidegabe kendutako zenbateko guztiak estaltzeko, erregularizazioak 66 ter artikuluko zergadunek zenbateko horretaraino egin duten kenkariari eragingo dio.

37 nonies artikulua.²⁶ Ikus-entzunezko lanen eta arte eszeniko eta musikalen zuzeneko ikuskizunen finantzaketan parte hartzea. Datuak zabaltzea.

Datuak zergaren foru arauaren 66 bis. Bat artikuluko 7. zenbakian aurreikusitako eran zabaltzeari begira, Gipuzkoako Foru Aldundiak ikus-entzunezko lanaren ekoizlea edo ekoizle exekutiboa identifikatuko du pizgarriaren onuradun gisa, eta ez lanaren finantzaketan parte hartzen duen zergaduna.

²⁴ Artikulu hau abenduaren 3ko 56/2024 Foru Dekretuaren artikuluko bakarreko sei apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

²⁵ Artikulu hau abenduaren 3ko 56/2024 Foru Dekretuaren artikuluko bakarreko zazpi apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

²⁶ Artikulu hau abenduaren 3ko 56/2024 Foru Dekretuaren artikuluko bakarreko zortzi apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

37 decies artikulua.²⁷ Kultura sustatzeko pizgarriak egiaztatzen dituzten zergadunen informazio betebeharrak.

Zergaren foru arauaren 66 bis artikuluko lehen eta bigarren apartatueta aurreikusitako kenkariak egiaztatzen dituzten zergadunek gutxienez honako informazio hau eman beharko dute zergaren autolikidazioa aurkeztean:

- a) Zergaldian egin diren ikus-entzunezko lanen eta arte eszeniko eta musikalen zuzeneko ikuskizunen identifikazioa, pizgarriko eskubidea dutenean.
- b) Hala badagokio, obra edo ikuskizun bakoitzean parte hartu duten gainerako pertsona edo entitate ekoizle edo sustatzaileen identifikazioa, eta haien partaidetza.
- c) Obra edo ikuskizun bakoitzeko jasotako laguntza edo dirulaguntza publikoen zerrenda.
- d) Hirugarren batzuek obraren edo ikuskizunaren finantzaketan parte hartzen badute foru arauaren 66 ter artikuluan aurreikusitakoarekin bat, haien identifikazioa.

Ogasun eta Finantza Departamentuko foru diputatuak zehaztuko du, zergaren autolikidazioari dagokion eredia onesteko foru aginduaren bidez, eman beharreko informazio osoa.

IV. TITULUA ZERGA ARAUBIDE BEREZIAK

I.KAPITULUA.²⁸ Itsas garraioko enpresen araubidea.

38. artikulua. Aplikazio eremua eta jakinarazpenaren edukia itsas garraioko enpresen araubidean.

- 1. Zergaren foru arauaren 72. artikuluan xedatutakoaren arabera, entitate batek araubide hau hautatzen duela ezagutarazteko jakinarazpena bidaltzen duenean, araubide horretan ustiatzen dituen itsasontzi guztiak sartu behar ditu jakinarazpenean, bai propioak bai pleitatuak, bai eta geroago eskuratzen edo pleitatzen dituenak ere.
- 2. Zerga baterakuntzaren araubide berezian tributatzen duten entitateen kasuan, komunikazioa talde fiskala ordezkatzeko duen entitateak bidali behar du, eta talde fiskala osatzen duten entitateen itsasontzi guztiak hartu behar ditu barne, aurreko paragrafoan azaldutako terminoetan.
- 3. Jakinarazpena egiten duen entitateak denbora baterako eta bidaia jakinerako pleitamenduan hartutako itsasontziak ere sartu ahal izango dira araubidean,

²⁷ Artikulu hau abenduaren 3ko 56/2024 Foru Dekretuaren artikuluko bakarreko bederatzi apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

²⁸ I. kapitulu hau abenduaren 17ko 1/2024 Foru Dekretu-Arauek, 2024. urterako zenbait zerga neurri onesten dituenak, 6. artikuluko bigarren ordinaletako bat apartatuak gehitu du. Gipuzkoako Aldizkari Ofizialean argitaratzen den egun berean jarriko da indarrean (2024/12/19ko GAO), eta 2024ko urtarrilaren 1etik aurrera hasitako zergaldietan izango ditu ondorioak.

zergari buruzko foru-arauaren 70. artikuluan aurreikusitako baldintzetan, eta kanpoan geratuko dira artikulua horretan aurreikusitako mugak gainditzen dituzten ontziak.

4. Komunikazioarekin batera agiri hauek aurkeztu beharko dira:

a) Araubidea aplikatzeko arrazoi diren entitateek egiten dituzten jardueren identifikazioa eta deskripzioa. .

b) Honako hau frogatzeko dokumentazioa: itsasontzi bakoitza zer titulu dela medio erabiltzen den edo erabiliko den, zein lurralde eremutan egingo den haien kudeaketa estrategikoa eta komertziala, eta, azkenik, zein bandera daramaten. Horrez gain, itsasontziak zergaren foru arauaren 70. artikuluan ageri diren jardueri atxikita daudela frogatu beharra dago.

39. artikulua. Komunikazioa egiteko epeak, aplikazioa luzatzea, aplikazioari uko egitea eta ukoak edo ez-betetzeak dakarren zehapena..

1. Ondorioak sortu behar dituen zergaldia amaitu eta hurrengo bi hilabeteen barruan bidali behar dio komunikazioa zergadunak Zerga Administrazioari, eta 10 urterako izango du balioa.

2. Lehen komunikazioaren indarraldia amaitutakoan, zergadunak araubidearen aplikazioa luzatzeko komunikazioak bidali ditzake, eta beste 10 urtez luzatzeko eskatu. Ondorioak izan behar dituen zergaldia amaitu eta hurrengo bi hilabeteen barruan bidali beharko da luzapenaren komunikazioa.

3. Baldin eta komunikazioa bidali ondoren, hots, araubidea aplikatzen ari dela, zergadunak araubidearen beharkizunak betetzen dituzten beste itsasontzi batzuk eskuratu, alokatu edo pleitamenduan hartzen baditu, beste komunikazio bat aurkeztu beharko du itsasontzi horiei buruz, artikulua honetan xedatutakoari jarraituz. Araubidea aplikatzeko aurrenik bidalitako komunikazioari zer indarraldi geratzen zaion eta horrek markatuko du komunikazio berriaren indarraldia.

4. Zergadunak ez badu aplikatzen araubidea gutxienez 10 urtean, araubide horretan tributatzeari uko egiten diola joko da. Zergadunak ukoak ondorioak sortu behar dituen zergaldia amaitu eta hurrengo bi hilabeteen barruan komunikatu behar dio Zerga Administrazioari araubideari uko egiten diola, eta horrek berekin ekarriko du ezingo dela beste komunikazio bat egin araubidea aplikatu den urtea amaitu eta hurrengo 5 urteetan.

5. Zergadunak ez baditu betetzen zergaren foru arauaren 70. eta 72. artikuluetan araututako araubidearen beharkizunak, araubidea aplikatzeko eskubidea galduko du, eta, gainera, haren obligazioa izango da, ez-betetzea gertatzen den ekitaldian, zergaldi horretako kuotarekin batera ordaintzea araubide hau aplikatu duen ekitaldi guztietan araubide orokorraren arabera ordaindu beharko zituen kuota guztiak, betiere bidezkoak diren berandutze interesak, errekarquak eta zehapenak galarazi gabe. Orobat, zergadunak ezingo du bidali araubide honen aplikazioa hautatzeko beste komunikaziorik, ez-betetzea gertatu den zergaldia hasi eta hurrengo bost urteetan.

Apartatu honetan ezarritakoa ez da aplikatuko ez-betetzea gertatzen bada zergadunari leporatu ezin zaizkion zirkunstantzia bereziengatik edo ezinbesteko arrazoiengatik.

39 bis artikulua. Itsas garraioko enpresen informazio betebeharrak.

Itsas garraioko enpresen araubide berezia aplikatzen duten zergadunek, informazio hau eman beharko dute urtero, itsasontzi bakoitzari buruz, sozietateen gaineko zergaren autolikidazioarekin batera:

- a) Itsasontziaren identifikazioa.
- b) Daraman bandera zein herrialderena den.
- c) Erregistro garbiko tona kopurua.
- d) Operatibo egon den egun kopurua.
- e) Gipuzkoako Lurralde Historikoko Sozietateen gaineko Zergari buruzko urtarilaren 17ko 2/2014 Foru Arauaren 70.3 artikuluan aurreikusten den beharkizuna betetzeari buruzko frogagiria (itsasontziaren barruan segurtasunari, fidagarritasunari, ingurumen prestazioei eta lan baldintzei buruz nazioartean zein Europar Batasunean ezarrita dauden arauak betetzeko obligazioa).

II. KAPITULUA.²⁹ Beste zerga araubide berezi batzuk.

40. artikulua. Espainiako zein Europako ekonomia intereseko taldeen eta aldi baterako enpresa elkarteen betebeharrak.

1.³⁰ Zergaren foru arauaren VI. tituluko III. kapituluan ezarritako araubide berezia aplikagarri duten Espainiako eta Europako ekonomia intereseko taldeek, zergaren autolikidazioarekin batera, zerrenda bat aurkeztu behar dute; bertan agertuko dira zergaldiko azken egunean taldeko bazkide diren Espainiako egoiliarak edo bazkide izateari dagozkion eskubideak dituzten pertsona edo entitateak. Zerrenda horretan datu hauek agertu behar dira:

a) Bazkideen edo bazkide izateari dagozkion eskubideak dituzten pertsona edo entitateen identifikazioa, helbide fiskala eta partaidetza portzentajea.

Zentzu horretan, bazkideak bereizita identifikatu beharko dituzte, baldin eta, kontabilitate irizpideen arabera, haien ekarpenak ezaugarri bereziko ondare tresna gisa kalifikatu behar badira.

b)³¹ Kontzeptu hauengatik egotzi beharreko kopuruen zenbateko osoa:

1. Kontabilitate emaitza.
2. Zergaren foru arauaren 25 bis artikuluari jarraituz, Interes Ekonomikoko Taldeak zergaldian kendu ez dituen finantza gastu garbiak.
3. Zerga oinarria.
4. Zergapetze bikoitza saihesteko kenkariaren oinarria, zer motatako entitatetik datozen errentak, eta haren gaineko partaidetza portzentajea.

²⁹ II. kapitulu hau abenduaren 17ko 1/2024 Foru Dekretu-Arauak, 2024. urterako zenbait zerga neurri onesten dituenak, 6. artikuluko bigarren ordinaletan bi apartatuak gehitu du. (40. artikulutik 43.era arteko egungo edukia kapitulu berrian sartu da). Gipuzkoako Aldizkari Ofizialean argitaratzen den egun berean jarriko da indarrean (2024/12/19ko GAO), eta 2024ko urtarilaren 1etik aurrera hasitako zergaldietan izango ditu ondorioak.

³⁰ Apartatu hau, ekainaren 27ko 14/2017 Foru Dekretuaren artikulua bakarraren bi apartatuak aldatu du. Aipatu foru dekretuak, Sozietateen gaineko Zergaren Erregelamendua eta, aurretiazko tributazio proposamen bereziei dagokienez, 2006ko abenduaren 5eko 49/2006 Foru Dekretua aldatzen ditu. Foru Dekretua Gipuzkoako Aldizkari Ofizialean argitaratu eta biharamunean jarri da indarrean (2017-06-29ko GAO).. Aldaketa, ordea, 2017ko urtarilaren 1etik aurrera hasitako zergaldietan aplikatuko da.

³¹ Letra hau abenduaren 27ko 31/2018 FORU DEKRETUAREN 2. artikulua bost apartatuak aldatu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamendua aldatzen dituen eta ondare elementuen eskualdaketan lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarilaren 1etik aurrera hasten diren zergaldietan ditu ondorioak.

5. Zergaren foru arauaren V. tituluko III. kapituluaren ezarritako kenkarien oinarria eta interes ekonomiko taldeak aplikagarri duen beste edozeinena, honako hau izan ezik: zergaren foru arauaren 62tik 64ra arteko artikuluetan interes ekonomikoko taldeko bazkideentzat aurreikusitako kenkariena, baldin eta, kontabilitate irizpideak aplikatuta, bazkide horiek ekonomia intereseko taldeei egindako ekarpenak ezaugarri bereziko ondare tresna gisa kalifikatu behar badira.

6. Interes ekonomikoko taldeari dagozkion atxikipenak eta konturako sarrerak.

c) Kontabilitate irizpideei jarraituz ezaugarri bereziko ondare tresnatzat hartu behar diren ekarpenak egiten dituzten ekonomia intereseko taldeetako bazkideek taldearen kapitalera eramandako ekarpenak.

d) Erreserben kargura banatutako dibidenduak eta mozkinetako partaidetzak. Sozietateari araubide berezi hau aplikatu ezin izan zaion ekitaldietakoak bereizi behar dira.

2. ³² Ekonomia intereseko taldeek euren bazkideei edo bazkide izateari dagozkion eskubideak dituzten pertsona edo entitateei jakinarazi beharko diete zer zenbateko oso egotziko diren eta bakoitzari aurreko apartatuko b) letran ezarritako kontzeptuak direla-eta zer zenbateko egotziko zaion ere bai, baldin eta zenbateko horiek egozgarriak badira zerga honen edo pertsona fisikoen errentaren gaineko zergaren arabera.

Era berean, kapitalari egindako ekarpenen zenbatekoaren berri eman beharko diete bazkideei haien ekarpenak kontabilitate irizpideen arabera ezaugarri bereziak dituzten ondare tresnatzat jo behar badira.

3. Dibidenduek eta mozkinetako partaidetzek ez tributatzeko, zergaren foru arauaren 73. artikuluko 3. apartatuko lehenengo paragrafoan ezarritakoarekin bat, taldeek jarraian adieraziko den informazioa eman behar dute urteko kontuen memorian:

a) Araubide orokorrean tributatu zuten zergaldietako erreserbei aplikatutako mozkinak.

b) Araubide berezian tributatu zuten zergaldietako erreserbei aplikatutako mozkinak. Bereizi egin behar dituzte, alde batetik, egoitza Espainiako lurraldeko egoiliar diren bazkideei zegozkienak, eta, bestetik, Espainiako lurraldean egoiliar ez diren bazkideei zegozkienak.

c) Dibidenduak eta mozkinetako partaidetzak erreserben kargura banatu badira, zein erreserba aplikatu den zehaztu behar dute, hau da, aurreko a) eta b) letratan aipatutako hiruretatik zein aplikatu den mozkin motaren arabera.

4. Aurreko apartatuan adierazten diren urteko memoriako aipamenak berdin-berdin egin behar dira, apartatu horretako b) letran aipatutako erreserbak dauden bitartean, nahiz eta entitateak araubide berezian tributatu ez.

5. Artikulu honetako 3. eta 4. apartatueta ezarritako informazio betebeharrak berdin galdutako zaizkie 3. apartatuko b) letran aipatutako erreserben titulartasuna duten ondorengo erakundeei ere.

³² Apartatu hau, ekainaren 27ko 14/2017 Foru Dekretuaren artikuluko bakarraren bi apartatuak aldatu du. Aipatu foru dekretuak, Sozietateen gaineko Zergaren Erregelamendua eta, aurretiazko tributazio proposamen bereziei dagokienez, 2006ko abenduaren 5eko 49/2006 Foru Dekretua aldatzen ditu. Foru Dekretua Gipuzkoako Aldizkari Ofizialean argitaratu eta biharamunean jarri da indarrean (2017-06-29ko GAO).. Aldaketa, ordea, 2017ko urtarrilaren 1etik aurrera hasitako zergaldietan aplikatuko da.

6. Artikulu honetako aurreko apartatueta ezarritakoak -aplikatu beharrekoa den heinean- zergaren foru arauaren VI. tituluko III. kapituluan ezarritako araubide berezian dauden aldi baterako enpresa elkarteei ere eragingo die, zergaldiko azken egunean Espainiako lurraldeko egoiliar diren enpresa elkartekideei dagokienez.

40. bis artikulua. Muga jartzea ekonomia intereseko taldeetako bazkideei diru kopuruak egozteari.³³

1. Zergaren foru arauaren 73. artikulua 1. apartatuaren b) letran kontabilitate irizpideei jarraituz ezaugarri bereziko ondare tresnatzat hartu behar diren ekarpenak egiten dituzten ekonomia intereseko taldeetako bazkideentzat jarritako muga modu orokorrean aplikatuko zaio taldean duen partaidetza mantentzen duen zergaldien multzoari.

2. Zergaldi jakin batean, aurreko paragrafoan aipatutako mugaren ondorioz egozteko dauden diru kopuruak daudenean, kopuru horiek ondorengo zergaldietan egotzi ahal izango dira, nolanahi ere muga hori beteta.

40 ter artikulua. Errenta jakin batzuk lortzen dituzten arrisku-kapitaleko entitateek egin beharreko komunikazioak.³⁴

1. Zergaren foru arauaren 77. artikuluko 10. apartatuaren d) letraren arabera Zerga Administrazioari egin behar zaion komunikazioa arrisku-kapitaleko entitateak aurkeztuko du finantza kontratuetatik datozen errentak lortzen dituenetan eta horien ordainsaria diruzko zati batek eta gauzazko beste batek osatzen dutenean (azken hori entitate finantzatuaren akzio edo partaidetzak erosteko eskubide moduan eratua).

Komunikazio horri, non gutxienez alderdi kontratugileak identifikatu behar baitira, egindako finantzaketa eragiketa deskribatu, finantzaketa kontratutik eratorritako ordainsaria identifikatu (diruzko zatia eta gauzazkoa zatia bereiziz), eta kontratuaren iraupena zehaztu, dokumentazio hau erantsiko zaio:

— Arrisku-kapitaleko entitatearen eta entitate finantzatuaren artean sinatutako finantzaketa kontratua. Kontratu horretan, besteak beste, jaso beharko da ezen bai arrisku-kapitaleko entitateak eta bai entitate finantzatuak 10. apartatuan ezarritako zerga tratamenduaren aplikazioa aukeratzen dutela eta, hala badagokio, entitate finantzatuak uko egiten diola gastu fiskala aplikatzeari. Hala aukera hori nola aipatutako ukoa zergaren foru arauaren 77. artikuluko 10. apartatuaren d) letran aipatzen dira.

— Bi entitateen –finantzatzailearen eta finantzatuaren– erantzukizunpeko adierazpena, zergaren foru arauaren 77. artikuluko 10. apartatuan aurreikusitako beharkizunak betetzeari dagokionez.

2. Zergaren foru arauaren 77. artikuluko 10. apartatuaren azken paragrafoaren arabera, finantza kontratuetatik datozen errentak lortzeagatik eta horien

³³ Artikulu hau, ekainaren 27ko 14/2017 Foru Dekretuaren artikuluko bakarraren hiru apartatuak gehitu du. Aipatu foru dekretuak, Sozietateen gaineko Zergaren Erregelamendua eta, aurretiazko tributazio proposamen bereziei dagokienez, 2006ko abenduaren 5eko 49/2006 Foru Dekretua aldatzen ditu. Foru Dekretua Gipuzkoako Aldizkari Ofizialean argitaratu eta biharamunean jarri da indarrean (2017-06-29ko GAO).. Aldaketa, ordea, 2017ko urtarrilaren 1etik aurrera hasitako zergaldietan aplikatuko da.

³⁴ Artikulu hau abenduaren 3ko 55/2024 Foru Dekretuaren 2. artikuluko hiru apartatuak gehitu du. Aipatutako foru dekretuak 2024. urterako zenbait zerga aldaketa onesten dituen maiatzaren 10eko 1/2024 Foru Arauaren aldaketa batzuk eta zerga arloko beste arau batzuk erregelamendu bidez garatzen ditu. Foru dekretua Gipuzkoako Aldizkari Ofizialean argitaratzen den biharamunean sartzen da indarrean (2024/12/5eko GAO).

ordainsaria diruzko zati batek eta gauzazko beste batek osatzeagatik (azken hori entitate finantzatuaren akzio edo partaidetzak erosteko eskubide moduan eratua) arrisku-kapitaleko entitateek Zerga Administrazioari aurkeztu behar dioten urteko komunikazioak zergaldian indarrean izandako kontratuen zerrenda jaso beharko du, eta haietako bakoitzerako datu hauek zehaztu:

— Formalizazioaren urtea.

— Entitate finantzatuaren identifikazioa.

— Zergaldiari dagokion ordainsariaren zenbatekoa, diruzko zatia eta gauzazkoa bereizita.

— Zergaren sortzapen egunean entitatean duen partaidetza portzentajea.

Urteko komunikazioa hiru hilabeteko epean aurkeztu beharko da, komunikazio horretan aipatzen den zergaldia amaitzen denetik zenbatzen hasita.

41. artikulua. Zerga baterakuntzaren araubidearen aplikazioa eta araubide horretara bildutako entitateen informazio betebeharrak.³⁵

1. Zerga Administrazioari jakinarazi behar zaio zerga baterakuntzaren araubidea aplikatzea nahi dela.

Jakinarazpenean datu hauek jaso behar dira:

a) Talde fiskala osatzen duten entitateen identifikazioa.

Entitate nagusia ez bada egoiliarra lurralde espainiarrean, entitate hori ere identifikatu behar da eta, hala badagokio, eragiketen zenbateko handiena duen entitatea ere bai.

Lurralde espainiarrean egoitzarik ez duten entitateen establezimendu iraunkorrak izanez gero, establezimendu horiek lurralde espainiarretik kanpoko zein entitatetakoak diren ere identifikatu behar da.

b) Taldeko entitateek zerga baterakuntzaren araubidea aukeratzeko hartutako erabakien kopia, eta entitate nagusia ez-egoiliar bada lurralde espainiarrean, entitate ordezkaria izendatzen duen dokumentua.

c) Talde fiskala osatzen duten entitateetan entitate nagusiak zuzenean edo zeharka dituen partaidetza portzentajeak, haietan dagozkion boto eskubideen portzentajea, eta partaidetza horien eskurapen data.

Entitate ordezkariak adierazi behar du zergaren foru arauaren 85. artikuluan ezarrita dauden baldintza guztiak betetzen direla.

2. Zerga Administrazioak entitate ordezkariari jakinarazi behar dio zer zenbaki eman zaion talde fiskalari.

3. artikulua honetan aipatutako komunikazioa eta talde fiskalaren osaerak izan dezakeen aldaketarena –zergaren foru arauaren 88. artikuluko 6. apartatuaren bigarren paragrafoan aipatua– Ogasun eta Finantza Departamentuko foru diputatuak erabakitzen dituen tokian eta moduan aurkeztu behar dira.

³⁵ Artikulu hau, abenduaren 29ko 88/2015 Foru Dekretuaren 2. artikulua Lehen ordinalaren Bi apartatuak aldatu du. Aipatu Foru Dekretuak, Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatu eta ondare elementuen eskualdaketa lortutako errentak bi zerga horietan kalkulatzearren 2016an aplikatuko diren eguneratze koefizienteak onartzen ditu. Foru Dekretua Gipuzkoako Aldizkari Ofizialean argitaratzen den egunean bertan jarriko da indarrean. Aldaketa, ordea, 2015eko urtarrilaren 1etik aurrera hasten diren zergaldietan aplikatuko da. (2015-12-30eko GAO)

42. artikulua. Aplikatzea bat-egiteak, zatiketak, aktiboen ekarpenak, balore trukeak, aktibo nahiz pasibo osoaren lagapenak eta europar sozietate baten edo europar sozietate kooperatibo baten helbide soziala Europar Batasuneko estatu batetik beste estatu batera aldatzea arautzen dituen araubide berezia.

1. Zergaren foru arauaren VI. tituluko VII. kapituluaren ezartzen den araubidea aplikatu ahal izateko, araubidea aplikatzeko aukera egin behar da, foru arau horretako 114. artikuluko 3. apartatuan ezartzen denarekin bat.

2. Zerga Administrazioari jakinarazi behar zaio aukera hori egin dela, artikuluko honetan ezartzen den eran.

3. Aukera hori jakinarazteko hiru hilabeteko epea dago, eragiketaren eskritura publikoa inskribatu den egunetik aurrera.

Inskripzioa ez bada beharrezkoa, epe hori eragiketa dokumentatzen duen eskritura publikoa egilesten den egunetik aurrera zenbatuko da, eta gainera, zergaren foru arauaren 114. artikuluko 3. apartatuan ezartzen denez, eskrituran nahitaez adierazi beharko da araubidea aplikatzeko aukera egin dela.

Helbide soziala aldatzeko eragiketetan, berriz, jakinarazpena egin behar da, eragiketa hori dokumentatzeko eskritura publikoa edo agiri baliokidea helbide sozial berria dagoen estatu kideko erregistroan inskribatu ondorengo hiru hilabeteetan egin ere.

4. Bat-egite edo zatiketa eragiketak direnean, aurreko apartatuan aipatzen den jakinarazpena entitate eskuratzailleak edo eskuratzailleek egin beharko dute.

Bat-egite edo zatitzetze eragiketak egiten badira, baina entitate eskuratzaillearen eta entitate eskualdatzaillearen egoitza fiskala ez badago Espainian eta eragiketa horietan ez bada aplikatu behar zergaren foru arauaren 102. artikuluan ezartzen den araubidea, entitate eskualdatzailleak herrialde horretan establezimendu iraunkorrik ez izateagatik, bada, orduan, eragindako bazkide egoiliarak aukeratuko du araubide berezia aplikatzea. Izan ere, aukera hori egiteko, hala adierazi behar du zerga hau edo pertsona fisikoen errentaren gaineko zerga autolikidatzeko ereduaren.

5. Diruzkoak ez diren ekarpenak egiten direnean eta aktibo eta pasibo osoa lagatzen denean, entitate eskuratzailari edo eskuratzailari dagokien jakinarazpena aurkeztea.

Entitate horien egoitza fiskala ez dagoenean Espainian eta herrialde horretan establezimendu iraunkor baten bidez aritzen ez direnean, pertsona edo entitate eskualdatzailleak izango du jakinarazteko betebeharra.

6. Baloreak trukutzen direnean, entitate eskuratzailleak aurkeztu behar du jakinarazpena.

Baloreak eskuratzen dituen entitatea eta baloreak trukutzen dituen entitate partaidetua ez badira Espainian egoiliarak, eragindako bazkide egoiliarak aukeratuko du araubide berezia aplikatzea. Izan ere, aukera hori egiteko, zerga hau edo pertsona fisikoen errentaren gaineko zerga autolikidatzeko ereduaren dagokion laukian hala adierazi behar du.

7. Helbide soziala aldatzeko eragiketetan, sozietateak berak aurkeztu behar du jakinarazpena.

8. Jakinarazpen horretan, eragiketan parte hartzen duten entitateen identifikazio datuak adierazi behar dira, eta eragiketa bera ere deskribatu behar da. Behar denean, jakinarazpenari honako dokumentazio hau erantsi behar zaio:

a) Bat-egite edo zatiketa kasuetan, Merkataritza Erregistroan bat-egiteari edo zatiketari buruz inskribatutako eskritura publikoaren kopia, eta, era berean, merkataritza arauari jarraituz eskritura erregistroan inskribatzeko hari derrigorrez erantsi behar zaizkion beste dokumentuen kopia.

Inskripzioa ez bada beharrezkoa, eragiketa dokumentatzen duen eskritura publikoaren kopia aurkeztu behar da. Gainera, zergaren foru arauaren 114. artikuluko 3. apartatuan ezartzen denez, eskrituran nahitaez adierazi beharko da araubidea aplikatzeko aukera egin dela.

b) Diruzkoak ez diren ekarpenak egiten direnean eta aktibo nahiz pasibo osoa lagatzen denean edo baloreak trukutzen direnean, kapital soziala eratu edo zabaldu izanaren eskritura publikoaren kopia, eta merkataritza arauari jarraituz eskriturari derrigorrez erantsi behar zaizkion beste dokumentuen kopia.

Kapital soziala eratu edo zabaltzeko eskritura ez bada beharrezkoa, eragiketa dokumentatzen duen eskrituraren kopia aurkeztuko da.

c) Aurreko eragiketak akzioak erosteko eskaintza publiko baten bidez burutu badira, eskaintza horri dagokion informazio liburuxkaren kopia ere aurkeztu beharko da.

d) Helbide soziala aldatzeko eragiketetan, eragiketa dokumentatzen duen eskritura publikoaren edo agiri baliokidearen kopia aurkeztuko da, bai eta aldaketa hori egoitza aldatuko den estatu kideko erregistroan inskribatzeko derrigorrezkoak diren beste agirien kopia ere.

9. Zergaren foru arauaren 107. artikuluko 3. apartatuko bigarren paragrafoan aipatutako kasuetan, entitate eskuratzailerak jarraian adieraziko den informazioa aurkeztu behar du, eskurapen balioaren eta ondare garbiaren arteko diferentziaren zatia zerga oinarrian ez sartzei buruz xedapen horretan ezartzen dena aplikatzen duen ekitaldietako zerga honen autolikidazioarekin batera. Hona hemen informazio hori:

a) Entitate eskualdatzailearen identifikazioa, eta horren gaineko partaidetza portzentajearena.

b) Entitate eskualdatzailearen partaidetzen eskurapen balioa eta data, bai eta partaidetza horiei dagokien funts propioen balioa ere, urteko kontu homogeneizatuen bidez zehaztuta.

c) Partaidetzen eskuraketa prezioaren eta partaidetza horiei entitatea desegin zen datan funts propioetan zegokien balioaren arteko diferentzia badago, horri dagokionez justifikatu egin behar da zer irizpide erabiliko diren, batetik, diferentzia horren balioespena eta denbora homogeneizaziorako, eta, bestetik, diferentzia hori entitate eskualdatzailearen ondasun eta eskubideei egozteko.

10. Artikulu honetan aipatutako komunikazioa Ogasun eta Finantza Departamentuko diputatuak erabakitzen dituen tokian eta moduan aurkeztu behar da.

43. artikulua. Higiezin errentamenduko jarduera kualifikatua duten entitateen araubide bereziaren aplikazioa aukeratzea.

1. Higiezin errentamenduaren arloko jarduera kualifikatua duten entitateen araubide berezia aplikatzea aukeratu nahi bada, Zerga Administrazioari jakinarazi behar zaio.

2. Jakinarazpen horretan zehaztu behar da aktiboko zer elementu afektatzen diren higiezin errentamenduaren arloko jarduerara, eta datu esanguratsu

guztiak jaso behar dira, araubide berezia aplikatzeko betekizunak betetzen direla egiaztatu ahal izateko.

Zergaren foru arauaren 115. artikuluko 1. apartatuan aipatzen diren entitateen kasuan, aurreko datuez gainera, zehaztu behar da entitateak badituela araubide berezia aplikatu ahal izateko exijitzen diren langileak, eta bakoitzak betetzen dituen eginkizunak eta entitatearekin lotzen dituen harremana espezifikatu behar dira.

Zergaren foru arauaren 115. artikuluko 2. apartatuan aipatzen diren entitateen kasuan, higiezinak zehaztu behar dira eta adierazi behar da zein den haien azalera eraikia, metro koadrotan, eta zer proportzio betetzen duten etxebizitzekin batera errentan ematen diren eraikin bereko garaje plaza eta eranskinek.

V. TITULUA

ZERGAREN KUDEAKETA

I. KAPITULUA. Eskabideak izapidetu eta onesteko prozedura orokorra

44. artikulua. Eskabideak izapidetu eta onesteko prozedura orokorra.

1. Eskabidean, eskaeraren xede den gaiarekin lotura zuzena duten datu guztiak jaso behar dira.

2. Eskabidea kasu bakoitzean ezarritako epearen barruan aurkeztuko da, edo, eperik ez badago, onetsitako irizpideek ondorioak sortu behar dituzten eragiketak egin ondorengo hiru hilabeteetan.

Zergadunak eskubidea du berak egindako eskabidea uko egiteko.

3. Zerga Administrazioak beharrezko diren datu, txosten, aurrekari eta frogagiri guztiak eskatu ahal izango dizkio zergadunari. Sei hilabeteko epea izango du ebazpena jakinarazteko. Epe hori eskabidea Gipuzkoako Foru Aldundiaren erregistroan sarrera eman zaion edo eskatutako informazio gehigarria jasotzen den egunean hasiko da zenbatzen.

Zergadunak entzunaldiaren izapidearen aurreko prozeduraren edozein unetan aurkeztu ahal izango ditu berak egoki iritzitako alegazio, agiri eta frogagiriak.

4. Prozedura instruituta, eta ebazpen proposamena idatzi aurre-aurretik, espedientea zergadunari azalduko zaio. Zergadunak hamabost eguneko epea izango du berak egoki iritzitako alegazio, agiri eta frogagiriak aurkezteko.

Entzunaldiaren izapidea ez da beharrezkoa izango, baldin eta prozeduran jasota dauden eta kontuan hartzen diren egitate bakarrak horiek badira eta alegazio eta froga bakarrak zergadunak adierazitakoak badira.

5. Prozedurari amaiera ematen dion ebazpenak hauetako bat egin dezake:

Zergadunak Zerga Administrazioari eskatzen badio berak proposatutako plan, irizpide edo kenkari-aplikazio bat onesteko, Zerga Administrazioak hau ebatz dezake:

a) Zergadunak hasieran proposatutako plana, irizpidea edo kenkari aplikazioa onestea.

b) Zergadunak prozeduraren barruan proposatutako plan, irizpide edo kenkari-aplikazio bat onestea.

c) Zergadunak proposatutako plana, irizpidea edo kenkari-aplikazioa ezestea.

6. Aurreko 3. apartatuan aipatzen den epea igaro bada, onetsizat hartuko da zergadunak egindako eskabidea.

7. Artikulu honetan ezarritakoa orokorrean aplikatuko da. Hala ere, kontuan hartuko dira erregelamendu honetan arlo bakoitzerako ezarritako berezitasunak.

II. KAPITULUA. Entitateen indizea.

45. artikulua. Entitateen indizea.

Zergaren foru arauaren 119. artikuluan aipatzen den entitateen indizea Zerga betebeharrak formal jakin batzuk garatzen dituen Erregelamenduan ezartzen diren arabera aurkeztu beharreko zentsu aitortuaren jasotako datuekin osatuko da (erregelamendu hori 2013ko abenduaren 17ko 47/2013 Foru Dekretuaren bidez onetsi zen).

Entitateen indizeko alta, aldaketa edo baja erregelamendu horretan ezarritako prozedurekin bat egingo da.

46. artikulua. Entitateen indizean alta berritzea eta bazterreko oharra deuseztatzea.

Entitateen indizean behin-behineko baja ematea erabaki bada zergaren foru arauak 120. artikuluan xedatutakoarekin bat etorrira, eta dagokion erregistro publikoan orri bazterreko oharra egin bada, Zuzeneko Zergak Kudeatzeko Zerbitzuko buruak erabakiko du indize horretan alta ematea eta aginduko du bazterreko oharra deuseztatzea, entitate interesdunak hala eskatuta. Horretarako, ezinbestekoa da entitateak egunean izatea bere zerga betebeharrak guztiak.

Entitate hori konkurtsoan sartzen bada, ez da ezinbestekoa izango konkurtsoen legeriari jarraituz derrigorrez betetzekoak ez diren zerga betebeharrak betetzea.

47. artikulua. Lankidetzan jarduteko betebeharrak.

Zergaren foru arauaren 121. artikuluan jasotakoaren arabera Gipuzkoako lurralde historikoko erregistro publikoen titularrek hilerio Ogasun eta Finantza Departamentuari bidali behar dizkioten entitate zerrenda Ogasuneko eta Finantzarako foru diputatuak ezartzen dituen tokian, moduan eta eremuan aurkeztu behar da. Foru diputatuak erabaki ahal izango du zer baldintzatan behartu daitekeen zuzenean ordenagailuz irakur daitekeen euskarri baten bidez aurkeztea.

48. artikulua. Ofiziozko itzulketa.

Zergaren foru arauaren 12. artikuluan 2. apartatuan aipatzen diren entitate partzialki salbuetsiek autolikidazioa aurkeztu behar dute foru arau horretako 129. artikuluan jasotako itzulketa lortzeko, nahiz eta behartuta ez egon foru arau horretako 126. artikuluan 2. eta 3. apartatuetan jasotakoari jarraituz hura aurkeztera.

III. KAPITULUA. Konturako ordainketak

49. artikulua. Atxikipenari eta konturako sarrerari lotutako errentak.

1. Honako hauen gaineko atxikipena egin behar zaio jasotzaileari, sozietateen gaineko zergaren konturako ordainketa gisa:

a) Edozein entitate motaren funts propioetan parte hartzeagatik eta hirugarren batzuei kapital propioak lagatzeagatik datozen errentak eta Gipuzkoako lurralde historikoko Pertsona Fisikoen Errentaren gaineko Zergaren urtarilaren 17ko 3/2014 Foru Arauaren 36. eta 37. artikuluetan aipatuta dauden gainerako errentak.

b) Joko, lehiaketa, zozketa edo ausazko konbinazioetan parte hartzearen ondorioz ematen diren sariak, ondasun, produktu edo zerbitzu zehatz batzuen eskaintzari, sustapenari edo salmentari lotuta egon ala ez.

c) Beste sozietate batzuetako administratzaile edo aholkulari karguen ondorioz lortutako kontraprestazioak.

d) Irudiaren ustiapenerako eskubidea lagatzetik edo irudia erabiltzeko onarpen edo baimenetik datozen errentak, ekonomi ustiapenetatik datozen sarrerak izanik ere.

e) Hiri higiezinaren errentamendutik edo azpierrementamendutik datozen errentak, ekonomia ustiapenetatik datozen sarrerak izanik ere.

f) Inbertsio kolektiboko erakundearen kapitala edo ondarea ordezkatzeko duten akzioak edo partaidetzak eskualdatu edo itzultzearen ondorioz lortutako errentak.

2. Kontratu berean, zerbitzu prestazioez edo ondasun higiezinaren lagapenez gainera Gipuzkoako lurralde historikoko Pertsona Fisikoen Errentaren gaineko Zergaren urtarilaren 17ko 3/2014 Foru Arauaren 37. artikuluan sartuta dauden ondasun eta eskubidetako batzuk lagatzen badira, zenbateko osoaren gainean egin beharko da atxikipena.

Kontratu berean, landa finkeen errentamendu, azpierrementamendu edo lagapenez gainera beste ondasun higigarri batzuen ere sartzen bada, ez da atxikipenik egingo. Hala ere, atxikipena egingo da errenta eman edo lagatzen dena negozioa edo meatzea bada.

3. Jasotzaileari dagokion sozietateen gaineko zergaren konturako sarrera egin beharko da aurreko apartatuetakoa errentak direla eta, haiek gauza bidez ordaindu edo abonatzen direnean.

4. Atxikipenak eta konturako sarrerak Gipuzkoako Foru Aldundian ordaindu beharko dira, 2014ko urriaren 14ko 33/2014 Foru Dekretuaren bidez onartutako Pertsona Fisikoen Errentaren gaineko Zergari buruzko Erregelamenduaren 91. artikuluan horretarako ezarritako irizpideen arabera.

50. artikulua. Atxikipenak eta konturako sarrerak egin beharraren salbuespenak.

Ez da atxikipenik edo konturako sarrerarik egin behar honako hauek direla eta:

1) Diru merkatuan esku hartzeko tresna erregulatzaile diren eta Espainiako Bankuak jaulki dituen baloreen etekinak nahiz Altxorreko Letren etekinak.

Guztiarekin ere, kreditu entitateek eta gainerako finantza erakundeek beren bezeroekin Altxorreko Letren eragiketetan oinarritutako kontuen kontratuak egiten dituztenean, behartuta egongo dira atxikipena egitera kontu horien titularrek lortutako etekinengatik.

2) Estatuak kreditu ofizialari emandako maileguen kontraprestazio bezala Altxorraren aldeko eskubidea osatzen duten interesak.

3) Espainiako Bankuko erregistro berezietan inskribatuta dauden eta egoitza Espainiako lurraldean duten kreditu entitateen eta kredituko establezimendu finantzarioetan sarrera diren maileguen komisioak eta interesak.

Aurreko salbuespena ez zaie aplikatuko obligazioen, bonuen edo nazioko edo atzerriko entitate publikoek eta pribatuek jaulkitako beste titulu batzuen interes eta etekinei, baldin eta obligazio, bonu edo titulu horiek aipatutako entitateen balore zorroa osatzen badute.

4) Estatuko Industria Partaidetzarako Sozietateak kapitalaren gehiengoa duen sozietateekin egiten dituen mailegu, kreditu edo aurrerakin eragiketa aktibo eta pasiboen interesak. Salbuespen hori ezin da zabaldu zedulen, obligazioen, bonuen eta antzeko tituluen interesetara.

5)³⁶ Balore sozietateek jasotako interesak, Balore Merkatuei eta Inbertsio Zerbitzuei buruzko martxoaren 17ko 6/2023 Legearen 126. artikuluko b) letran aipatutako baloreen salerosketa eragiketekin lotuta emandako kreditu edo maileguen ondorio direnean, bai eta inbertsio zerbitzuetako enpresek jasotako interesak ere Inbertsio zerbitzuetako enpresen eta inbertsio zerbitzuak ematen dituzten gainerako entitateen araubide juridikoari buruzko azaroaren 8ko 813/2023 Errege Dekretuaren 70. artikuluko 1. apartatuan aipatutako mailegu edo gordailuen eragiketa aktiboei dagokienez.

Era berean, ez da atxikipenik egin beharko kontrapartida zentraleko entitateek eta kontrapartida zentraleko entitate bateko kide diren entitateek jasotako interesen gainean, baldin eta Balore Merkatuei eta Inbertsio Zerbitzuei buruzko martxoaren 17ko 6/2023 Legearen 97.2 artikuluan, Europako Parlamentuaren eta Kontseiluaren 648/2012/EB Erregelamenduaren 41. eta 42. artikuluetan (burtsatik kanpoko eratorriak, kontrapartida zentraleko entitateak eta eragiketen erregistroak arautzen ditu) eta kontrapartida zentraleko entitatearen beraren erregelamenduan eta hura garatzeko zirkularretan aurreikusitakoa aplikatuz eratutako bermeen kontraprestazio gisa jasotzen badituzte.

Orobat, ez da atxikipenik egin beharrik izango Baloreak ordaintzeko eta kitatzeko sistemei buruzko azaroaren 12ko 41/1999 Legearen arabera aitortutako ordainketa sistemen kudeaketa entitateek jasotako interesei dagokienez, ez eta sistema horietan partaide diren entitateek jasotako interesei dagokienez ere, baldin eta lege horren 2. artikuluko d) letran aurreikusitakoa aplikatuz eratutako bermeetatik badatoz, edo dagokion ordainketa sistemaren berezko eragiketak egitearen ondorio hutsa badira.

6) Obligazioak akzio bihurtzeko primak.

7) Akzio edo partaidetzen jaulkipen prima banatzetik datozen errentak.

8) Egoitza Espainian duen sozietate nagusi batek egoitza Europar Batasuneko beste estatu kide batzuetan duten bere sozietate filialetatik jasotako mozkinak, erregelamendu honetako 51. artikuluan 2. apartatuan ezarritako atxikipenari dagokionez, baldin eta Ez-egoiliarren Errentaren gaineko Zergaren Foru Arauaren 14. artikuluko 1. apartatuko g) letran ezarritako betekizunak betetzen badira.

9) Landa higiezinaren errentamendutik edo azpierrementamendutik datozen etekinak, kasu hauetan:

³⁶ Zerbaki hau abenduaren 3ko 55/2024 Foru Dekretuaren 2. artikuluko lau apartatuak aldatu du. Aipatutako foru dekretuak 2024. urterako zenbait zerga aldaketa onesten dituen maiatzaren 10eko 1/2024 Foru Arauaren aldaketa batzuk eta zerga arloko beste arau batzuk erregelamendu bidez garatzen ditu. Foru dekretua Gipuzkoako Aldizkari Ofizialean argitaratzen den biharamunean sartzen da indarrean (2024/12/5eko GAO).

- a) Etxebizitza enpresek beren enplegatuentzat alokatzen duenean.
- b) Errentariak errentatzaile berari ordaindutako errentak urteko 900 euro baino gehiago ez izatea.
- c) Errentatzailearen jarduera 1993ko apirilaren 20ko 1/1993 Foru Dekretu Araugileak, Jarduera Ekonomikoen gaineko Zergaren Testu Bateratua onartzen duenak, jasotako tarifen lehen sekzioaren 861 taldeko epigrafeetako batean sailkatuta dagoenean, edota, bestela, hiri ondasun higiezinak errentan edo azpierrean emateko ahalbidetzen duen beste edozein epigraferen arabera tributatu beharra izanik, errentan edo azpierrean ematen diren ondasun higiezinaren balio katastralari 861 taldeko epigrafeetan ezarritako kuota kalkulatzeko arauak aplikatuta zero kuota ateratzen ez denean.
- Ondorio horietarako, errentatzaileak betekizun hori bete duela frogatu beharko dio errentariari, Ogasun eta Finantza Departamentuko foru diputatuak erabakitzen duenaren arabera.
- d) Etekinak zergaren foru arauaren 18. artikuluko 1. apartatuan aipatzen diren finantza errentamenduko kontratuen ondoriozkoak izatea, kontratuon xedea hiri ondasun higiezinak badira.
- 10) Espainiako edo Europako ekonomia intereseko talde baten eta beraren bazkideen artean exiji daitezkeen etekinak eta aldi baterako enpresa elkarte baten eta beraren enpresa kideen artean exiji daitezkeenak.
- 11) Hipoteka partaidetzen, maileguen eta titulizazioko funtsen sarrera osatzen duten beste eskubide batzuen etekinak.
- 12) Egoitza Espainian duten finantza establezimendu eta kreditu etxeen atzerriko establezimendu iraunkorrek ordaindu edo abonaturako kanpoko kontuen etekinak.
- 13) Espainiak izenpetutako nazioarteko tratatu batean xedatutakoari jarraiki zerga honetan salbuetsita dauden entitateei ordaindutako etekinak.
- 14) Zergaren foru arauaren VI. tituluko VI. kapituluan araututako baterakuntza fiskalaren araubide berezian tributatzeko duen talde bateko sozietateek elkarri ordaintzen dizkioten dibidenduak edo mozkinetako partaidetzak, interesak eta gainerako etekinak.
- 15) Espainiako eta Europako ekonomia intereseko taldeek eta aldi baterako enpresa elkarteek ematen dituzten dibidenduak edo mozkinetako partaidetzak, zergaren arau orokorren arabera tributatu behar dutenak izan ezik, baldin eta dibidendu edo mozkinetako partaidetza horiek zerga oinarriaren egozpena jasan behar duten bazkideei badagozkie eta entitatea zergaren foru arauaren VI. tituluko III. kapituluko araubide berezian egon den zergaldietan sortu badira.
- 16) Zergaren foru arauaren 12. artikuluko 1. apartatuan aipatutako entitate salbuetsiek lortutako errentak, bai eta sozietateen gaineko zergari buruz Euskal Autonomia Erkidegoko beste bi lurralde historikoetan, Nafarroako Foru Komunitatean eta araubide erkideko lurraldean indarrean dauden artikuluko baliokideetan aipatzen diren entitate salbuetsiek lortutakoak ere.
- Entitate batek zuzenbidean onartutako frogabideetako edozein erabil dezake entitate salbuetsia dela egiaztatzeko. Zerga Administrazioak ezarri ahal izango ditu entitate bat salbuetsitzat jotzeko bideak eta modua.
- Zenbaki honetan aipatzen diren entitate salbuetsiek Estatuaren Zor Publikoko tituluen ondorioz jasotako etekinak direla-eta atxikipena edo konturako sarrera egiteko betebeharretik salbuesteko prozedura ere ezarri ahal izango da.

17) Zergaren foru arauaren 33. artikuluko 1. apartatuan aipatzen diren dibidenduak edo mozkinetako partaidetzak, bai eta aseguru orokorren mutuek, gizarte aurreikuspeneko entitateek, elkarrekiko berme sozietateek edo elkarteek banatutakoak.

Zenbaki honetan xedatutakoaren ondorioetarako, entitate jasotzaileak atxikipena egin behar duen entitateari jakinarazi beharko dio ea artikuluko horretan ezarritako betekizunak betetzen diren. Jakinarazpen horretan sartuko dira, jasotzailearen identifikazio datuez gain, betekizun horiek betetzen direla justifikatzeko agiriak.

18) Zerga honen zergadunek lortutako errentak, aktibo finantzarioetatik datozenak, baldin eta honako betekizunok betetzen badituzte:

a) Kontuko idatzoharren bitartez adierazita egotea.

b) Espainiako bigarren mailako balore merkatu ofizial batean negoziatzea.

Hala ere, baldin eta kreditu etxeek eta gainerako finantza entitateek beren bezeroekin aktibo finantzarioen gaineko eragiketetan oinarritutako kontuen kontratuak egiten badituzte, kreditu etxe eta gainerako finantza entitateek atxikipena egin beharko dute kontu horien titularrek lortutako etekinak direla eta.

Zenbaki honetan sartuta dauden baloreen interesak ordaintzen dituzten edo balore horien eskualdaketa, amortizazio edo itzulketan esku hartzen duten finantza entitateek kalkulatu behar dute balorearen titularrari egotzi beharreko etekina, eta haren berri eman behar diete bai titularrari bai Zerga Administrazioari. Era berean, lehenago zerrendatutako eragiketetan esku hartzen duten pertsonen buruzko datuak emango zaizkio Zerga Administrazioari.

Halaber, Zerga Administrazioak bitartekotza eta informazio betebeharrak ezarriko ditu, printzipalaren eta kupoen negozioaren bereizia baimendu zaien Zor Publikoko baloreen bereizketa, eskualdaketa, berreraketa, itzulketa edo amortizazioa direla eta. Kasu horietan, idatzoharren bidezko Zor Publikoko Merkatuaren entitate kudeatzaileek titularrari egotzi beharreko etekina kalkulatu beharko dute, eta horren berri eman beharko diete bai titularrari bai Zerga Administrazioari. Administrazio horri, gainera, balore horien gaineko eragiketetan esku hartzen duten pertsonen buruzko informazioa eman beharko diote.

Ogasun eta Finantza Departamentuko foru diputatuari ahalmena ematen zaio zenbaki honetan arautu den atxikipenerako salbuespena betearazteko prozedura ezartzeko.

³⁷19) Aurreko artikuluen 1. apartatuko b) letran aipatzen diren sariak, haien atxikipen oinarria 300,51 eurotik gorakoa ez denean.

20) Zerga honen zergadunek Ekonomia Lankidetzaren eta Garapenerako Antolakundeko (ELGA) herrialdeetako administrazio publikoek jaulkitako zorretik eta herrialde horietako merkatu arautuetan negoziatutako aktibo finantzarioetatik lortzen dituzten errentak.

Hala ere, kreditu etxeek eta gainerako finantza entitateek beren bezeroekin aurreko paragrafoan aipatuta dauden aktibo finantzarioen gaineko eragiketetan oinarritutako kontuen kontratuak egiten badituzte, kreditu etxe eta gainerako

³⁷ Zenbaki hau abenduaren 27ko 31/2018 FORU DEKRETUAREN 2. artikuluen sei apartatuak aldatu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen eta ondare elementuen eskualdaketa lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarrilaren 1etik aurrera hasten diren zergaldietan ditu ondorioak.

finantza entitateok atxikipena egin beharko dute kontu horien titularrek lortutako etekinak direla eta.

Zenbaki honetan sartuta dauden baloreen interesak ordaintzen dituzten edo balore horien eskualdaketa, amortizazio edo itzulketan esku hartzen duten finantza entitateek kalkulatu behar dute balorearen titularrari egotzi beharreko etekina, eta haren berri eman behar diete bai titularrari bai Zerga Administrazioari; gainera, azken horri lehenago zerrendatutako eragiketetan esku hartzen duten pertsonen edo entitateen buruzko datuak emango dizkiote.

Ogasun eta Finantza Departamentuko foru diputatuari ahalmena ematen zaio zenbaki honetan arautu den atxikipenerako salbuespena betearazteko prozedura ezartzeko.

21) Inbertsio kolektiboko erakundeen kapitala edo ondarea ordezkatzan duten akzio zein partaidetzak eskualdatu edo itzultzetik datozen errentak, honako hauek lortzen dituztenean:

a) Inbertsio Kolektiboko Erakundeei buruzko azaroaren 4ko 35/2003 Legearen bidez araututako inbertsio funts finantzarioek eta kapital aldakorrek inbertsio sozietateek, baldin eta funts eta sozietateon kudeaketa erregelamenduetan edo estatutuetan ezarrita badago beren ondarearen 100eko 50, gutxienez, inbertsio kolektiboko erakunde jakin batzuen akzioetan edo partaidetzetan inbertitu behar dutela. Erakunde horiek Inbertsio Kolektiboko Erakundeei buruzko azaroaren 4ko 35/2003 Legea garatzeko Erregelamenduko 48. artikuluko 1. apartatuko c) eta d) letretan zehaztutakoak izan behar dute (erregelamendua 2012ko uztailaren 13ko 1082/2012 Errege Dekretuak onetsi zuen).

b) Inbertsio Kolektiboko Erakundeei buruzko azaroaren 4ko 35/2003 Legearen bidez araututako inbertsio funts finantzarioek eta kapital aldakorrek inbertsio sozietateek, baldin eta funts eta sozietateon kudeaketa erregelamenduetan edo estatutuetan ezarrita badago beren ondarearen 100eko 85, gutxienez, inbertsio funts finantzario bakar batean inbertitu behar dutela. Inbertsio funts finantzario bakar horrek Inbertsio Kolektiboko Erakundeei buruzko azaroaren 4ko 35/2003 Legea garatzen duen Erregelamenduko 3. artikuluko 3. apartatuko lehen tartekian arautzen diren inbertsio funts finantzarioetako bat izan behar du (erregelamendua 2012ko uztailaren 13ko 1082/2012 Errege Dekretuak onetsi zuen). Inbertsio politika hori inbertsio funtsaren edo sozietatearen konpartimentu bati badagokio, atxikipena eta konturako sarrera egiteko salbuespena –zenbaki honetan aurreikusten dena– bakarrik aplikatuko zaie erakundearen ondaretik konpartimentu horri dagokion zatia osatzen duten inbertsioei.

Atxikipena egiteko obligaziotik 21. zenbaki honetan ezarritakoaren arabera salbuesteko, ezinbestekoa da inbertsioa egiten duen erakundea a) eta b) letretan adierazitako inbertsio motetarako Balore Merkatuen Batzorde Nazionalak ezarritako kategoriakoa izatea. Katetoria hori erakundearen informazio liburuxkan jaso behar da.

22)³⁸ Aseguru entitateek pentsio planak aseguratzearen pentsio funtsei ordaintzen dizkieten zenbatekoak.

Orobat, ez da atxikipena egiteko betebeharririk egongo pentsio funts edo pentsio plan inbertsiogileetako partaidetzak itzuli edo mobilizatzeagatik pentsio funts irekiek ordaindutako kopuruei dagokienez, Pentsio Plan eta Funtsei buruzko

³⁸ Zenbaki hau uztailaren 24ko 22/2018 Foru Dekretuaren 2 artikuluko bi apartatuak aldatu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen ditu. Foru dekretua Gipuzkoako Aldizkarian Ofizialean argitaratu eta biharamunean jarri da indarrean (2018/07/27 GAO), eta aldaketak 2018ko urtarillaren 1etik aurrerako ondorioak ditu.

Legearen testu bateginean eta haren garapenezko arauetan ezarritakoaren arabera (testu bategin hori azaroaren 29ko 1/2002 Legegintzako Errege Dekretuak onartu zuen).

23) Bizitza aseguruaren hornidurak aktiboetan inbertituta egonez gero aktibo horiek aldatzean lortzen diren errentak, aseguru hartzaileak bere gain hartzen badu inbertsioaren arriskua.

Aurreko paragrafoan xedatutakoa aplikatzeko, aktiboak eskualdatu edo itzultzen direnean, aseguru entitateek atxikipena egitera behartuta dauden entitateei jakinarazi behar diete aseguru kontratuan hartzaileak bere gain hartu duela inbertsioaren arriskua eta Gipuzkoako lurralde historikoko Pertsona Fisikoen Errentaren gaineko Zergaren urtarilaren 17ko 3/2014 Foru Arauaren 57. artikuluko 2. apartatuko h) letran ezarritako betekizunak betetzen direla. Atxikipena egin behar duen entitateak gorde egin behar du jakinarazpen hori, behar bezala sinatuta.

24) Aseguruaren Konpentsazio Partzuergoak aseguru entitateak likidatzeko eginkizunak betez nahiz erakundeon konkurtso prozeduretan zehar lortzen dituen errentak, Aseguruaren Konpentsazio Partzuergoaren Lege Estatutuaren testu bategineko 24. artikuluko 1. apartatuko hirugarren paragrafoan ezarritakoarekin bat (testu hori 2004ko urriaren 29ko 7/2004 Errege Dekretu Legegilearen bidez onetsi zen).

25) Plan finantzario baten xede izan den aseguru kolektiboko kontratu batean bideratuta dauden pentsioengatiko konpromisoak aldatzeagatik enpresa hartzaileetan agerian jartzen diren errentak, harik eta plan hori guztiz bete arte, Enpresek pentsioak direla-eta langileekin eta onuradunekin hartutako konpromisoak bideratzeari buruzko Erregelamenduko 36. artikuluko 5. apartatuko bigarren paragrafoan ezarritakoarekin bat (erregelamendu hori 1999ko urriaren 29ko 1.588/1999 Errege Dekretuaren bidez onetsi zen).

26)³⁹ Partaidetzak edo akzioak itzuli edo eskualdatzeagatik lortutako errentak, akzio edo partaidetzak inbertsio kolektiboko erakunde hauek jaulki dituztenean:

a) Inbertsio kolektiboko erakundeei buruzko azaroaren 4ko 35/2003 Legea garatzen duen Erregelamenduak, uztailaren 13ko 1082/2012 Errege Dekretuaren bidez onetsiak, 79. artikuluan arautzen dituen funts kotizatuak eta kapital aldakorreko inbertsio indize sozietate kotizatuak.

b) Atzerrian eratutako inbertsio kolektiboko erakundeak, aurreko 1. zenbakian aipatutako parekoak baina zergaren foru arauaren 81. artikuluan aurreikusitakoak ez bezalakoak, merkatu arautu batean nahiz negozioazio sistema aldeaniztun batean kotizatzen dutenak, edozein dela ere erreproduzitzen, errepikatzen edo erreferentziazat hartzen duten indizearen osaera, baldin eta, gainera, itzulketa edo eskualdaketa ez bada egiten jurisdikzio ez-kooperatibotzat jotzen den herrialde edo lurralde batean kokatutako merkatu batean.

27)⁴⁰ Kontrapartida zentraleko entitateek urriaren 2ko 878/2015 Errege Dekretuaren 82. artikuluko 2. apartatuan ezarritakoa aplikatuz egindako balore maileguengatik jasotzen dituzten ordainsariak eta eskubide ekonomikoen

³⁹ 26. zenbaki hau, abenduaren 12ko 56/2023 Foru Dekretuaren 7. artikuluen hiru apartatuak aldatu du. Aipatu foru dekretuak, zenbait zerga erregelamendu aldatzen ditu. Foru dekretua Gipuzkoako Aldizkari Ofizialean argitaratu eta biharamunean jarri da indarrean (2023-12-18ko GAO).

⁴⁰ Zenbaki hau uztailaren 24ko 22/2018 Foru Dekretuaren 2 artikuluko bi apartatuak aldatu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen ditu. Foru dekretua Gipuzkoako Aldizkarian Ofizialean argitaratu eta biharamunean jarri da indarrean (2018/07/27 GAO), eta aldaketak 2018ko urtarilaren 1etik aurrerako ondorioak ditu.

konpentsazioak (878/2015 Errege Dekretua, urriaren 2koa, kontuko idatzohar bidez adierazitako balore negoziagarrien konpentsazio, likidazio eta erregistroari buruzkoa, baloreen gordailuzain zentralen eta kontrapartida zentralako erakundeen araubide juridikoari buruzkoa, eta bigarren mailako merkatu ofizial batean negoziatzeko onartutako baloreen jaulkitzaileen gardentasun-eskakizunei buruzkoa).

Era berean, kontrapartida zentralako entitateek ez dute atxikipena egiteko betebeharririk izango, aurreko paragrafoan aipaturiko baloreen mailegu-eragiketarako direla-eta ordaintzen dituzten ordainsariei eta eskubide ekonomikoen konpentsazioei dagokienez.

Aurreko paragrafoan xedatutakoak ez du kentzen errenta horiei bidezko atxikipena aplikatzea errenta horien onuradunaren zerga pertsonalaren araudiari jarraituz. Gainera, atxikipena egin behar bada, ordainketan bitartekari den entitateak egin beharko du, eta, ondorio horietarako, ez da ulertuko ordainketa bitartekaritza soil bat egiten duenik.

28) Zenbatekoa dela-eta Gipuzkoako lurralde historikoko Pertsona Fisikoen Errentaren gaineko Zergaren urtarrilaren 17ko 3/2014 Foru Arauaren hemezortzigarren xedapen gehigarrian jasotako karga berezitik salbuetsita dauden loteria eta apustuen sariak.

51. artikulua. Atxikipena eta konturako sarrera egitera behartuta dauden subjektuak.

1. Erregelamendu honetako 49. artikuluan ezarrita dauden errentak ordaintzen edo abonatzen dituztenek atxikipena edo konturako sarrera egin beharko dute; hain zuzen ere, hauek egin beharko dute:

a) Pertsona juridikoak eta gainerako entitateak, ondasun erkidegoak, jabeen erkidegoak eta errenta esleipenaren araubidean dauden entitateak barne.

b) Pertsona fisikoen errentaren gaineko zergaren zergadunak, jarduera ekonomikoak egiten badituzte eta jarduera horietan aritzeagatik errentak ordaintzen badituzte.

c) Egoitza Espainian ez duten pertsona fisiko, juridiko eta gainerako entitateak, Espainian establezimendu iraunkorraren bitartez jarduten badute.

2. Ez da ulertuko pertsona edo entitate batek errenta bat ordaindu edo abonatzen duela baldin eta pertsona edo entitate horrek ordainketan bitartekaritza hutsa egiten badu, hots, ordainketa hori hirugarren baten kontura eta hark aginduta egiten badu. Hala ere, kasu honetan bai ulertuko da pertsona edo entitate horrek errenta ordaindu edo abonatzen duela: pertsona edo entitate hori Espainiako egoiliar direnen atzerriko baloreen gordailu entitatea bada, edo pertsona edo entitate horrek bere kargura badu balore horien errenten kobrantzaren kudeaketa. Gordailu entitateek atxikipena egin beharko dute, baldin eta errenta horiek Espainian aurretik atxikipenik jasan ez badute.

3. Sarien kasuan, sariok ordaintzen dituen pertsona edo entitateak egin beharko du atxikipena edo konturako sarrera.

4. Aktibo finantzarioei buruzko eragiketetan, honako hauek daude atxikitzen behartuta:

a) Aktibo finantzarioen amortizazio edo itzulketan lortutako etekinetan: pertsona edo entitate jaulkitzailea. Hala ere, eragiketa horiek egitea finantza entitate bati aginduz gero, eragiketaz arduratzen den finantza entitateak egin beharko du atxikipena.

Jaulki ondoren aktibo finantzario bilakatu diren igorpen tresnen kasuan, aktibo horiek beren epemugan kobratzeko aurkeztuko dituen fede emaile publikoak edo finantza entitateak egin beharko du atxikipena.

b) Aktibo finantzarioen eskualdaketa lortutako etekinen kasuan (aurreko letran aipatzen diren igorpen tresnenak barne), eskualdaketa finantza entitate baten edo gehiagoren bitartez bideratzen bada: eskualdatzailearen kontura ari den bankua, kutxa edo finantza entitatea.

Letra honetan xedatutakoaren ondorioetarako, ulertuko da eskualdatzailearengandik aktibo finantzarioak saltzeko agindua jasotzen duen banku, aurrezki kutxa edo finantza entitatea diharduela haren izenean.

c) Aurreko letretan jasotzen ez diren kasuetan, eragiketan nahitaez parte hartu behar duen fede emaile publikoa.

5. Estatuaren Zorrek baloreak eskualdatzen direnean, eragiketa horretan parte hartzen duen idatzoharren bidezko Zor Publikoko Merkatuaren entitate kudeatzaileak egin behar du atxikipena.

6. Inbertsio kolektiboko erakundeen kapital edo ondarea ordezkatzan duten akzio edo partaidetzak eskualdatu edo itzultzen direnean, honako pertsona edo entitate hauek egongo dira behartuta atxikipena edo konturako sarrera egitera:

1.^a Inbertsio funtsetako partaidetzen itzulketa egiten denean, sozietate kudeatzaileek egin behar dute, salbu entitate merkaturatzaileen izenean eta partaideen kontura erregistratutako partaidetzen kasuan; izan ere, kasu horretan, entitate merkaturatzaileek eurek egin beharko dute atxikipena edo konturako sarrera.

2.^a Kapital aldakorrek inbertsio sozietate baten akzioak ez badute kotizatzen burtsan edo baloreak negoziatzeko bestelako merkatu edo sistema antolatuta batean eta sozietate horrek berrerosi egiten baditu zergadunak zuzenean edo merkaturatzaile baten bidez berari eskuratutako akzioak, sozietateak berak egin behar du atxikipena edo konturako sarrera. Alabaina, sozietate kudeatzaile batek esku hartzen badu, horrexek egingo du atxikipena edo konturako sarrera.

3.^a Atzerrian helbideratutako inbertsio kolektiboko erakundeen kasuan, entitate merkaturatzaileek edo erakundeon akzioak edo partaidetzak merkaturatzeko ahaldundutako bitartekariak egin behar dute atxikipena edo konturako sarrera, itzulketa egiten dutenean, edo, modu subsidiarioan, baloreak harpidedun potentzialen artean merkaturatzeko edo banatzeko ardura duten entitateek.

4.^a Zerbitzuak emateko askatasunez diharduten kudeatzaileen kasuan, Hainbat zerga neurri buruzko apirilaren 6ko 2/2004 Foru Arauaren bosgarren xedapen gehigarrian ezarritakoaren arabera izendatutako ordezkariak egin behar du atxikipena edo konturako sarrera.

5.^a Aurreko zenbakietan ezarritakoarekin bat etorritik atxikipenik egin behar ez den kasuetan, konturako ordainketa egin beharko du eskualdaketa egin edo itzulketa lortzen duen bazkideak edo partaideak. Konturako ordainketa hori erregelamendu honetako 53. artikuluko 4. apartatuko lehenengo paragrafoan, 54. artikuluko 3. apartatuan eta 55. artikuluko d) letran ezarritako arauarekin bat egin behar da.

7.⁴¹ Zerbitzu prestazio librean jarduten duten Europako Esparru Ekonomikoko beste estatu batean helbideratuta dauden aseguru entitateek Espainian egindako

⁴¹ Apartatu hau, abenduaren 29ko 88/2015 Foru Dekretuaren 2. artikulua Bigarren ordinala aldatu du. Aipatu Foru Dekretuak, Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatu eta ondare elementuen eskualdaketa lortutako errentak bi zerga horietan kalkulatzearren 2016an aplikatuko

eragiketetan, atxikipena edo konturako sarrera egiteko obligazioa aseguru entitate berak izango du.

8. Atxikitza behartuta dauden subjektuek diru Gipuzkoako Foru Aldundian egiteko betebeharra onartuko dute; eta lehenengoa bete gabe izan arren, bigarrena berdin bete beharko dute.

Etekin ordaintzen duen erakundea Foru Aldundia denean, etekin horri dagozkion atxikipena eta diru sarrera zuzenean egingo dira.

52. artikulua. Aktibo finantzarioen kalifikazioa eta horiek eskualdatu, itzuli eta amortizatze betekizun fiskalak.

1. Etekin jarraian adieraziko diren zenbateko bien arteko diferentzia eginez zehazten duten aktibo finantzarioak hartuko dira etekin inplizituko finantza-aktibotzat. Zenbateko horiek biak hauek dira: batetik, jaulkipenean, lehen aldiz merkaturatzean edo endosuan ordaindutako zenbatekoa; bestetik, etekina, osorik edo zati batean, besteren errekursoak erakartzeko erabiltzen diren edozein balore higigarriren bidez zehazten duten eragiketek mugaeguneratzean itzultzeko konprometitutako zenbatekoa.

Jaulkipen, amortizazio eta itzulketa primak etekin inplizituen barruan sartuko dira.

Aldiz, ez dira etekin inplizituak izango aktibo finantzarioak merkaturatzeko hobariak edo primak, jaulkipen prezioaren gainekoak, baldin eta halakoak ematea merkaturako jardunbideen barruan sartzen bada eta prima edo hobariok, osorik, sarrera badira xedapen honetan araututako aktibo finantzarioak jaulki eta zirkulazioan jartzen jarduten duen bitarteko, bitartekari edo merkaturatzaile finantzarioarentzat.

Etekin inplizituko aktibo finantzariotzat hartuko dira edozein igorpen tresnatatik datozen etekinak, merkataritzako eragiketek sortutakoak barne, tresna hori endosatzen edo eskualdatzen den unetik aurrera, non eta endosua edo lagapena ez den gauzatzen hornitzaileen kreditu baten ordainketa gisa.

2. Etekin esplizituko aktibo finantzariotzat hartuko dira interesak edo kapital propioak hirugarrenei lagatzearen ordainez itundutako beste edozein ordainsari sortzen dituztenak, baldin eta sortzen den kontraprestazioa ez bada sartzen aurreko zenbakian definitutako etekin inplizituen kontzeptuaren barruan.

3. Etekin mistoko aktibo kasuan etekin esplizituko aktibo finantzarioen araubidea aplikatuko da, baldin eta urtean sortzen den izaera horretako eskudirua jaulkipenaren unean indarrean zegoen erreferentzia tasaren berdina edo hura baino handiagoa bada, nahiz eta jaulkipen, amortizazio edo itzulketa baldintzetan era inplizituan beste etekin gehigarriren bat finkatu. Erreferentzia tasa hori honako hau izango da hiruhileko natural bakoitzean: aurreko hiruhilekoan Estatuaren bonoekin egindako azken enkantean ateratako batez besteko prezio haztatu eta biribilduari dagokion tasa efektiboaren 100eko 80. Horretarako, lau urteko edo hortik beherako epea duten aktibo finantzarioak badira, hiru urterako bonoen enkanteko prezioa hartuko da; lau eta zazpi urte bitarteko epea duten aktibo finantzarioak badira, bost urterako bonoen enkanteko prezioa hartuko da; eta, azkenik, epe handiagoa duten aktibo finantzarioak badira, hamar, hamabost edo hogeita hamar urterako obligazioen enkanteko prezioa hartuko da. Eperen baterako erreferentzia tasa zehaztu ezin bada, prestatutako jaulkipenaren epetik hurbilen dagoen epeari dagokion tasa aplikatuko da.

diren eguneratze koefizienteak onartzen ditu. Foru Dekretua Gipuzkoako Aldizkari Ofizialean argitaratzen den egunean bertan jarriko da indarrean. Aldaketa, ordea, 2016ko urtarrilaren 1etik aurrera aplikatuko da. (2015-12-30eko GAO).

Apartatu honetan ezartzen denerako, etekin aldakorra edo flotatzailea duten aktibo finantzarioen jaulkipenetan hau izango da eragiketa horien interes efektiboa: eragiketaren barne errendimenduko tasa. Dena dela, etekin esplizituak bakarrik hartuko dira kontuan, eta, gainera, tasa hori kalkulatzeko aintzat hartuko da sortutako etekinen behin betiko zenbatekoa aldizka finkatzeko erabiltzen den parametroaren hasierako balioespena.

Nolanahi ere, etekin mistoko zor publikoa bada eta haren kupoiak eta amortizazio-zenbatekoa prezioen indize bat aintzat hartuta kalkulatzen badira, lehenengo paragrafoko ehunekoa 100eko 40 izango da.

4. Eskualdaketaren, amortizazioaren edo itzulketaren unean atxikipena jasan behar duten etekin inplizituko aktibo finantzarioak edo tituluak nahiz eta etekin esplizituko aktibo finantzarioak besterentzeko edo haien itzulketa lortzeko, egiaztatu beharko da aktibo eta titulu horiek aurretik eskuratu direla eta eskuraketa horretan parte hartu dutela atxikipena egin behar duten fede emaileek edo finantza erakundeek, eta egiaztatu beharko da, halaber, zein izan den eragiketa horren prezioa.

Igorpen tresna bat zirkulazioan jarri ostean aktibo finantzario bihurtzen denean, lehenengo endosu edo lagapena fede emaile publikoaren edo finantza erakundearen bitartez egin beharko da, endosu hartzailea edo eskuratzaila bera finantza erakundea denean izan ezik. Fede emaile edo finantza erakundeak agirian jasoko du aktibo hori finantza-aktiboa dela, eta haren lehenengo eskuratzaila edo edukitzailea identifikatuko du.

5. Aurreko apartatuan ezartzen denerako, pertsona edo entitate jaulkitzaileak, haren kontura jarduten duen finantza erakundeak, fede emaile publikoak edo eskuratzailaren edo gordailugilearen kontura jardun edo esku hartzen duen finantza erakundeak, kasu bakoitzean dagokionak, honakook egiaztatzen dituen agiria egin beharko du:

- a) Eragiketaren data eta aktiboaren identifikazioa.
- b) Eskuratzailaren izena.
- c) Eskuratzaila edo gordailugile horren identifikazio fiskaleko zenbakia.
- d) Eskurapen prezioa.

Hirukoizturik egingo den ziurtagiri horren bi ale eskuratzailari emango zaizkio, eta bestea ziurtagiria egiten duen pertsonaren edo entitatearen eskuetan geratuko da.

6. Finantza entitateek edo fede emaile publikoek ez dute bitartekari bezala jardun edo esku hartuko aktiboon eskualdaketan, baldin eta eskualdatzaileak ez badu justifikatzen –artikulu honetan xedatutakoarekin bat– aktiboak eskuratu dituela.

7. Aurreko 4. apartatuan aipatzen diren finantza aktiboen pertsona edo entitate jaulkitzaileek ezin dute haien itzulketa egin, baldin eta edukitzaileak ez badu justifikatzen aktiboa aurretik eskuratu dituela; aurreko 5. apartatuan zehazten denaren arabera ziurtagiria erabili behar du horretarako.

Jaulkitzaileak edo eragiketaz arduratzen den finantza erakundeak, aurreko paragrafoan ezarritakoaren arabera, ezin badiote itzulketa egin edukitzaileari, orduan kopuru horretako gordailu bat osatu beharko dute, eta agintaritza judizialaren esku utzi.

Aktiboak berrerosi, erreskatatu, kitatu edo aldeztu aurretik amortizatzeke, finantza erakundearen edo fede emaile publikoaren bitartekotza edo esku hartzea behar da. Aktiboa jaulki duen entitate edo pertsona eskuratzaila huts moduan geratuko da, titulua berriro zirkulazioan jarritz gero.

8. Tituluaren edukitzaileak, titulua erosi zuela frogatzen duen ziurtagiria galduz gero, haren kopia bikoiztua emateko eskatu ahal izango dio ziurtagiria eman zion pertsona edo entitateari.

Pertsona edo entitate horrek jasota utziko du kopia hori jatorrizkoaren bikoiztua dela, bai eta agiria zein egunetan eman duen ere.

9. Dohaineko eskualdaketetan, eskuratzaileak subrogatu egingo du eskualdatzailearen eskurapen balioa, harik eta kostu horren justifikazio nahikoa lortu arte.

53. artikulua. Atxikipena eta konturako sarrera egiteko betebeharraren kalkulurako oinarria.

1. Oro har, egin beharreko atxikipena egiteko betebeharraren kalkulurako oinarria exijigarria den edo ordaindu den kontraprestazio osoa izango da.

2. Aktibo finantzarioen amortizazio, itzulketa edo eskualdaketaren kasuan, aktiboon amortizazio, itzulketa edo eskualdaketa balioaren eta eskurapen eta harpidetza balioaren arteko diferentzia positiboa izango da atxikipena egiteko betebeharraren kalkulurako oinarria. Eskuraketa egiaztatzeko ziurtagirian agertzen den balioa hartuko da eskuraketa baliotzat. Ondorio horietarako, balio horretan ez dira eragiketaren gastu osagarriak gutxituko.

Eskualdatzaileari dagokion atxikipenaren kalterik gabe, entitate jaulkitzaileak berak jaulkitako aktibo finantzarioak eskuratzen badu, titulua gero edozein eratan eskualdatuz –amortizazioaren bidez izan ezik– lortzen duen etekinaren gainean egingo da atxikipena edo sarrera.

3. Atxikipena egiteko betebeharra erregelamendu honetako 49. artikuluko 1. apartatuko b) letran ezarritakoari jarraikiz sortzen bada, sariaren zenbatekoa izango da atxikipena kalkulatzeko oinarria.

4. Atxikipena egiteko betebeharra erregelamendu honetako 49. artikuluko 1. apartauko f) letran ezarritakoari jarraikiz sortzen bada, atxikipen oinarria hau izango da: akzio edo partaidetzen eskualdaketa edo itzulketa balioaren eta eskuraketa balioaren arteko diferentzia. Horretarako, zergadunak lehenengo eskuratu zituen baloreak hartuko dira eskualdatu edo itzultitako baloretzat.

Aurreko paragrafoan baloreen antzintasunari buruz zehazten dena partaideen edo akziodunen erregistroan jasota dauden baloreei dagokienez aplikatuko du itzulketa edo eskualdaketa egiten duen entitate kudeatzaile edo merkaturatzaileak, honako bi kasu hauetan: batetik, Inbertsio Kolektiboko Erakundearen azaroaren 4ko 35/2003 Legean araututako inbertsio funtsetako partaidetzen itzulketa bada eta partaidetza horientzat, lege horretako 40. artikuluko 3. apartatua aplikatuz, partaideen erregistro bat baino gehiago badago; bestetik, atzerrian helbideratutako inbertsio kolektiboko erakundeetako akzioak edo partaidetzak eskualdatu eta itzultzen badira eta akzio edo partaidetza horiek Espainiako lurraldean merkaturatu edo banatu baziren.

5. Atxikipena egiteko betebeharra erregelamendu honetako 49. artikuluko 3. apartatuan ezarritakoari jarraikiz sortzen bada, ondasunaren merkatuko balioa izango da hura kalkulatzeko oinarria.

Horretarako, hau hartuko da merkatuko baliotzat: ordaintzailearentzako eskurapen balio edo kostua 100eko 20 gehituz ateratzen dena.

6. Exijigarria den edo ordaindu den kontraprestazio osoa frogatzerik ez badago, Zerga Administrazioak hau konputatu ahal izango du haren zenbateko oso moduan: egin beharreko atxikipena kenduz benetan jasotakoa erakusten duen zenbatekoa.

7. Atxikipena eta konturako sarrera egiteko betebeharra zergaren foru arauak 45. artikuluan 2. apartatuan ezarritakoari jarraikiz sortzen bada, balio hitzartuaren eta merkatu balioaren arteko diferentzia izango da hura kalkulatzeko oinarria.

54. artikulua. Atxikipena eta konturako sarrera egiteko betebeharra sortzea.

1. Oro har, atxikipena eta konturako sarrera egiteko betebeharra sortuko da edo exijigarriak direnean atxikipenaren edo konturako sarreraren menpean dauden etekinak –diruzkoak eta gauza bidezkoak–, edo etekinok ordaindu edo ematen diren unean, ordainketa edo ematea lehenago gertatzen bada.

Interesei dagokienez, kontratuan edo eskrituran haiek likidatzeko edo kobratzeko jasotzen diren mugaegunetan izango dira galdagarriak interesak, edo kontuan beste era batera aitortzen direnean, nahiz eta hartzaileak haien kobrantza erreklamatu ez arren edo etekinak eragiketaren printzipalari pilatu arren. Dibidenduak, berriz, haiek banatzeko akordioan ezarritako datan izango dira exijigarriak, edo, data hori zehaztu ez bada, banaketa erabakitzen den egunaren biharamunetik aurrera.

2. Aktibo finantzarioen eskualdaketa, amortizazio edo itzulketatik datozen etekinen kasuan, eragiketa formalizatzen den unean sortuko da atxikipena edo konturako sarrera egiteko betebeharra.

3. Inbertsio kolektiboko erakundeen kapitala edo ondarea ordezkatzan duten akzioak edo partaidetzak eskualdatu edo itzultzearen ondorioz lortutako errenten kasuan, eragiketa formalizatzen den unean sortuko da atxikipena edo konturako sarrera egiteko betebeharra, kobratzeko itundutako baldintzak edozein direla ere.

55. artikulua. Atxikipenaren eta konturako sarreraren portzentajea.

Atxikipenaren edo konturako sarreraren portzentajea haxe izango da:

a) Oro har, 100eko 19.

b) Irudiaren ustiapenerako eskubidea lagatzetik edo irudia erabiltzeko onarpen edo baimenetik datozen errenten kasuan, 100eko 24 izango da.

c) Hiri higiezinaren errentamendu edo azpierrementamenduen kasuan, 100eko 19 izango da.

d) Inbertsio kolektiboko erakundeen kapitala edo ondarea ordezkatzan duten akzioak edo partaidetzak eskualdatu edo itzultzearen ondorioz lortutako ondare irabazien kasuan, 100eko 19 izango da.

e) Zenbatekoa dela-eta loteria eta apustu jakin batzuetako sarien gaineko karga bereziari lotuta dauden eta, beraz, salbuetsita ez dauden loteria eta apustuen sarien kasuan, 100eko 20 izango da (karga berezi hori Gipuzkoako lurralde historikoko Pertsona Fisikoen Errentaren gaineko Zergaren urtarilaren 17ko 3/2014 Foru Arauaren hamazortzigarren xedapen gehigarrian arautzen da).

Kasu horretan, lotuta eta salbuetsi gabe dagoen sariaren zenbatekoaren gainean aplikatuko da atxikipena, xedapen horretan ezarritakoaren arabera.

56. artikulua. Atxikipenaren eta konturako sarreraren zenbatekoa.

Atxikipenaren eta konturako sarreraren zenbatekoa zehazteko, aurreko artikuluan aipatzen den portzentajea aplikatuko zaio kalkulu oinarriari.

57. artikulua. Atxikitzailaren eta konturako sarrera egin behar duenaren betebeharrak.

1. Atxikitzailleak eta konturako sarrera egin behar duenak, hiru hilean behin, aurreko lehen hiruhileko naturalean atxikitako eta kontura sartutako zenbatekoen aitorpena aurkeztu behar diote Zerga Administrazioaren organo eskudunari, eta zenbateko horiek Gipuzkoako Foru Aldundian sartu behar dituzte.

Dena den, aurreko paragrafoan aipatutako aitorpena eta ordainketa hilean behin egingo dira, aurreko lehen hilabetean egindako atxikipenei eta konturako sarrerei dagokienez, baldin eta atxikitzailleak eta kontura sartzera behartutakoak abenduaren 29ko 1624/1992 Errege Dekretuaren bidez onetsitako Balio Erantsiaren gaineko Zergaren Erregelamenduko 71. artikuluen 3. apartatuko 1. eta 2. zenbakietan jasotzen diren egoeretan badaude.⁴²

Atxikitzailleak edo konturako sarrera egin behar duenak aitorpen negatiboa aurkeztuko du, baldin eta atxikipenaren eta konturako sarreraren menpeko errentak ordaindu arren ez badu inolako atxikipenik edo konturako sarrerarik egin, ordaindutako errenten zenbatekoa dela eta. Ezingo da aitorpen negatiborik aurkeztu baldin eta aitorpen epean zehar ez bada ordaindu atxikipenaren eta konturako sarrerari lotutako errentarik.

2. Atxikitzailleak edo konturako sarrera egin behar duenak urtean egindako atxikipenen eta konturako sarreraren urteko laburpena aurkeztu behar du. Laburpen horretan, identifikazio datuez gainera, jasotzaileen izen zerrenda egon dadin exijitu ahal izango da, eta zerrenda horrek honako datu hauek izango ditu:

a) Entitatearen izendapena.

b) Identifikazio fiskaleko zenbakia.

c) Lortutako errenta, eta adierazi behar da zein den kontzeptu bakoitzaren identifikazioa, deskripzioa eta izaera, bai eta errenta horiek zer ekitalditan sortu diren ere.

d) Aplikatu den atxikipena edo egin den konturako sarrera.

Aurreko paragrafoetan ezarritako betebeharrak horiexek bete beharko dituzte Espainiako lurraldean egoiliarak diren edo Espainiako lurraldean ordezkariak duten entitateek, baldin eta besteren kontura atxikipenari lotutako errentak ordaintzen badituzte edo baloreen errenten kobrantsa kudeatzen badute edo haien gordailuzainak badira.

3. Atxikitzailleak edo konturako sarrera egin behar duenak kontura egindako sarreraren eta atxikipenen ziurtagiria eman behar dio zergadunari, baita zergadunari dagozkion gainerako datuena ere, baldin eta datuok aurreko apartatuan aipatzen diren urteko laburpenean sartu behar badira.

Ziurtagiri hori zergadunaren esku jarri behar da, zerga honen aitorpena aurkezteko epea hasi baino lehen.

Aurreko paragrafoetan ezarritako betebeharrak horiexek bete beharko dituzte Espainiako lurraldean egoiliarak diren edo Espainiako lurraldean ordezkariak duten entitateek, baldin eta besteren kontura atxikipenari lotutako errentak ordaintzen badituzte edo baloreen errenten kobrantsa kudeatzen badute edo haien gordailuzainak badira.

⁴² Paragrafo hau abenduaren 3ko 55/2024 Foru Dekretuaren 2. artikuluko bost apartatuak aldatu du. Aipatutako foru dekretuak 2024. urterako zenbait zerga aldaketa onesten dituen maiatzaren 10eko 1/2024 Foru Arauaren aldaketa batzuk eta zerga arloko beste arau batzuk erregelamendu bidez garatzen ditu. Foru dekretua Gipuzkoako Aldizkari Ofizialean argitaratzen den biharamunean sartzen da indarrean (2024/12/5eko GAO).

4. Ordaintzaileek, errentak ordaintzen dituzten unean, egin dieten atxikipena edo konturako sarrera jakinarazi behar diete zergadunei, eta aplikatu dieten portzentajea adierazi.

5. Artikulu honetan aipatutako aitorenak Ogasun eta Finantza Departamentuko foru diputatuak errenta mota bakoitzerako ezartzen dituen ereduetan, eran, lekuan eta epeetan egingo dira. Era berean, foru diputatuak zehaztu ahal izango du aurreko 2. apartatuan jasotzen diren datuetatik zein sartu behar diren aitorenetan. Atxikitzaileak edo konturako sarrera egin behar duenak, bestalde, hari eragiten dioten datu guztiak jaso behar ditu aitorenetan.

6. Erregelamendu honetako 51. artikulua 6. apartatuko 4. zenbakian aipatzen den konturako sarreraren edo ordainketaren aitoren Ogasun eta Finantza Departamentuko foru diputatuak ezartzen dituen eran, lekuan eta epean egin behar da.

58. artikulua. Ordainketa zatikatuak.⁴³

1. Zergaren foru arauak 130 bis artikuluan jasotakoaren arabera, zergadunek ordainketa zatikatu bat autolikidatu eta egin beharko dute urriaren 1ean abian den zergaldiko likidazioaren kontura.

Eragiketa bolumenaren arabera tributatzen duten zergadunen kasuan, ordainketa zatikatuak Gipuzkoan egingo dira Gipuzkoari dagokion eragiketa bolumenaren proportzioan. Ondorio horietarako, azken autolikidazioan kalkulaturako proportzioa aplikatuko da.

2. Ogasun eta Finantza Departamentuko foru diputatuak erabaki ahal izango du ordainketa zatikatua ofizioz likidatzea Foru Aldundiak, eta, horretarako, ezarriko du zein kasutan erabili likidatzeko modu hori.

Xedapen gehigarri lehena. Administrazioa aurretik lotesteko prozedurak.

1. Zergaren foru arauaren 53. artikuluko 5. apartatuan eta 61. artikuluko 2. apartatuan aurreikusten diren kasuetan, administrazioa aurretik lotesteko prozedura, artikulu horietan aipatua, izapidetuko da kontuan hartuta Gipuzkoako Lurralde Historikoko zerga kudeaketari eta zerga arloko jarduketa eta prozeduren arau komunei buruzko Erregelamenduak, apirilaren 21eko 5/2020 Foru Dekretuaren bidez onetsiak, 20. artikuluan xedatutakoa.⁴⁴

2. Aipatutako 20. artikulua 4. apartatuko bigarren paragrafoan xedatutakoa eragotzi gabe, administrazioa aurretik lotesteko prozedura hasteko eskaerak honako hauek jaso beharko ditu zergaren foru arauko 53.5 artikuluan aurreikusten diren kasuetan.⁴⁵

⁴³ Artikulu hau abenduaren 27ko 31/2018 FORU DEKRETUAREN 2. artikulua zazpi apartatuak gehitu du. Aipatutako foru dekretuak Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituena eta ondare elementuen eskualdaketa lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen ditu. Foru dekretua Gipuzkoako Aldizkari Ofizialean argitaratzen den egunean jarri da indarrean, (2018-12-31ko GAO) eta aldaketak 2018ko urtarrilaren 1etik aurrera hasten diren zergaldietan ditu ondorioak.

⁴⁴ Apartatu hau apirilaren 21eko 5/2020 Foru Dekretuaren hirugarren azken xedapenak aldatu du. Aipatutako foru dekretuak Gipuzkoako Lurralde Historikoko zerga kudeaketari eta zerga arloko jarduketa eta prozeduren arau komunei buruzko Erregelamendua onesten du. Gipuzkoako Aldizkari Ofizialean argitaratu eta hilabetera jarriko da indarrean, (2020-04-27ko GAO).

⁴⁵ 2. Apartatuko sarrera hau apirilaren 21eko 5/2020 Foru Dekretuaren hirugarren azken xedapenak aldatu du. Aipatutako foru dekretuak Gipuzkoako Lurralde Historikoko zerga kudeaketari eta zerga arloko jarduketa eta prozeduren arau komunei buruzko Erregelamendua onesten du. Gipuzkoako Aldizkari Ofizialean argitaratu eta hilabetera jarriko da indarrean, (2020-04-27ko GAO).

- a) Ekintzailletza sustatzeko eta ekoizpen jarduera sendotzeko erreserba berezia zuzkitzeko erabili den mozkinaren sortu den zergaldiko emaitza aplikatzeko proposamena.
- b) Mozkinaren sortu den zergaldiko zerga oinarriaren kuantifikazioa.
- c) Entitateak zerga ondorioetarako duen ondare garbiaren xehetasuna.
- d) Ekintzailletza sustatzeko eta ekoizpen jarduera sendotzeko erreserba bereziaren aurreko lau ekitaldietako xehetasuna eta mugimenduak.
- e) Ekintzailletza sustatzeko eta ekoizpen jarduera sendotzeko erreserba berezirako zuzkidura erabili nahi den entitateetako partaidetzari buruzko azalpen zehatza.
- f) Azalpen memoria bat, non jasoko den partaidetza eskuratu nahi zaion entitateak zer enpresa proiektu garrantzitsu egiten dituen; halako proiektuek jarduera, produktu edo merkatu berrien garapena, lehendik daudenak handitu edo finkatzea edo lanpostu egonkorak sortzea eragin behar dute.
- g) Inbertsio horiek partaidetutako entitatearen zerga ondorioetarako ondare garbiaren gehikuntza nabarmena ekarriko dutela justifikatzea.
- h) Partaidetutako entitateak kapitalen merkatuetan sartzeko zailtasunak dituela justifikatzea; egin beharreko inbertsioen tamaina, berritasun edo arriskuak eragindako zailtasunak izan behar dira.
- i) Zergadunaren eta partaidetutako entitatearen arteko harremana eratuko duten kontratuko elementuei buruzko azalpena, bai eta egingo diren proiektuetan bakoitzak hartuko dituen arriskuei buruzkoa ere.
- j) Partaidetutako entitateak zergaren foru arauaren 13. artikuluko 3. apartatuko a) eta c) letretan ezarritako betekizunak betetzen dituela justifikatzea.
- k) Justifikatzea partaidetza ez zaiola eskuratu zergaren foru arauaren 42. artikuluko 3. apartatuan adierazten denaren arabera pertsona edo entitate lotua den bati.
- l) Ekintzailletza sustatzeko eta ekoizpen jarduera sendotzeko erreserba bereziaren saldoa aplikatuz eskuratuko diren partaidetzak eskuratzeko egutegia eta epeak.
- m) Inbertsioak eskurapenaren osteko hurrengo bost ekitaldietan izango duen eragin ekonomikoa; zehaztu behar da zer zerga ondorio aurreikusten diren ekintzailletza sustatzeko eta ekoizpen jarduera sendotzeko proiektua martxan jartzearen ondorioz.

3. Administrazioa aurretik lotesteko prozedura hasteko eskabidean honako hauek jaso behar dira, zergaren foru arauaren 61. artikuluko 2. apartatuan aurreikusten diren kasuetan:

- a) Entitatearen aktibo ez-korronteko elementuetan egiten diren inbertsioak kontabilitatean hobekuntza moduan agertzen direla justifikatzea.
- b) Zergaren foru arauaren 61. artikuluko 1. eta 3. apartatuetan ezartzen diren betekizunak betetzen direla justifikatzea.
- c) Txosten tekniko bat, non egiaztatzen den inbertsioak garrantzitsuak direla, kopuruagatik edo izaeragatik, eta garrantzi horrek egiturazko aldakuntza edo aldakuntza funtzionalak dakartzala hobekuntza egin zaion aktiboan, eta, aldakuntza horien ondorioz, aktibo hori beste xede batzuetarako erabili daitekeela.

d) Aktiboak aurretik zeukan xedea aldatzeko beharrezkoak diren administrazio baimenak.

e) Inbertsioak egiteko egutegia eta epea, bai eta zehaztea aktibo zein unetatik aurrera egongo den xede berrian funtzionatzeko moduan.

Bigarren xedapen gehigarria. Higiezinetako inbertsio kolektiboko erakundeen araubidea.

1. Higiezinetako inbertsio sozietateek eta higiezinetako inbertsio funtsek zergaren foru arauaren 56. artikuluko 4. apartatuan aurreikusitako karga tasa aplikatu ahal izateko, etxebizitzetan eta ikasleen eta adinekoen egoitzetan egin behar dute euren inbertsioen 100eko 50, gutxienez. Bada, ehuneko hori zenbatzean kontuan hartuko dira Inbertsio Kolektiboko Erakundeei buruzko azaroaren 4ko 35/2003 Legea garatzeko Erregelamenduko 86. artikuluko 1. apartatuko a) eta b) letretan aurreikusitako inbertsioak (erregelamendu hori 2012ko uztailaren 13ko 1082/2012 Errege Dekretuaren bidez onetsi zen), baldin eta 86. artikuluko 1. apartatuko b) lettran ezarritako kasuetan, gainera, erregela hauek betetzen badira:

a) Eraikitzen ari diren ondasun higiezinak Jabetza Erregistroan inskribatuta egon behar dira.

b) Higiezinok etxebizitzak, ikasleen egoitzak edo adinekoen egoitzak izan behar dira.

2. Ikasleen egoitzak hauek dira: ikasleen bizileku izateko berariaz diseinatu edo egokitutako higiezinak, modu ofizialean halakotzat aitortuta badaude.

Halaber, adinekoen egoitzak hauek dira: adinekoen bizileku izateko berariaz diseinatu edo egokitutako higiezinak, horretarako baimen ofiziala dutenak.

3. Xedapen gehigarri honetan azaldutako inbertsio koefizientea zenbatzeko hau aplikatuko da: Inbertsio Kolektiboko Erakundeei buruzko azaroaren 4ko 35/2003 Legea garatzeko Erregelamenduko 90. artikuluan ondasun higiezinetan egindako inbertsioaren ehunekoa zehazteko ezarritakoa (erregelamendu hori 2012ko uztailaren 13ko 1082/2012 Errege Dekretuaren bidez onetsi zen).

4. Zergaren foru arauaren 56. artikuluko 4. apartatuan ezarritako karga tasa behin-behinean aplikatu ahal izango zaie higiezinetako inbertsio sozietate eta inbertsio funts berriei, honako hau betez gero: bi urtez zergaren foru arauaren 78. artikuluko 2. apartatuan exijitzen den inbertsio ehunekora iritsi behar dira, Balore Merkatuaren Batzorde Nazionalean dagokien erregistroan inskribatzen direnetik zenbatuta. Aurrekoa bete ezean, igarotako ekitaldietako sozietatearen gaineko zergaren tributazioa ekitaldi bakoitzean indarrean zegoen karga tasa orokorra aplikatuz kalkulatu da, eta berandutze interesak ordaindu beharko dira.

5. Konpartimentuka ari diren higiezinetako inbertsio sozietate eta inbertsio funtsen kasuan, xedapen gehigarri honetan ezarritakoa konpartimentu bakoitzeko bete behar da.

Hirugarren xedapen gehigarria. Balore jakin batzuk dauzkaten entitateen araubidea aplikatzea.

1. Zergaren foru arauaren hamalagarren xedapen gehigarrian ezarritako araubidea aplikatu aurretik horretarako eskabidea egin behar du zergadunak, xedapen gehigarri honetan ezartzen den eran.

2. Eskabidea erregelamendu honetako 44. artikuluan ezarritako prozedura orokorraren arabera egin behar zaio Zerga Administrazioari, tramitatua izateko, eta eskabide horrek hurrengo apartatuetan ezarritako berezitasunak izango ditu.

3. Araubide hori aplikatzeko eskabidearekin batera honako agiri hauek aurkeztu behar dira:

a) Entitatea eratzeko eskrituraren kopia.

b) Estatutuen kopia eta, hala denean, estatutu horiek aldatzeko proiektua.

c) Enpresa nazioartera zabaltzeko proiektua justifikatzen duen memoria bat aurkeztu behar dute; proiektu horrek enpresen internazionalizazioa sustatu behar du edo jarduera edo merkatu berriei ekitea bultzatu behar du.

d) Entitateak dituen partaidetzen zerrenda, bakoitzaren partaidetza portzentajea eta kotizatuak diren ala ez nahiz haien kontabilitate balioa zehaztuta; partaidetza horien artean entitateak aurreko c) letran aipatzen den proiektuaren bidez eskuratu nahi dituen partaidetzak ere sartu behar dira.

4. Eskabidea aurkeztu behar da, hain zuzen ere, zergaren foru arauaren hamalagarren xedapen gehigarrian ezarritako araubideak ondorioak sortzea nahi den lehenengo zergaldia hasi aurretik.

5. Ogasuneko zuzendari nagusiari dagokio tributazio araubide hori aplikatzeko baimena ematea, Ikuskaritzako Zuzendariordetza Nagusiak txostena egin ondoren.

6. Entitate batek uko egin nahi badio zergaren foru arauaren hamalagarren xedapen gehigarrian ezarritako araubidea aplikatzeari Zerga Administrazioari jakinarazi beharko dio, uko horrek ondorioak sortzea nahi den zergaldiko lehenengo hiru hilabeteetan.

Laugarren xedapen gehigarria. Balore jakin batzuk dauzkaten entitateen araubidea errebokatzea.

1. Zerga Administrazioak errebokatu egin ahal izango du zergen foru arauaren hamalagarren xedapen gehigarrian ezarritako araubidea aplikatzeko baimena, baldin eta egiaztatzen bada funtsean ez dela bete zergadunak garatu nahi zuen enpresa nazioartera zabaltzeko proiektua, enpresen internazionalizazioa sustatu edo jarduera edo merkatu berriei ekitea bultzatu behar zuena.

2. Zergaren foru arauaren hamalagarren xedapen gehigarrian ezarritako araubidea aplikatzeko baimena eman zaion zergapeko bati zergen kudeaketari buruzko edo ikuskapenerako egiten zaion prozedura batean agerian jarritako arrazoizko zantzuek pentsarazten badute ez direla bete –aurreko zenbakian ezarritakoarekin bat– baimena emateko ezarri ziren baldintzak, bada, orduan, txosten bat emango da. Eta txosten horretan jasoko da, hain zuzen ere, zer elementu erabili diren ez-betetzea frogatzeko eta zer egunetatik aurreikusten den izango lituzkeela ondorioak araubide berezia errebokatzeko erabakiak.

Administrazio espedientea ikusita, Ogasuneko zuzendari nagusiak baimena errebokatzeko prozedura hasteko erabakia hartuko du, hala badagokio, eta horretarako eskuduna den zuzendariordetzari aginduko dio prozeduraren instrukzioa egitea. Zuzendariordetzak, bere aldetik, erabaki dezake edo instrukzioa egintzak berak egitea, edo instrukzio hori bere menpeko funtzionario bati eskuordetzea.

3. Aurreko apartatuan aipatutako erabakia zergadunari jakinaraziko zaio, emandako txostenarekin batera, eta hamabost egun balioduneko epea emango zaio bere eskubideen alde egokitze jotzen dituen agiri eta alegazioak aurkez ditzan.

Gainera, egokitze jotzen diren instrukzio egintza guztiak egin ahal izango dira, eta zergapekoak ezin izan badu haien gaineko alegaziorik egin, prozedura

ebazteko proposamena egin aurretik, espedientea ikustera emango zaio eta alegazioak aurkezteko hamar egun balioduneko beste epe bat ere emango zaio.

4. Instrukzioa amaituta eta espedientean jasota dauden elementu guztiak ikusita, zuzendariordetza eskudunak prozedura ebazteko proposamena egingo dio Ogasuneko zuzendari nagusiari, eta proposamen horretan, gutxienez, honako hauek zehaztu behar dira:

a) Ea errebokatu egin behar den ala ez zergaren foru arauaren hamalaugarren xedapen gehigarrian ezarritako araubidea aplikatzeko eman zen baimena.

b) Espedientean agerian jarritako egitezko zer elementuk justifikatzen duten egindako ebazpen proposamena.

c) Errebokazio erabakia proposatzen bada, zehaztu behar da errebokatzeak zer egunetik sortu behar dituen ondorioak. Egun hori prozedura hasi zen egunaren aurreko egun bat izan daiteke, baina, nahitaez, araubide bereziaz gozatzeko ezarritako baldintzak ez-betetzeari buruzko ebidentziak dauden egunetik aurrerako egun bat izan behar da.

5. Ogasuneko zuzendari nagusiak, administrazio espedientea ikusita, ebazpena emango du, eta erabakiko du baimena errebokatzea edo prozedura artxibatzea. Ebazpena edozein dela ere, haren edukiaren berri eman behar zaio zergadunari.

Bosgarrena xedapen gehigarria. Atxikipena eta konturako sarrera egiteko 2014 eta 2015erako portzentajea.

1. 2014ko urtarrilaren 1etik abenduaren 31ra bitarteko ondorioetarako, biak barne, erregelamendu honetako 56. artikulua a), c) eta d) letretan jasotako atxikipeneko eta konturako sarrerako portzentajea 100eko 21 izango da.

2.⁴⁶ 2015eko urtarrilaren 1etik uztailaren 11 bitartean, erregelamendu honen 55. artikuluko a) letran aipatzen den atxikipena eta konturako sarrera 100eko 20 izango da. 2015eko uztailaren 12tik abenduaren 31ra bitartean, portzentaje hori 100eko 19,5 izango da.

3.⁴⁷ 2015eko urtarrilaren 1etik 79/2015 Foru Dekretua, irailaren 1ekoa indarrean sartu bitartean, erregelamendu honetako 55. artikulua c) eta d) letretan aipatutako atxikipeneko eta konturako sarrerako portzentajea 100eko 20 izango da. Portzentaje hori 100eko 19,5 izango da 79/2015 Foru Dekretua indarrean sartzen denetik abenduaren 31ra bitartean.

Seigarren xedapen gehigarria. (indarrrik gabea)⁴⁸

Zazpigarren xedapen gehigarria. (indarrrik gabea).⁴⁹

⁴⁶ Apartatu hau uztailaren 28ko 73/2015 FORU DEKRETUAREN 2. artikulua aldatu du. Aipatutako foru dekretuak Pertsona Fisikoen gaineko Zergan eta Sozietateen gaineko Zergan zenbait atxikipen eta konturako sarrera 2015. urterako aldatzen ditu. Foru dekretua Gipuzkoako Aldizkari Ofizialean argitaratu ondorengo egunean jarri da indarrean (2015-07-30ko GAO). Aldaketak 2015eko urtarrilaren 1etik aurrera sortzen ditu ondorioak.

⁴⁷ Apartatu hau irailaren 1eko 79/2015 FORU DEKRETUAREN 2. artikulua aldatu du. Aipatutako foru dekretuak ondasun higiezinaren errentamendutik eta azpierrementamendutik eta inbertsio kolektiboko erakundearen akzio eta partaidetza eskualdaketa edo itzulketetatik datozen etekinei aplikatu beharreko atxikipenak eta konturako sarrerak 2015. urterako aldatzen ditu. Foru dekretua Gipuzkoako Aldizkari Ofizialean argitaratu egunean jarri da indarrean (2015-09-02ko GAO). Aldaketak 2015eko urtarrilaren 1etik aurrera sortzen ditu ondorioak.

⁴⁸ Xedapen gehigarri hau abenduaren 3ko 56/2024 Foru Dekretuaren artikulua bakarreko hamar apartatuak indarrrik gabe utzi du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

Zortzigarren xedapen gehigarria. Izatezko bikoteak.⁵⁰

Erregelamendu honen ondorioetarako, izatezko bikoteei egiten zaizkien erreferentziak zergaren foru arauaren hogeita laugarren xedapen gehigarrian xedatutakoaren arabera interpretatuko dira.

Xedapen iragankor lehen. Dokumentazio betebeharretatik salbuestea ondasun higiezinaren errentamenduan, azpierreantamenduan edo haiek erabili eta gozatzeko eskubide errealeen eraketan edo lagapenean.

Aurretik formalizaturik eta 2014ko urtarrilaren 1ean indarrean zeuden kontratuei erregelamendu honetako 19. artikuluan ezartzen dena aplikatzeko, artikulua horretan zehazten diren erregelak aplikatuko dira, baina higiezinaren balioespenerako erreferentziatzat 2014ko urtarrilaren 1a hartuko da, bost urteko lehen aldirako.

Bigarren xedapen iragankorra. Balore jakin batzuk dauzkaten entitateen araubidea.

1. Erregelamendu honetako bosgarren xedapen gehigarriko 6. apartatuan ezarritakoa gorabehera, zergaren foru arauaren hamahirugarren xedapen gehigarriko 1. apartatuan aipatzen diren zergadunek Erregelamendu hau indarrean jarri eta ondorengo lehen hiru hilabeteetan aurkeztu behar dute balore jakin batzuk dauzkaten entitateen araubidea aplikatzeari uko egiteko idazkia.

2. 2014ko urtarrilaren 1a baino lehen hasitako azken zergaldia arte sozietateen gaineko zergako atzerriko baloreak dauzkaten entitateen araubide bereziko erregelen arabera tributatu duten zergadunek zergaren foru arauaren hamalauugarren xedapen gehigarrian ezarritako araubidea aplikatzeari uko egiten ez badiote, arau bereko hamahirugarren xedapen iragankorreko 1. apartatuan ezarritakoaren arabera, orduan xedapen gehigarri horretan ezarritakoa aplikatuko dute 2014ko urtarrilaren 1aren ondoren hasten diren ondoz ondoko bos urteetan.

Zergaren foru arauaren hamalauugarren xedapen gehigarrian ezarritako araubidea aplikatzeari uko egin nahi badiote, erregelamendu honetako laugarren xedapen gehigarriko 6. apartatuan ezarritakoaren arabera egin behar dute.

3. Aurreko 1. apartatuan aipatzen diren zergadunek 2019ko urtarrilaren 1etik aurrera hasitako lehenengo zergaldian utziko diote zergaren foru arauaren hamalauugarren xedapen gehigarrian ezarritako araubidea aplikatzeari.

Nolanahi ere, hurrengo zergaldietan xedapen gehigarri horretan ezarritako araubidea aplikatzen jarraitu nahi badute, horretarako eskabidea aurkeztu beharko dute, zergaren foru arauaren hamalauugarren xedapen gehigarriko 1. zenbakian eta erregelamendu honetako laugarren xedapen gehigarrian ezarritako baldintzetan, zergaren foru arauaren hamahirugarren xedapen iragankorrean ezarritako araubide iragankorra aplikatu behar den azken zergaldia amaitu aurreko azken sei hilabeteetan.

⁴⁹ Xedapen gehigarri hau abenduaren 3ko 56/2024 Foru Dekretuaren artikulua bakarreko hamaika apartatuak indarririk gabe utzi du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

⁵⁰ Xedapen hau abenduaren 3ko 55/2024 Foru Dekretuaren 2. artikuluko sei apartatuak gehitu du. Aipatutako foru dekretuak 2024. urterako zenbait zerga aldaketa onesten dituen maiatzaren 10eko 1/2024 Foru Arauaren aldaketa batzuk eta zerga arloko beste arau batzuk erregelamendu bidez garatzen ditu. Foru dekretua Gipuzkoako Aldizkari Ofizialean argitaratzen den biharamunean sartzen da indarrean (2024/12/5eko GAO).

Aurreko paragrafoan aipatzen diren manuetan zehazten den baimena jaso eta 2019ko urtarrilaren 1etik aurrera hasten den lehenengo zergaldia hasi ondoren, apartatu honetan aipatzen diren zergadunei osorik aplikatu beharko zaie zergaren foru arauaren hamalagarren xedapen gehigarrian ezarritako araubidea, xedapen horretako 8. apartatuan jasotakoa barne.

Hirugarren xedapen iragankorra.⁵¹ Kultura sustatzeko pizgarriak 2023ko abenduaren 31n indarrean zegoen idazketaren arabera aplikatzeko aukeratzea.

Sozietateen gaineko Zergari buruzko urtarrilaren 17ko 2/2014 Foru Arauaren hogeita hamaikagarren xedapen iragankorrean xedatutako aukeraz baliatuta zergadunek aukeratzen badute zergaren foru arauaren hamabosgarren xedapen gehigarria aplikatzea 2023ko abenduaren 31n indarrean zegoen idazketaren arabera, Sozietateen gaineko Zergaren Erregelamenduko seigarren eta zazpigarren xedapen gehigarriak ere aplikatuko dituzte, 2023ko abenduaren 31n indarrean zuten idazketa kontuan hartuta.

⁵¹ Artikulu hau abenduaren 3ko 56/2024 Foru Dekretuaren artikulua bakarreko hamabi apartatuak gehitu du. Aipatutako foru dekretuak Sozietateen gaineko Zergaren Erregelamendua aldatu eta kultura sustatzea helburu duten zerga pizgarriak garatzen ditu. Foru dekretua Gipuzkoako Aldizkari Ofizialean argitaratzen den egun berean jarriko da indarrean (2024/12/9ko GAO), eta 2024ko urtarrilaren 1etik aurrera hasitako zergaldietarako izango ditu ondorioak.

ALDAKETAK

Honako zerrendan foru dekretuak onartzen duen erregelamenduak izan dituen aldaketak jasotzen dira.

- **73/2015 FORU DEKRETUA, uztailaren 28koa, Pertsona Fisikoen gaineko Zergan eta Sozietateen gaineko Zergan zenbait atxikipen eta konturako sarrera 2015. urterako aldatzen dituen (2015/07/30ko GAO).**
 - 2. artikulua bosgarren xedapen gehigarriko 2. paragrafoa aldatzen du eta 3. paragrafo bat gehitzen du.
- **79/2015 FORU DEKRETUA, irailaren 1ekoa, ondasun higiezin errentamendutik eta azpierrentamendutik eta inbertsio kolektiboko erakundeen akzio eta partaidetzen eskualdaketa edo itzulketetatik datozen etekinei aplikatu beharreko atxikipenak eta konturako sarrerak 2015. urterako aldatzen dituena.**
 - Bere 2. artikulua erregelamenduaren bosgarren xedapen gehigarriaren 3. apartatua aldatzen du.
- **88/2015 FORU DEKRETUA, abenduaren 29koa, Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatu eta ondare elementuen eskualdaketa lortutako errentak bi zerga horietan kalkulatzearren 2016an aplikatuko diren eguneratze koefizienteak onartzen dituena. (GAO 2015-12-30)**
 - Bere 2. artikulua honako aldaketak onartzen ditu erregelamenduan:
 - Bere Lehen ordinalak, 2015eko urtarrilaren 1etik aurrera hasten diren zergaldietarako ondorioekin, honako aldaketak onartzen ditu:
 - Bat apartatuak 38.2 artikulua aldatzen du.
 - Bi apartatuak 41 artikulua aldatzen du.
 - Bere Bigarren ordinalak, 2016ko urtarrilaren 1etik aurrerako ondorioekin, 51.7 artikulua aldatzen du.
- **2016ko abenduaren 20ko 28/2016 FORU DEKRETUA, Pertsona Fisikoen Errentaren gaineko Zergaren eta Sozietateen gaineko Zergaren erregelamenduak aldatzen dituena, eta ondare elementuen eskualdaketa lortutako errentak bi zerga horietan kalkulatzearren 2017an aplikatuko diren eguneratze koefizienteak onartzen dituena. (GAO 2016-12-26)**
 - Bere 2. artikulua honako aldaketak onartzen ditu erregelamenduan:

- Bere lehen ordinalak, 2016ko urtarrilaren 1etik aurrera hasitako zergaldietan ondorioak izateko, 20 bis artikulua gehitu du II. tituluaren III. kapituluko 2. sekzioaren barruan.
 - Bere bigarren ordinalak, 2016ko uztailaren 1etik aurrerako ondorioekin, 13 bis artikulua gehitu du.
- **14/2017 Foru Dekretua, ekainaren 27koa, Sozietateen gaineko Zergaren Erregelamendua eta, aurretiazko tributazio proposamen bereziei dagokienez, 2006ko abenduaren 5eko 49/2006 Foru Dekretua aldatzen dituen.** (GAO 2017-06-29)
 - Bere artikulua bakarrak 2017ko urtarrilaren 1etik aurrera hasitako zergaldietarako ondorioekin honako aldaketak onartzen ditu erregelamenduan:
 - Bere bat apartatuak III. bis kapitulu bat gehitu dio II. tituluari, eta haren barne 32 bis artikulua berri bat.
 - Bere bi apartatuak 40. artikuluan 1. eta 2. apartatuak aldatu ditu.
 - Bere hiru apartatuak 40 bis artikulua gehitu du.
 - Bere lau apartatuak lehen xedapen gehigarriaren 2. apartatuko sarrera aldatu du.
- **22/2018 Foru Dekretua, uztailaren 24koa, Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen.** (GAO 2018-07-27).
 - Bere 2 artikulua 2018ko urtarrilaren 1etik aurrera hasitako zergaldietarako ondorioekin honako aldaketak onartzen ditu erregelamenduan:
 - Bere bat apartatuak 34. artikuluan 4. apartatua ezabatzen du, eta orain arteko 5. eta 6. apartatuak 4. eta 5. apartatu bihurtzen dira, hurrunez hurren.
 - Bere bi apartatuak 50. artikuluko 22) eta 27) zenbakiak aldatu ditu.
- **31/2018 Foru Dekretua, abenduaren 27koa, Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak aldatzen dituen eta ondare elementuen eskualdaketan lortutako errentak bi zerga horietan kalkulatzeko 2019an aplikatuko diren eguneratze koefizienteak onartzen dituen.** (GAO 2018-12-31).
 - Bere 2. artikulua 2018ko urtarrilaren 1etik aurrera hasitako zergaldietarako ondorioekin honako aldaketak onartzen ditu erregelamenduan:
 - Bat apartatuak 9 bis artikulua berria gehitzen du.
 - Bi apartatuak 13 bis artikulua indargabetzen du.
 - Hiru apartatuak 23. artikuluko 2. apartatua.
 - Lau apartatuak 37. artikuluan 1. apartatua aldatzen du eta 3. apartatu berria gehitzen dio.

- Bost apartatuak 40.1 artikuluko b) letra.
 - Sei apartatuak 50. artikuluko 19. zenbakia.
 - Zazpi apartatuak 58. artikulua gehitzen du.
- **57/2019 FORU DEKRETUA, abenduaren 27koa, zeinaren bidez Sozietateen gaineko Zergaren Erregelamendua aldatzen baita kultura sustatzea helburu duten pizgarriak garatzeko (2019/12/30eko GAO).**
 - Bere artikulua bakarrik seigarren eta zazpigarren xedapen gehigarriak gehitzen ditu.
 - **5/2020 Foru Dekretua, apirilaren 21ekoa, zeinaren bidez onesten baita Gipuzkoako Lurralde Historikoko zerga kudeaketari eta zerga arloko jarduketara eta prozeduren arau komunei buruzko Erregelamendua. (2020/04/27ko GAO).**
 - Foru Dekretuaren hirugarren azken xedapenak lehen xedapen gehigarriaren 1. apartatua eta 2. apartatuko lehen paragrafoa aldatu ditu.
 - **11/2021 Foru Dekretua, irailaren 29koa, ondare eskualdaketen eta egintza juridiko dokumentatuen gaineko zergaren, oinordetza eta dohaintzen gaineko zergaren eta sozietateen gaineko zergaren erregelamenduak aldatzen dituen (2021/10/04ko GAO).**
 - Bere 3. artikulua 32 bis artikuluan 3. apartatuko b) letra aldatu du.
 - **Foru Dekretua, abenduaren 28koa, zeinaren bidez aldatzen baitira TicketBAI betebeharraren Erregelamendua onesten duen foru dekretua, zerga betebeharraren formal jakin batzuk garatzen dituen Erregelamendua, eta Pertsona Fisikoen Errentaren gaineko Zergaren eta Sozietateen gaineko Zergaren Erregelamenduak, eta ondare elementuen eskualdaketen lortutako errentak bi zerga horietan zehazteko 2022an aplikatu beharreko eguneratze koefizienteak onesten baitira (2021/12/30eko GAO).**
 - Bere 2. artikulua 2022ko urtarrilaren 1etik aurrera hasitako zergaldietarako ondorioekin seigarren xedapen gehigarriaren 1. apartatua aldatzen du.
 - **18/2022 Foru Dekretua, azaroaren 22koa, pertsona fisikoen errentaren gaineko zergaren erregelamendua, sozietateen gaineko zergaren erregelamendua eta zerga berrikuspenaren erregelamendua aldatzen dituen (2022/11/28ko GAO).**

2023ko urtarrilaren 1etik aurrera hasitako zergaldietarako ondorioekin:

- 37. artikuluari 2. apartatu bat gehitzen zaio, eta 2. eta 3. apartatuak 3. eta 4. apartatuak bihurtzen dira.

- **56/2023 Foru Dekretua, abenduaren 12koa, zenbait zerga erregelamendu aldatzen dituena (GAO 2023-12-18).**

- Bere 7. artikulua honako aldaketak onartzen ditu erregelamenduan:
 - Bat apartatuak 34. artikuluko 1. apartatua.
 - Bi apartatutak 35 bis artikulua berria gehitzen du.
 - Hiru apartatuak 50. artikuluko 26. zenbakia.

- **55/2024 Foru Dekretua, abenduaren 3koa, 2024. urterako zenbait zerga aldaketa onesten dituen maiatzaren 10eko 1/2024 Foru Arauaren aldaketa batzuk eta zerga arloko beste arau batzuk erregelamendu bidez garatzekoa (2024/12/5ko GAO).**

Bere 2. artikulua aldaketa hauek onartzen ditu:

- 14.1 artikuluko c) letra aldatzen du.
- 35 ter artikulua gehitzen du.
- 40 ter artikulua gehitzen du.
- 50. artikuluko 5. Zenbakia aldatzen du.
- 57.1 artikuluko bigarren paragrafoa aldatzen du.
- Zortzigarren xedapen gehigarri bat txertatzen du.

- **56/2024 Foru Dekretua, abenduaren 3koa, zeinaren bidez Sozietateen gaineko Zergaren Erregelamendua aldatzen baita kultura sustatzea helburu duten zerga-pizgarriak garatzeko. (2024/12/9ko GAO).**

Bere artikulua bakarrik aldaketa hauek onartzen ditu:

- 37 bis artikulua gehitzen du.
- 37 ter artikulua gehitzen du.
- 37 quater artikulua gehitzen du.
- 37 quinquies artikulua gehitzen du.
- 37 sexies artikulua gehitzen du.
- 37 septies artikulua gehitzen du.

- 37 octies artikulua gehitzen du.
- 37 nonies artikulua gehitzen du.
- 37 decies artikulua gehitzen du.
- Indarrik gabe uzten du seigarren xedapen gehigarria.
- Indarrik gabe uzten du zazpigarren xedapen gehigarria.
- Beste xedapen iragakorra gehitzen du, hirugarrena.

- **1/2024 Foru Dekretu-Araua, abenduaren 17koa, 2024 urterako zenbait zerga neurri onesten dituen. (2024/12/19ko GAO).**

6. artikulua neurri hauek sartzen ditu, 2024ko urtarrilaren 1etik aurrera hasitako zergaldietarako ondorioekin:

- Bigarren ordinalaren lehen apartatuak I. kapituluaren sortzen du IV. titularen barruan (Itsas garraioko enpresen araubidea).
- Bigarren ordinaleko bigarren apartatuak IV. tituluko II. kapitulu berria sortzen du, 40. artikulutik 43.era bitartekoen egungo edukia jasotzen duena.